

臨診 秘典

國醫楊樸民編述

上海大方書局發行



中華民國三十五年十一月再版

臨診秘典

全一冊——實價

版權所有
翻印必究

編述者 楊 樸 民

出版者 大 方 書 局

發行人 李 協 和

上海四馬路山東路一四三號

總發行所 大 方 書 局

代售處 本外埠各大書局

例言

一 本書共輯錄秘方壹仟則，分爲急救、婦孺、瘡毒、花柳、頭腦、耳鼻咽喉、眼目、雜治、怪疾、戰時急救等十編，名目整然，檢查便捷。

二 本書所選各方，均係出諸醫家祕藏，或名籍古本，經歷朝名醫驗證，奇效卓絕者。

三 本書各醫方，包括內外全科，方前又多附病徵說明，故足供爲臨診參考之用，定名爲臨診祕典，實最適宜。

四 本書編纂，歷時數月，內外藥物名辭，曾經迭次考訂。

五 本書最後一篇，係完成後所增附，蓋此乃非常時期所不能缺乏者也。

六 付印匆促，如有謬誤，希爲指正。

編者

臨診祕典

緒論

「泥守」乃落伍或退步之主因，此金科玉律之理論也。蓋「泥守」祇知有「舊」而不知有「新」，「舊」已爲歷史之陳蹟，天演論中謂爲必須淘汰者；「新」則日事發展，循「適者生存」之原則而進，日無止境。於是飲食也，家室也，衣服也，交通也，無一不在歷史之巨輪中而遞變矣。

然而舊者均不可取乎？曰：「否」！觀乎文化道德，則舊者有時固勝於新。天演論中所指「適者生存」，僅就天時地利者而言耳。

茲以醫藥言之，固無所謂新舊之分：新科學中之醫藥，誠利於世不淺；而舊有醫藥學中經驗，亦未嘗可歸諸淘汰。夫醫學以濟民爲旨，積千數百年

之施用，活民何止萬千？今若一旦以「舊」而摒棄之，是忽略於「實用經驗」矣。我國醫藥，不如歐美，此實無可諱言；但歐美人士之採用我國醫藥，事實非鮮，例如羚羊角本漢藥之聖者，今已在歐美醫藥界中佔強補之首席；其渺小如大蒜一物，亦使歐美醫士提倡採煉，風行一時。由此觀之，漢醫固有漢醫之明，漢藥固有漢藥之妙。我國古代醫方，一如漢藥，積多年之經驗，每有不可思議之功。其活民濟世，誰敢加以否認。然而轉輾流傳，日久不無訛誤。且醫士懷之如拱璧，不易示人，致使鳳毛麟角，難得一睹。吁！此非醫方之珍貴也，實如深山藏玉，徒為埋沒耳。

古代醫方之靈效，妙在簡易實施。觀乎鄉村俚鄙，每能救人於難，其所用者，僅一二草頭樹根而已。然此一二所謂草頭樹根者，非鄉村俚鄙之發現，實一千百年間流傳之治人秘方。諺云：「藥不在多，能用則靈」。誠然！能知醫藥，則確具此「能用則靈」之奧妙。

士代醫方雖非全出諸臨床實驗，然其效能，因歷史之證明，已較臨床實驗爲佳。惜乎散秩流傳，如廣陵潮者，在所不免也。

今若盡力搜羅，分類編目，刊印成秩，獻諸於世，亦美事也。爲勳爲功，當不敢求。編者言：「此非個人之經驗，亦非一代之經驗，乃千數百年代精英者之經驗耳。」

解 決 新 時 代 青 年 一 年 切 當 前 難 題

事 業 的 明 燈 · 學 習 的 南 針

青 年 自 修 成 功 叢 書

服 務 與 進 修	口 才 與 交 際	創 業 與 致 富	切 身 問 題	成 功 之 路	給 新 時 代 青 年	讀 書 與 寫 作	天 下 無 難 事	奮 鬥 之 路	奮 鬥 與 基 礎	處 世 新 教 育	青 年 職 業 指 導	戀 愛 與 健 康
孫 佳 訊 編 著	平 忍 編 著	葉 羣 編 著	沈 果 編 著	巴 雷 編 著	狄 畏 編 著	列 揚 編 著	任 之 編 著	蕭 滿 編 著	蕭 滿 編 著	長 風 編 著	謝 頻 編 著	楊 漢 章 編 譯

痛苦，徬徨，苦悶；這一切不是時常環繞在你的周圍嗎？一個甫入社會的青年或則是在求知學習中的青年，一切痛苦底感觸更多；你不是時常咒咀這社會太庸儂，人們太好詐了嗎？而且在社會上應付的學識，使你感到不敷應用或者學非所用，或者是無用武之地嗎？這一切難以解決的問題，這裏都能明白地告訴你；使你怎樣去應付這社會，使你怎樣踏上成功之途，不但替你解決了許多難題，解脫了苦悶與痛苦，同時也足以促使你達到成功。

處 世 的 顧 問 · 修 養 的 導 師

定 價 低 廉 使 人 人 買 得 起 ； 文 字 淺 鮮 使 人 人 看 得 懂 ； 大 方 書 局 勝 利 後 對 讀 書 界 的 最 新 貢 獻

臨診秘典目次

例言

緒論

第一編 急救部

急救吞服砒霜法	一
急救吞服火柴法	二
急救吞玻璃入腹法	二
急救中豆腐毒法	二
急救吞針法	三
急救飲茶中毒法	三
急救吸烟中毒法	三
急救吞金銀銅鐵錫法	三
急救耳鼻出血法	四
急救中邪死法	四

急救鬼箭傷法	四
急救睡魔死法	五
急救雷擊死法	五
急救壓死跌死法	五
急救猪咬傷法	六
急救馬咬傷法	六
急救家犬咬傷法	六
急救虎傷	七
急救吞紅頭火柴法	七
急救中煤毒法	八
急救湯火傷法	八
急救動物咬傷法	八
急救爛喉痧法	八
急救凍死法	九

急救水火燙傷法	九
急救咽烟暈絕法	九
急救中鴉片毒法	九
急救男女脫精法	〇
急救毒蛇咬傷法	〇
急救五絕法	〇
急救吞首飾法	一
急救服銼水法	一
急救瘋狗咬傷法	一
急救溺死法	一
急救七孔流血法	二
急救吊死法	二
急救觸電法	三
急救中瘴氣法	三
急救吞生鴉片法	三
急救水莽草毒法	四
急救斷腸草毒法	四

急救香水銀法	一四
急救刀傷血流不止法	一四
急救漆毒法	一五
急救蟹毒法	一五
急救河豚毒法	一五
急救橡乳毒法	一六
急救鉛粉毒法	一六
急救尸厥死法	一七
急救銼水燒傷法	一七
急救湯泡火傷法	一七
急救土公蛇咬傷法	一八

第二編 婦孺部

治難產法	一九
治產後腹痛法	一九
治產後頭痛法	二〇
治產後血氣痛不可忍法	二一

治產後偏身疼痛法	二二
治產後發熱法	二二
治產後腹中有塊作痛法	二二
治肝厥法	二三
治老婦血崩法	二四
治陰挺法	二五
治產後痘瘡風眼法	二五
治子癰法	二五
治乳癰乳癰法	二六
治乳痞法	二六
治墮胎法	二六
治月經閉止法	二七
治乳巖法	二七
治白帶法	二七
治胎毒法	二七
治肝氣法	二八
治年老經不止法	二八

小產預防法	二八
治赤白帶法	二八
治產後瘡疾法	二八
治產後乳汁不通法	二九
治產後子宮脫出法	二九
治產後血暈法	三〇
治產後脅痛法	三一
治產後中風法	三一
治產後腰痛法	三一
治產後風虛法	三一
治產後風濕法	三一
治產後搐搦法	三一
治產後心痛法	三一
治逆產法	三三
治一月經再行法	三四
治經期不准法	三四
治行經腹痛法	三五

治經來小便疼痛法	三六
治經後腹痛法	三六
治經來脅內塊痛法	三六
治室女經閉偏身浮腫法	三七
治月經不調法	三七
治經到潮熱不食法	三七
治婦女疝疾經水不調法	三八
治經如黃水法	三八
治經來淡色法	三八
治經來紫色法	三九
治痛經不孕法	三九
治經如綠水法	三九
治經來食物即吐法	三九
治初生小兒月內臍風法	四〇
治小兒不能飲乳法	四〇
治小兒狂啼法	四〇
治小兒腎疳法	四一

治小兒慢驚法	四一
治小兒游瘋毒法	四一
治小兒熱癩法	四二
治小兒生下不啼法	四二
治小兒黃腫法	四二
治小兒螳螂子法	四三
治小兒癆症法	四四
治小兒夜啼法	四四
治小兒誤吞釘法	四五
治小兒痧子法	四五
治小兒疳積法	四六
治小兒夜不安眠法	四六
治小兒夜中遺尿法	四六
治小兒痰病法	四七
治小兒瀉痢法	四七
治癰子法	四七
治小兒黃水瘡法	四七

治稀痘法	四七
治乳生積核法	四八
治小兒羊鬚疳法	四八
治疳積虫法	四八
治初生去毒開口法	四八
治初生兩腿生瘡脫皮法	四九
治初生小便不通法	四九
治痘後餘毒攻目法	五〇
治小兒急慢驚風法	五〇
治痘疳名綿繭法	五〇
治痘後昏迷亂語法	五〇
治痘後齒癢或出血法	五一
治麻發不起法	五一
白虎地黃湯	五一
治麻伏變症法	五一
治疳膨食積法	五二
治冒風隱沒法	五二

治穢穢疳法	五四
治口疳吹藥法	五四
治小兒牙疳出血法	五五
治臘梨頭法	五五
治脊疳法	五五
治胎癩法	五六
治腹中有虫法	五六
治小兒白喉法	五六
治口生白點法	五六
治肚臍腫出法	五七
治小兒瘡毒成管法	五七
治疳瀉法	五八
治腦疳法	五八
第三編 瘡毒部	
治對口瘡法	五九
治發背法	六〇

治背癰法	六〇	治癩風法	六六
治面疔法	六一	治手足生瘡久不收口法	六七
治毒疔法	六一	治痔瘡立愈法	六七
治疥瘡法	六一	治懸癰法	六七
治肛門生瘡法	六一	治下部患瘡法	六八
治膿水熱瘡法	六一	治瘡養難忍法	六八
治白禿瘡法	六二	治年鬚瘡法	六九
治坐板瘡法	六三	治繡球風法	六九
治漆瘡法	六三	治喉癬法	六九
治瘰癧瘡法	六三	治吃髮癬法	七〇
治陰頭生瘡法	六三	治癬法	七〇
治葡萄疔法	六四	治胸旁生瘡法	七〇
治瘡中生管法	六四	治頭生瘡髮凝結法	七一
治諸物入瘡法	六五	治拔毒法	七一
治鵝掌風法	六五	治瘡癬潰爛法	七一
治贅疣法	六六	治凍瘡法	七一
治嘴角瘡法	六六	治毒攻心法	七一

治瘡中生蛆法	七二
治肉瘤法	七二
治血瘤法	七三
治粉瘤法	七三
治鼠瘻法	七三
治甲疽法	七四
治石疽法	七四
治痞法	七五
治脫骨疽法	七五
治陰疽法	七六
治疔瘡法	七七
治癰疽潰爛法	七八
治反唇疔法	七八
治刀鑱疔法	七八
治唇疔法	七九
治紅絲疔法	七九
治蛇頭疔法	八〇

治瞎眼疔法	八〇
治耳疔法	八〇
治閉口疔法	八〇
治鼻瘡法	八一
治軟癬法	八一
治漏疾法	八二
治癰疽不潰法	八二

第四編 花柳部

治橫痃法	八三
治魚口便毒法	八四
治梅毒法	八四
治便血法	八五
治鼻爛穿法	八五
治梅毒斷根法	八五
治楊梅結毒法	八五
治廣瘡結毒法	八六

治頭面結毒法	八六
治楊梅下疳法	八六
治下疳瘡法	八七
治鷄瞪疳魚口下疳法	八七
治下疳法	八八
治氣淋法	八九
治魚口法	八九
治勞淋法	八九
治血淋法	九〇
治熱淋法	九〇
治石淋法	九〇
治淋濁法	九一
治赤白濁法	九一
治白濁法	九二
治赤濁法	九二
治橫痃法	九三
治石沙淋法	九三

第五編 頭腦部

治偏正頭風法	九五
治頭項強痛法	九六
治頭頂腫痛法	九六
治陽虛頭痛法	九六
治太陽出血法	九七
治頭眩法	九七
治氣昏頭痛法	九七
治氣攻頭痛法	九七
治風陽頭痛法	九七
治氣厥頭痛法	九八
治寒虛頭痛法	九八
治血風頭痛法	九八
治濕家頭痛法	九八
治太陽頭痛法	九八
治腎氣上攻頭頂不能動法	九八

治頭痛法	九
治腎虧頭痛法	九
治頭風目盲法	九
治頭風睛痛法	九
治一般頭風法	〇
治頭痛如斧劈法	〇
治厥風陰風上衝頭痛法	〇
治頭痛起塊法	〇
治頭腦鳴響法	〇
治頭腦作響法	〇
治頭腦昏暈法	〇
治腦漏法	〇
治腦後作痛法	〇

第六編 耳鼻咽喉部

治老人耳聾法	〇
治耳聞螞蟻戰鬥聲法	〇
治腎虛耳聾法	〇
治耳鳴法	〇
治青年耳聾法	〇
治少壯病後耳聾法	〇
治耳痛法	〇
治腎虛耳聾響若流水法	〇
治耳痔耳聾耳換法	〇
治耳疔法	〇
治耳內出膿法	〇
治蚘蜒入耳法	〇
治聾耳法	〇
治耳內溼爛法	〇
治諸虫入耳法	〇
治耳後月蝕法	〇
治耳後銳毒法	〇

治底耳法.....一〇九

治凍耳成瘡法.....一〇九

治鼻內生虫法.....一一〇

治鼻流臭水法.....一一一

治鼻孔爛穿法.....一一一

治鼻翳法.....一一一

治鼻寒法.....一一二

治鼻流黃涕法.....一一二

治鼻痔法.....一一二

治鼻流清涕法.....一一三

治鼻癩法.....一一三

治鼻落法.....一一四

治赤鼻治.....一一四

治鼻梁空痺法.....一一四

治喉症法.....一一四

治喉瘋法.....一一五

以燕窩治喉法.....一一五

治喉痺喉癰法.....一一五

治喉間痛爛不收口法.....一一六

治喉症預防法.....一一六

治喉蛾腫痛法.....一一六

治鎖喉風症法.....一一七

治纏喉風法.....一一七

治白喉風法.....一一七

治啞喉風法.....一一八

治喉鵝法.....一一八

治嗆喉風法.....一一八

治脚根喉風法.....一一八

治急鎖喉風法.....一一九

治喉風法.....一一九

治內纏喉風法.....一一九

治喉爛法.....一二〇

治咽喉急症法.....一二〇

治喉痧法.....一二〇

治肺熱喉痛法	一二一
治老癆喉痛法	一二一
治喉癰法	一二一
治飛絲入喉生瘡法	一二一
治喉痛法	一二一
治喉閉法	一二一
治風火喉癰法	一二一
治喉中生珠法	一二一
治咽喉腫痛法	一二三
治陰虛聲啞法	一二三
治諸骨顛喉法	一二三
治楊梅喉癰法	一二三
治青金靛法	一二四

第七編 眼目部

治偷針眼法	一二五
治鷄眼法	一二五

治點眼法	一二六
治飛塵入目法	一二六
治蛛絲入目法	一二六
治風眼下淚法	一二六
治紅眼法	一二七
治肝熱目痛法	一二七
治火眼痛法	一二七
治眼淚流濃法	一二七
治睡起目赤法	一二八
治赤目失明法	一二八
治目鷄視法	一二八
治目昏多淚法	一二八
治虛眼法	一二八
治眼目昏花法	一二九
治遠年目障法	一二九
治遠年攀睛翳膜法	一二九
治羞明怕日法	一二九

治產後血產矇目法……………一三九

治黑子遮眼法……………一三〇

治膜眼法……………一三〇

治目疾紅痛日久法……………一三〇

治赤眼痛法……………一三〇

治目忽不見法……………一三一

治明目去翳法……………一三一

治目生障翳法……………一三一

第八編 雜治部

治霍亂立愈法……………一三三

治瘧疾立愈法……………一三四

立止咯血法……………一三四

治吐血法……………一三四

治牙痛法……………一三五

治夢遺法……………一三六

治胃脘隱痛法……………一三六

治肝胃氣痛法……………一三六

治傷風法……………一三七

治咳嗽痰血法……………一三七

治周身痛法……………一三七

治哮喘法……………一三八

治小便過多法……………一三八

治病後浮腫法……………一三八

治通身浮腫法……………一三九

治夜睡遺尿法……………一三九

治血鼓法……………一三九

治胃熱吞酸法……………一四〇

治肺虛咳嗽法……………一四一

治心胃虫疾作痛法……………一四一

治胃寒嘔吐黃水法……………一四一

治心胃氣痛法……………一四二

治膈食初愈法……………一四三

治寒症腹痛法……………一四三

治血症法	一四三
治各種痛症法	一四四
治肝胃氣痛法	一四四
治紅痧症法	一四四
治胸滿腹脹法	一四五
治胸前生孔法	一四五
治肝厥法	一四五
治時症法	一四六
治風濕法	一四六
治頭頸僵硬不能轉側法	一四六
治哮喘法	一四六
治盜汗法	一四七
治肺癆咳嗽法	一四七
治牙痛脹痛法	一四八
治耳後銳毒法	一四八
治虫牙作痛法	一四八
治腹脹面黃法	一四八

治口唇緊小法	一四八
治風火牙痛法	一四九
治舌脹滿口法	一四九
治鼻血不止法	一五〇
治水鼓法	一五〇
治斷舌法	一五一
治癩狗毒蛇咬法	一五一
治魚骨入腹作痛法	一五二
治鐵耙傷法	一五二
治壁虎咬傷法	一五三
治兩耳脫落法	一五三
治大肚痞法	一五三
治牙白蟲疾法	一五三
治吸烟斷癮法	一五四
治骨鯁法	一五四
治濕氣法	一五五
治昏迷法	一五五

治吐紅法	一五五
治辟癩瘡癩法	一五六
捉牙虫法	一五六
治大頭瘟法	一五七
治夢魘法	一五七
治周身骨軟法	一五七
治脚甲腫爛疼痛法	一五八
治熱病法	一五八
治胸膈閉結不通法	一五八
治痧症法	一五九
治手足節骨疼痛法	一五九
治陰陽易症法	一五九
治爛脚法	一六〇
治脚底溼毒法	一六〇
治肺癰法	一六〇
治足繭法	一六〇
治久年下血法	一六一

治邪風歪嘴法	一六一
治腹蟲作痛法	一六一
治久痢及心頭久痛法	一六一
治休息痢法	一六一
治紫癩風法	一六一
治瘋顛法	一六二
治哮喘法	一六三
治狐臭法	一六四
止咳法	一六四
治瘋狗咬傷法	一六四
治糧餅梗塞咽喉法	一六五
治咳嗽法	一六六
治痢疾法	一六六
治鬱悶治	一六六
治魚骨梗喉法	一六七
治瘟疫法	一六七
治消痰法	一六七

防童子癆法	一六八
驗病法	一六八
戒煙法	一六八
治白癩風法	一六九
治風癩法	一六九
治蟹背瘡法	一六九
治腸癰法	一六九
治鼓脹辨症法	一七〇
治疣癩法	一七〇
治爛腳法	一七〇
治疔瘡初起法	一七一
治蟲疾腹痛法	一七一
治熱症腹痛法	一七一
治脹敷臍法	一七一
治腋下癭法	一七一
治天泡瘡法	一七一
治氣臑法	一七一

治臑脹法	一七一
治疝臑神法	一七二
治心胃氣痛法	一七三
治陰症腹痛法	一七三
治肚痛法	一七三
治肚腹畏寒法	一七四
治水腫臑脹法	一七四
治胃熱吐酸法	一七四
治胃脘隱痛法	一七五
治溫瘧疾法	一七五
治瘧疾寒熱法	一七五
治老人中風法	一七五
治瘰癧法	一七六
治牡瘡法	一七六
治中風麻木法	一七六
治脾瘡法	一七七
治久瘡長寒發冷法	一七七

治陰黃法……………一七七

治黃疸吐血法……………一七七

治中風不語法……………一七八

治久瘡成瘡法……………一七八

治黃疽取黃法……………一七八

治多年痢疾法……………一七九

治噤口痢疾法……………一七九

治赤白痢法……………一七九

治久瘡疾法……………一七九

治筋骨疼痛法……………一八〇

治風濕痠痛法……………一八〇

治寒濕氣法……………一八〇

治癩狂法……………一八一

治風寒濕痺法……………一八一

治箭風法……………一八一

治足疾痛法……………一八一

治風濕癱瘓法……………一八二

治中風法……………一八二

治鷄脚風法……………一八二

治手足筋骨疼痛法……………一八三

治周身疼痛法……………一八三

治中風口喎法……………一八三

治痔下血法……………一八三

治痔漏法……………一八四

第九編 怪疾部

治陽毒發狂法……………一八五

治卒然舌腫法……………一八五

治痘中有疔法……………一八六

治笑不休法……………一八六

治遍身發癢法……………一八六

治腹似坐胎法……………一八六

治心悶面赤法……………一八七

治疫癘腫法……………一八七

治腹脅間忽長鱗甲法	一八七
治指縫流血法	一八七
治心窩外生瘡法	一八八
治米瘰嗜米法	一八八
治灸瘡飛蝶法	一八八
治筋肉化蟲法	一八八
治蛟龍瘰法	一八八
治小便溺五色石法	一八九
治麻藥法	一八九
治嚙虱成癢法	一八九
治脚飯色紅如火法	一八九
治手足皆脫不死法	一九〇
治唇瘡生牙法	一九〇
治食生米病法	一九〇
治魚臍疔法	一九一
治麻骨法	一九一
治破傷風法	一九一

治毛竅出血法	一九一
治腋下癰癭法	一九二
治驚瘰法	一九二
治玉莖強中法	一九二
治化生蝦魚法	一九二
治鴨瘰法	一九三

第十編 戰事急救部

治流彈擦傷法	一九四
治輕受毒氣法	一九四
治流血不止法	一九五
洗刺刀傷法	一九五
輕傷止血法	一九五
折肢止血法	一九五
火烟悶死救治法	一九五
救地穴中悶死法	一九六
急防毒氣法	一九六

治戰地餓死奇方	一九六
折骨急救法	一九六
碰傷救治法	一九六
骨傷治法	一九七
炮聲嚇死急救法	一九七
中草毒死急救法	一九七
火藥傷目急救法	一九七
炮聲震聾醫治法	一九七
高處跌斃急救法	一九八
治燃燒彈火灼傷法	一九八

臨診秘典

第一編 急救部

醫術中之急救，每使醫士束手無措。何以？蓋症之救也須急，其險可知。然急救之急，乃對症施救之急，並非對症下藥之急。醫士如能胸有成竹，當無急在藥物之搜索。所謂「知己知彼，百戰百勝」，醫藥何嘗不如此。

國醫中之急救，多恃藥物，西醫中之急救，多賴器械。以手續而言，國醫簡於西醫多矣。急救之藥物，在國醫中每為常見之物，此點對於施救手續尤易。今本篇共列急救藥方五十二則，醫者可按方檢查，而病者亦可藉以自療，藥到病除，有此固不必急於搜索矣。

一 急救吞服砒霜法

以鷄子清為第一妙藥。如遇有吞服砒霜毒者。先用食鹽兩調羹。沖水

一大碗服下使其嘔吐。及毒物大半吐出。乃用生鷄子清五枚吞下。（熟蛋白無效。）則鷄子清自與腹中餘剩之

砒毒化合。成爲腸胃所不能消化之質。徐由大便而出。自不致於傷生。否則砒霜入胃後。被胃中酸質溶化。其毒入血。卽不治矣。

二 急救吞服火柴法

以膽礬一物。第一妙藥。因服膽礬後。其所含一部分之銅質。(膽礬之成分爲硫酸銅。稍有醫藥知識者盡知之。)與火柴等中之磷質相遇。卽擁護於磷之表面。使不易消化。故服火柴頭者。每隔五分鐘。卽研膽礬末五釐。溶化於清水一茶杯中服之。連

服四五次。必將火柴頭等吐出。(因胆礬本爲吐藥。)乃再用陳松節油(西藥房購)二錢半。蛋黃一枚。溫水二兩半。加白糖兩調羹調勻。每隔半時服一調羹。此爲救吞服火柴頭者。最可恃之解毒法也。

三 急救吞玻璃入腹法

玻璃誤吞腹中。其害非淺。可用赤苳湯煮熟。儘量而飲。服後。再用瀉藥。不逾時赤苳裹玻璃而出。

四 急救中豆腐毒法

蘿蔔功用最大。非但可以消食。

並能治中豆腐之毒。食豆腐中毒者。腹脹氣塞。甚者幾死。其時宜多服煎熱之蘿蔔汁。如無蘿蔔之時。蘿蔔子亦佳。

五 急救吞針法

法用蠶豆煮韭菜同食。針與韭菜從大便出。無蠶豆時。用鹽豆亦可。
(又方)。挖取活癩蝦蟆眼珠一對。帶血用冷水團吞下。其針兩端穿珠。立刻吐出。或從大便出。奇效。但永戒食蝦蟆。

六 急救飲茶中毒法

白糖能解茶毒。飲茶中毒之時。宜服白糖。(又法)。煎甘草服之。(又法)。取梅干食之。

七 急救吸烟中毒法

烟葉含有毒質。唯白糖能解之。若吸烟中毒之時。宜和白糖於清水而飲之。其毒自去。(又法)。以檳榔研末。開水送下。

八 急救吞金銀銅鐵錫法

羊脛骨(即羊前腿膝蓋骨)燒枯為末。米湯調服二三錢。一日必出。或用橄欖核燒枯。研末。開水調服亦出。

。或食糯米糖半斤。亦效。(又方)
以韭菜一把。潑水煮軟。不可切斷。
淡食之。少頃卽吐出。或由大便秘出。

九 急救耳鼻出血法

凡耳目口鼻一齊出血。名曰上虛
下竭。死在須臾。不及用藥。先將冷
水當面噴幾口。或婦女急分開頭髮。
以面噴之。男子無髮。可分用粗紙數
層。冷醋浸透。搭在顛門。其血卽
止。

一〇 急救中邪死法

法用韭菜心。於男左右鼻內。刺

入六七寸。令目開血出。卽活。或搗
韭汁灌鼻。更視上唇內有如粟米粒者
。以鍼挑破取出。或皂角末。或生半
夏末。如豆大各吹兩鼻中。燒灰一爐
。以陳醋潑炭上。使患者聞得醋氣卽
活。須捉其兩手。勿令其驚。或灌醋
於鼻內。或用樟木燒烟熏之亦可。

一一 急救鬼箭傷法

凡身痛有青色。用亂髮擦之。髮
捲成團而硬者。卽是用金銀花(一兩)
。煎水飲之卽愈。又方。山梔。(炒)
麵灰。(炒)。桃枝尖(七箇)共搥融

作餅貼之。次日將餅取下。分作七丸。放炭火中燒之。時聲響卽愈。不愈再燒。以愈爲止。(又方)有人爲鬼氣所中。腿上生瘡。百藥不愈。後乾用狗糞枯而白者。燒烟向瘡口薰之。拔出清水數碗。亂髮十餘圍而愈。

一一 急救睡魔死法

原有燈。卽存燈。無燈切不可用燈照。急用生半夏末。(約一豆大)吹入兩鼻。取母鷄冠血搽面上。乾則再搽卽醒。(又方)樟木。燒煙熏之卽醒。(又方)不得用燈火照。並不得

近前急喚。但痛咬其足跟及足大拇指。頻頻呼其名。以口水唾其面。再灌薑湯必活。

一三 急救雷擊死法

蚯蚓。(又名地龍又名曲蟥)搗融敷臍上。半日卽活。仍禱謝雷神。虔心懺悔。或用回生丸灌之。亦可活也。須戒殺生。

一四 急救壓死跌死法

急扶起盤脚坐地。以手提其髮。將生半夏末。(約豆大)吹兩鼻中。以生薑汁灌之。只要心頭微溫。雖至日

亦活。再用白糖調水與服。散其瘀血。或加童便灌之。

一五 急救猪咬傷法

生龜板。炙研細。麻油調搽即愈。藥店多以熬過龜板假充。必不見效。須用生的自炙為要。(又方)熟松香貼傷處。數日愈。

一六 急救馬咬傷法

白煮猪肉一大片同飯。本人自嚼貼患處。立時止痛即愈。(又方)先以艾火灸患處。復用馬糞。及人糞。燒存性。猪油調搽即愈。(又方)馬

齒莧一握。煎湯日日服之。以愈為度。外粟子嚼爛敷之。(又方)打馬鞭子。或龍頭索燒灰摻之。即愈。其毒入心者。此二方亦效。

一七 急救家犬咬傷法

胡椒。(研細末)敷之。雖傷重亦不過數日收功。惟初敷必痛。而且腫。少刻痛止腫消。有人被犬咬傷。血流不止。用此藥隨敷隨流。敷至第三次後。血止數日而愈。其效如神。(又方)用木一截。向傷處指定。以火在木尾燒之。問其痛否。痛則多

燒數次。不痛乃愈。犬本屬土。此木能剋土之意也。（又方）甘草煎水。淨毒氣。以熱牛糞敷之。即時痛止。（又方）番木鱉。切片。瓦上炙焦存性。研末。摻上二三日收功。破爛日久者。半月必愈。

一八 急救虎傷法

凡被虎咬傷。血必大出傷口。立時潰爛。疼不可當。急用豬肉貼之。隨貼隨化。隨化隨換。速用地榆一觔。爲細末。加入三七末三兩。苦參末四兩。和勻摻之。隨濕陳摻血卽止。

而痛卽定。蓋地榆涼血。苦參止痛。三七末止血。合三者之長。故奏效如神。（又方）樟樹嫩葉嚼食。並令人將此葉嚼融敷之。絕無後患。（又方）但飲酒常令大醉。當吐出毛而愈。或用白砂糖調水。多食極效。（又方）嫩松毛。搥融如泥。將傷口內塞滿極效。

一九 急救吞紅頭火柴法

其法。用重量荳漿灌飲卽活。如急切無處覓得荳漿。用石膏溶濃液。灌之亦效。

二〇 急救中煤毒法

若已中煤毒者。速即擡出室外。令仰臥地上。用涼水洗頭部。并用人工呼吸法。(即後載昏迷之治法)如中毒未甚。尚可救治。

二一 急救湯火傷法

以初生之鼠。浸菜油中。以治湯火傷。固神效。若於敷治時。更以棉花蘸蛀竹屑(舊竹器中取)撲上。則且立時止痛。其效尤著。

二二 急救動物咬傷法

馬咬。可用栗子一顆。燒灰敷患

部。貓咬。取薄荷汁塗之。被貓爪搔傷。可用安母尼亞擦之。犬咬。量所傷大小。嚼杏仁數破處。以綳帶繫之。蠍螫用石礬一兩。醋半斤煎之。投礬末於醋中。塗患處。蜘蛛齧者。雄黃末敷之。蜂螫。用安母尼亞擦之。均極效。

二三 急救爛喉痧法

法將患者頭頂髮拔去數莖。視有無紅筋紅點。光用生薑一大片。蘸青桐油擦之。以皮白為度。紅筋等自然顯露。用銀針挑破。擠去惡血。喉間

結毒自消。然後進藥。可保萬全。

二四 急救凍死法

若遇受凍者。口中稍有微氣。四肢已僵。可用生半夏末如豆大少許。入耳鼻內。又用大鍋炒灰布包熨心腹上。冷則換之。待其目微啓。再以溫酒與食。如已活之後。更用生薑搗汁。陳皮搥碎。各等分。用水三碗。煎服。即愈。

二五 急救水火燙傷法

水火燙傷時。往往用鹹菜醬油塗治。其效甚鮮。不如用白米鋪於傷處

。一小時即愈。

二六 急救咽烟暈絕法

凡人生存。全賴呼吸靈通。如遇失火等之時。若有咽烟而死之人。宜急搾蘿蔔汁。入於其口。則自然蘇生。

二七 急救中鴉片毒法

鴉片之毒。散布五臟。非其他毒物可比。中毒者其初若酒醉。其後精神恍惚。至不醒人事。斯時宜以醋燉熱。加入白糖。使飲一二茶杯。然後將鳥羽探其喉。使之吐却。即醒。

二八 急救男女脫精法

無論男女遇此。切不可驚走下床。男脫則女以口哺送其熱氣。女脫則男以口哺送其熱氣。一連數十口呵之。則陽氣漸漸重回。再以人參附子湯灌之。(送氣之法。先須閉口提丹田之氣上來。盡力哺於口中。送下口去。可救垂危於俄頃)。若貧者不能得參。急用黃芪四兩。當歸二兩。附子五錢。水煎服亦活。又法用人抱起坐之。以人之口氣呵其口。又恐不能入喉。急以筆管通其兩頭。入病人喉內。

。使女子呵之。不必皆妻妾也。凡婦人均可。

二九 急救毒蛇咬傷法

凡被毒蛇咬傷。則惡毒攻心。半日必死。急取竹木桿烟筒內烟油。用水洗出。飲一二碗。若受毒重者。其味必甜。而不知辣味。若傷口痛甚者。內有蛇牙。宜用烟油重擦之。則蛇牙可出。治蛇咬之方雖多。而以此方為最靈妙。閱者幸勿輕視之也。

三〇 急救五絕法

五絕者何。縊死溺死凍死壓死跌

死。謂之五絕。凡五絕死者。皆可以半夏爲末。灑冷水作丸如豆大。納入鼻中卽甦。心溫者一日可治。又治產婦暈死亦效。

三三 急救吞首飾法

以不切斷韭菜。製成麵餅食之。

首飾卽從韭菜隨大便而下。

三三一 急救服鏹水法

連服肥皂水或蘇打水。均可解救

。如無此二物。卽用刀將牆壁上石灰刮下一二酒杯。沖水一大碗服之。亦能起死回生。蓋酸類之毒。一遇鹼性

之藥。卽變爲鹽類。肥皂蘇打石灰。均爲鹼類。故能解鏹酸之毒。若必待醫生之至。一失時機。卽不救矣。

三三二 急救瘋狗咬傷法

瘋狗咬人。自古無善治之法。茲得秘方。用川大黃三錢。木鼈子三錢。明雄黃一錢。二丑錢半。如過七日。急服二劑。不忌響器。

三四 急救溺死法

百病皆有藥治。唯溺死者絕少救生之法。茲獲得奇方。以糯糯米。在口內嚼之。吹其汁於溺死者之鼻中。

則吐水而蘇。

三五 急救七孔流血法

凡遇有中毒而七孔流血者。可用刺蝟皮。(煨存性)爲末。每服三錢。以酒調之立止。

三六 急救吊死法

吊死者。不可割斷繩索。急以衣裹手。緊抵糞門。若係婦女。則連前陰抵住。緩緩抱住解下。安穩放倒。一人踏其兩肩。以手緊提其髮。不可使頭垂下。一人微微推摩喉嚨。一人按擦心胸。又輕輕摩其肚腹。一人摩

擦手足。緩緩彎動。若已硬直。但漸漸強彎屈之。又用脚裹衣緊抵糞門前陰。不使洩氣。以兩人用竹管吹其兩耳。不可住口。或用雞冠血酒鼻中。男左女右。男用雄雞。女用雌雞。如此一飯之久。卽有氣從口出。不可鬆手。少頃。以淡薑湯或清粥與食。令潤咽喉。漸漸能動乃止。凡吊死。從早至晚。雖已冷可活。自夜至早。稍覺難救。總之身體稍軟。心下微溫者。雖一日以上。若依此救法。多吹多摸。無不活者。勿謂已冷。忽略不

救。

三七 急救觸電法

觸電者。如手足一部份。致麻木不能活動。急取黃土泥與水調和。將觸電之手或足。伸入泥內。設電已通行全體。不省人事。急取沙土泥鋪地。用水灑之使濕。令觸電者臥其上。再將濕沙土鋪身上。自然蘇醒。

三八 急救中瘴氣法

避瘴之法。每日飲酒少許。或吞川椒五六粒。如已中瘴氣。覺手足重滯。腕痛不快者。用生熟大蒜各七片

。共食之。少頃。得吐血或大便。卽愈。(又方)用磁片有鋒者。刺頭額及上脣。或刺兩手膊。出血卽解。血紅而多者輕。血黑而少者重。遲則血凝無救矣。

三九 急救吞生鴉片法

木棉花六錢。倉卒不可得。可於廣東香牛皮墊褥內取之。然總以預蓄爲妙。撕鬆。用潔淨大瓦鉢。將鐵火鉗叉開。架於鉢口。置棉鉗上。火燒成灰。放在鉢內。加食鹽二錢。用木棍搗灰。並鹽成極細末。開水半碗。

冲入鉢內。用手將鉢內四面之灰。洗入湯內。復用箸在鉢內。調勻。連灰帶湯。全行服下。不吐再服之。以多為妙。片刻之間。烟毒可吐出矣。間有不吐者。則從大便瀉出。烟毒亦自解去。神效。(又方)用洋肥皂。化水服之。大吐後。即愈。

四〇 急救水莽草毒法

中水莽草毒。用黑豆一升。煮濃汁。候冷透。飲之立解。

四一 急救斷腸草毒法

斷腸草有尖圓兩種。如服尖葉者

。不過一二日。肉即消化。急用活羊血灌一二碗。即活。或服羊油二三兩亦妙。此草惟羊食之最肥。故飲羊血羊油。即解。

四二 急救香水銀法

吞服水銀欲死者。用真川椒數斤。炒熱鋪席下。令患者脫衣蓋被臥之。過一夜。水銀從毛孔中鑽入川椒內矣。(又方)用好茶葉二兩。嚼咽後。用紫貝母。天葵草。等分。煎服即解。或以炭煎湯。服之亦效。

四三 急救刀傷血流不止法

生白附子十二兩。防風一兩。白芷一兩。生南星一兩。羌活一兩。天麻一兩。共研極細末。敷患處即止。傷重者。黃酒浸服敷之。青腫者。水調敷之。肉破爛皆可敷之。無論重傷不省人事。俱可敷之。另加熱酒沖服三兩。有起死回生之功。切勿多服。惟嘔吐者難治。(又方)法用生杜仲。浸於椰油。或煮於火。於藥味出為度。用時蘸於棉花上敷患處。日換一次。收口為止。

四四 急救漆毒法

漆有毒質。凡中之者。皮膚忽作痛癢。甚至潰爛。用杉木皮煎湯洗。或蟹殼湯洗亦可。或用生蟹黃。鴨蛋青塗。或用活蟹搗爛敷上。均愈。

四五 急救蟹毒法

食蟹過多。寒氣凝結必生腹脹胃鈍等症。用紫蘇葉三錢。煎湯飲。立解。(又方)生藕汁。生大蒜汁。生黑豆。煎服俱效。(又方)螃蟹。誤同荊芥柿食。均宜濃煎木香飲之。可免害病。

四六 急救河豚毒法

食河豚受毒者。用蘆根一二斤。

搗汁服之。立效。(又方)多服麻油。

使吐。毒即解。(又方)槐花微炒。

與乾胭脂等分。同搗成粉。冷水調

服。極效。(又方)多食橄欖。並用

橄欖核。磨水服。亦效。(又方)食

之過多。面黃腹脹者。用紅麵三合。

煮爛。連渣服。即從大便出。臭不可

聞。連服三次。其毒自解。(又方)

食河豚中毒。百藥不效。脹急欲死。

速食人糞。即效。此不治之治也。秘

之。

四七 急救橡乳办法

南洋羣島。以橡乳為大宗。人居

橡園。難免受毒。因梘汁流入井。故

也。但宜常食生蟹。煮食立解其毒。

惟切不可與酸醋同食。凡居橡園。酸

醋宜戒。是要。

四八 急救鉛粉毒法

(解鉛粉毒)婦人因打胎而服鉛

粉。生子癡呆。身體多發瘡毒。用活

鴨血。乘熱服之。極為神效。(又方)

白沙糖。三四兩。冷水調服。或用蘿

蔔搥汁。飲之。均極效驗。(又方)

硼砂三兩。硃砂三兩。胆凡三兩。白礬三兩。共研末。每用四兩。合用生鷄蛋白十枚。一并灌下。嘔吐卽愈。
（又方）用大薯粉二兩沖冷水服之卽愈。
（又方）陳皮四兩。生鹽一兩。用水四碗煎濃湯。俟冷灌之。吐盡卽愈。

四九 急救尸厥死法

由入廟。弔喪。問病。而得者。
附子（七錢重者）。泡熱。去皮臍。爲末。一分二服。每服酒三盞煎一盞。
如無附子。生薑汁半盞。和酒同煎百

滾。連灌二服卽醒。

五〇 急救銼水燒傷法

如未爛皮者。用視精搽之立解。
其火門。如無視精用視水搽之亦可。
此乃化學家研究。神效無比。又用元明粉。摻之。或用鉛粉。摻之。然後洗淨亦可。

五一 急救湯泡火傷法

凡湯泡火傷。無論輕重。急用童便灌之。以免火毒攻心。或用白沙糖。熱水調服。或用蜂蜜。調熱水灌之。均可。第一不可用冷水。及井泥

溝等物。即便痛極難受。亦必忍耐。倘誤用冷水淋之。則熱氣內逼。輕則爛入筋骨。手足彎縮纏綿難愈。重則直攻入心必難救矣。先用真麻煎敷之。再用糯米。淘水。去米取汁。加真麻油。一茶鍾。多加更妙。用筷子順攪一二千下。(切莫少攪。)可以挑起成絲。用舊筆蘸油搽上。立刻止痛。愈後並無疤痕。神效無比。(又方)尿桶中陳尿。(新尿亦可。)或泡或淋。一時之久。再用蜂蜜。和真麻油。加上敷之。(又方)先用真桐

油。(真麻油亦可。)敷之。敷後上加食鹽少許。再用生大黃。研末摻上。立刻清涼止痛。愈後亦無疤痕。至神至驗。

五一 急救土公蛇咬傷法

方用蟬蛻。甘草。威靈仙。歸尾。萬蟲。木瓜。連翹。桂枝。金銀花。各一錢五分。野菊花根五分。蜈蚣去頭一條。引用白花酒。半斤。和木燬。要本人自己煎透。聞藥之氣味。當時止痛。吃此藥點水不可漏失。

第二編 婦孺部

「望，聞，問，切」乃醫學討探病源必須之學識。然此四法施於婦孺，比較困難，因婦女多羞怯，而孺子多混沌也。醫者因此對於診治並處方，殊不無艱難之感。今本篇每一分目，在可能範圍內，均注明病徵，醫者可依據問病人細心觀察，對症下藥。

本篇共一百零二方，均出於海內著名醫家之手，或採集於各醫典之中，均經編者悉心校訂，其與市井口傳者，效與用均有天淵之別。

一 治難產法

無論倒產橫生。數日不下。用標

紙。硃書北斗紫英夫人在此。貼產婦帳上卽生。如移時不生。可將黃標紙揭下。貼產婦背。無不產者。俟小兒及胞衣下後。可速將黃紙焚化。並另

備香燭謝神。不可遲緩。緩則恐大腸隨之下。

二 治產後腹痛法

產婦中氣多虛。不能行血。血斯凝滯。或閉而不來。或來而不盡。敗血入腹故爲腹痛。乍作乍止。其痛如

刺。手不可近。宜用黑神散。或用失笑散。或後羊肉湯俱妙。或產後血虛。外受風冷之氣。內傷寒冷之物。以致腹痛者。得人按摩則止。或熱物熨之則止者是也。用當歸建中湯。歸身。白芍。肉桂。炙草。（各二錢）生薑。（五斤）大棗。（三枚）水煎入米湯三匙。攪勻熱服。或小腹痛者。臍下胞胎所係之處。血所聚也。產後血去不盡。卽成痛症。其症無時刺痛。痛則有形。須臾痛止。又不見形。宜用黑神散或失笑散。及後羊肉湯

更佳。又有因產時寒氣容於子門。入於小腹。或坐臥不謹。使風寒之氣乘虛而入。此寒症也。但不作脹且無形影。用金鈴子。散川練子（去核）小茴。補骨脂。肉桂。（各一錢）木香。（四分）磨兌薑引水煎食。前熱服。或後羊肉湯更妙。

三 治產後頭痛法

產後去血過多。陰血已虧。陽氣失守頭者。諸陽之會。上湊於頭。故爲頭痛。但補陰血。則陽氣得行。而頭痛自止。宜芎歸湯。川芎。當歸。

(各五錢俱不洗炒)連鬚葱頭。(五箇)生薑。(五片焙乾)水煎食後服。又敗血停留子宮厥陰之位。其脈上貫頭項作痛。宜用黑神散治之。

四 治產後血氣痛不可忍法

有婦人產後血氣痛極百藥不效。後用紅藟。(又名黃藟)於柴炭火中燒熟食之而愈。藟爲滯氣之物。食之反效。殊不可解。

五 治產後偏身疼痛法

產時骨節開張。血脈流散。正氣衰弱。則經絡肉分之間。血多疑滯。

骨節不利。筋脈不和。故腰背不能轉側。手足不屈伸而痛也。勿用風寒發汗之劑。宜用趁痛散。當歸。肉桂。白朮。牛膝。黃耆。獨活。生薑。(各一錢)炙草。薤白。(各五分)水煎熱服。又有因新產氣虛。久坐多語。運動用力。遂致頭目昏眩。四肢疼痛。寒熱如瘧自汗。名曰葦勞勿作傷寒。誤投汗劑。用白茯苓散。雲苓。歸身。川芎。肉桂。白芍(酒炒)炙芪。黨參。熟地。(各一錢)獾猪腰子。(一對開剖者爲獾猪)去油膜。

切片煎湯。一盞去腰。加薑三片。棗二枚。同藥煎服。

六 治產後發熱法

產後血虛。則陰虛。陰虛生內熱其症。心胸煩滿。呼吸氣短。頭痛悶亂將晚轉。甚與大病後虛煩相似。用台黨。歸身。熟地。肉桂。酒芍。(各錢半)麥冬。(一錢)水二盞。先以粳米(一合)淡竹葉十瓣。煎至一盞。去米葉入藥。並棗三枚。煎七分溫服。熱甚。加炒乾薑一錢。產後大熱。必用乾薑。何也。此非有餘之熱

。乃陰虛生內熱也。故以補陰藥大劑服之。且乾薑能入肺。利肺。氣入肝引血藥生血。然不可獨用。必與補陰藥同用。此造化自然之妙。惟天下至神可以語此。

七 治產後腹中有塊作痛法

此由產前聚血。產後氣虛。惡露未盡。新血與舊血相搏。俗謂之兒枕痛。即血瘕之類也。用當歸。元胡。索湯。歸尾。元胡索。(各錢半)五靈脂。蒲黃。(各一錢)赤芍。肉桂。紅花。(各五分)水酒(各一盞)煎

一盞。入童便一盞。同服。或用山查肉一兩。水煎一鐘。加紅沙糖五六錢。好酒一二小杯空心熱服催下敗血卽安。或用失笑散亦妙。羊肉湯通治。上腹痛。小腹痛。兒枕痛之神方也。精羊肉。(半觔)當歸。川芎(各五錢)。生薑一兩。水十盞。煎三盞服。或用羊肉煨老薑食。或烏製。附子均妙。

八 治肝厥法

婦人多鬱多怒。倍於男子。厥陽化風上翔。痰隨氣升。肝厥之所由來

也。肝爲風木之臟。性急而動。故號將軍之官。升騰太過。脾失健運。則生痰濁。風痰兩相感觸。勢成暴厥。發時牙關緊閉。風陽襲絡也。四肢寒冷。土被木尅。陽氣不得宣布於四末也。痰濁瀰漫。内蒙清靈。所以昏瞽也。今有急治一法。用鮮竹瀝二兩。姜汁半杯。溫服。內經云。古人不治已病。治未病最好。思患預防。常服丸劑。此症余經法多人。久服頗著奇效。丸方列左。(按此方係參合三子養親湯導痰湯加減)白芥子五錢。製

半夏一兩。茯苓二兩。杜蘇子一兩。
陳皮一兩。真珠母三兩。萊菔子一兩。
製南星五錢。鬱金五錢。明天麻三
錢。枳實一兩。右藥共研細末。竹
櫪泛丸。如梧子大。每晨淡鹽湯送下
二三錢。

九 治老婦血崩法

凡婦人老年。驟然血海大崩不止。
名曰倒經。速投此方一劑。其崩立
止。如仍發熱。以六安州茶葉二錢
(如無卽用別項茶葉亦可)煎服一次。
身熱卽退。再用六君子湯。加當歸。

白芍調理而安。陳阿膠(一兩米粉拌
炒成珠無則以陳黃明膠代之終不如阿
膠之妙)全當歸(一兩)西紅花八錢
、冬瓜子五錢。用天泉水煎服。其渣
再服之。方名膠紅飲。如見少婦大崩
不止。屢服大料補劑。血流反多。飲
食不下。昏暈幾次。勢甚危篤者。照
此方減去紅花一半。服之。仍用六君
子湯。加當歸。白芍。調理全愈。葉
天士云。初崩宜塞。久崩宜通。卽此
義也。紅花能去瘀生新。與桃仁同用
。並不害事。切勿疑誤。

一〇 治陰挺法

此症。或因胞絡傷損。或因子臟虛冷。或因肝脾鬱結。氣虛下陷。或因肝經濕熱。皆能致此。所治之方。如三茱丸。一捻金丸。以及補中益氣湯。龍膽瀉肝湯之類。皆可擇用。又有外治之法。如用蛇牀子烏梅煎湯薰洗。生豬脂藜蘆末同搗敷塗。皆能取效。蓋非奇病也。

一一 治產疹痘風眼法

患此眼者其中見蟲。取草蔓藥。咀嚼留汁入筒中。以皂紗蒙眼。滴汁

漬下弦轉盼。聞蟲從紗上出。數日下弦乾復。如法滴上弦。又得蟲。數日而愈。後又治疹風痘。風眼靈應。如響草蔓藥者。乃覆盆子葉。用嫩葉汁。無新葉。乾者煎濃汁亦可。(收藏之法候有鮮葉時入山采取不拘多少將葉洗淨吹乾水氣搗汁用絹篩過後再用細絹濾清入大磁盆內曬乾爲丸如梧子大收貯用時將人乳或白密化開搽患上極妙)

一二 治子癩法

此症孕婦忽然眩暈。卒倒口噤。

現種種惡狀。如中風然。須臾即醒。醒而復發。方書謂氣虛挾痰挾火。施治多不效。考究其因。乃孕婦不守胎教。縱愁太過。邪風襲入胞胎。至五六個月。子在母腹患癩。法以冬至日多收烏魚頭。掛當風簷際。歷九九八十一日。不經婦人手。遇患此症。以一二頭煎湯。與孕婦飲之。得汗即愈。

一三 治乳癰乳癰法

白花地下一兩。全當歸一兩。細生地一兩。金銀花一兩。甘草一兩。右藥五味。用水一碗煎透。至七八分

。加黃酒一斤。復煎。再加黃酒半斤。如不飲酒者一盅亦可。此方初患時服之。神效無匹。

一四 治乳痞法

婦人患乳痞。若已潰爛者。可覓熟蟹壳煨灰存性。研細末。用小磨麻油調敷患處。甚效。

一五 治墮胎法

方用大麩五合。黃酒一斤。煮數沸去渣。空心飲之。分五次服完。孕如糜下。且人無疾苦。(又方)以麝香一分納臍中。以牛膝一段插入陰戶

卽下。(又方)官桂二錢。當門子二分。百草霜威靈仙各一錢。粥和丸。服之自下。

一六 治月經閉止法

原因輕者。多食滋養品。爲適當之運動。少飲良質之葡萄酒。呼吸新鮮空氣。日光浴。或鹽水浴。皆有效驗。

一七 治乳巖法

此症婦人多患之。初起時每不經意。數年始穿而有膿血。痛苦異常。雖有名醫聖手。亦難奏效。茲有一秘

方。確能治之。卽以鮮黃魚之脊翅撕下。粘諸石灰壁上。不令著水。久之。(愈久愈好)以火炙而成灰。每日用陳酒服下。約二三次。服之數月。必效。

一八 治白帶法

婦女患帶者多。均係濕熱所致。方以土炒冬朮五錢。雲苓三錢。車前一錢五分。再加紅鷄冠花三錢。如赤帶。用白鷄冠花。

一九 治胎毒法

婦人妊娠至三月後。卽以乾艾和

甘草少許。清水煎服。一日三次。則母體自能溫和。胎毒自能消除。是法屢試屢驗。均得良好之結果。

二〇 治肝氣法

雞蛋糕一塊燒灰存性（過性則無效）趁熱開水沖服。能治遠年肝氣。永不復發。此方毫無流弊。余戚已經試過。確有奇效。故敢公諸世人。

二一 治年老經不止法

用黃芩心二兩。（藥肆有售）醋浸七日。炙乾。又浸炙七次。醋糊爲丸。陳酒送下。非常靈驗。

二二 小產預防法

婦人受孕後三月。每有小產之患。甚或屢娠屢小產。倘患此而無法防微者。用蛇壳一支。（俗稱菜花蛇首尾需全藥鋪有售）以等長之紅布一幅。縫作帶式。覺孕後即繫腰間。永勿解去。其患自除。神效無比。

二三 治赤白帶法

取蜀葵花赤白兩色。陰乾後。赤者可治婦女赤帶。白者可治婦女白帶。煎湯服。

二四 治產後瘧疾法

產後之瘧。最難調理。只以補虛扶正為主。正氣勝。則邪氣日衰。不可輕用截藥。重虛正氣。爲害甚大。用增損柴胡四物湯。台黨。北柴胡。半夏。炙草。歸身。(酒洗)川芎。乾薑(三分)。棗三枚。不拘時服。久瘧加鱉甲。(醋炙)炙耆各一錢。

二五 治產後乳汁不通法

或初產之婦。則乳方長。乳脈未行。或產多之婦則氣血虛弱。乳汁短少。並用(加味四物湯)歸身。黨參

。川芎。赤芍。生地。桔梗。甘草。麥冬。白芷各一錢。水煎服。如因乳不行。身體壯熱。胸膈脹悶。頭目昏眩者。加木通。滑石。末煎水。食後服。更煮豬蹄湯。食之。則乳汁自通。豬蹄一對。洗淨煮爛。入葱調和。並汁食之。又云。要入香油。炒過穿山甲。共煮。去甲食之神效。屢試屢驗。

二六 治產後子宮脫出法

產後下一物如合鉢狀。有兩塊者子宮也。名陰癩。又言癩葫蘆。用

(補中益氣湯。)去柴胡。連服二三大劑。一響而收。並用荊芥穗。藿香葉。臭椿樹白皮炙。各六七錢。煎湯時時洗之。再用。熟地。歸身各二錢。川芎。白芍各錢半。台黨三錢。水煎服數劑。可免後患。

二七 治產後血暈法

(用地黃。藕節。同取汁。入童便熱飲甚效)產後昏眩。卒倒不省人事。口噤氣冷。謂之血暈。此惡疾也。不可救者多。若誤作暗風痛醫直殺之耳。蓋由坐草之時不知用前防血暈

等方。所以有此。其症有二。當分治之。如血來太多卒然昏仆者。此氣血兩虛也。急用韭醋嗅法。以待其醒。用澤蘭葉。黨參各一錢。荊芥穗。川芎。歸身各一錢。炙草八分。水酒各一盞。煎一盞。入童便一鐘同服。如血去少。惡露未盡。腹中有痛而昏眩者。用上法令醒。再用(黑神散。)黑豆一合炒。熟地。當歸。肉桂去皮。乾薑炒。炙草。白芍酒炒。蒲黃各二錢。如上法煎服。(又方)提起頭髮。坐定。不可倒眠。急以燒紅栗

炭。或磚石。秤錘。等物。投入陳醋內。對鼻孔薰之。自醒。另入當歸六錢。川芎三錢。荆芥穗三錢炒黑。水煎。臨服入好酒。童便。和服。神效之至。

二八 治產後脅痛法

如有虛實。宜分法之。如脅下脹。手不可按。是瘀血。宜用（芎歸瀉肝湯。一歸尾。川芎。青皮。枳殼。香附童便浸。紅花。桃仁各二錢。水煎。入童便一鍾。酒一鍾服。如脅下痛。喜人按。其氣閃動筋骨。狀若奔

豚者。此去血太多。肝臟虛也。用（當歸地黃湯。一歸身。白芍。熟地。俱酒洗。黨參。甘草。陳皮。肉桂各一錢。薑棗引。煎水服。

二九 治產後中風法

荆芥穗。（除根不用。炒黑。研末）每服三錢。童便調服口噤則打開一牙灌入。或和荆芥。五錢。不必研末。以童便煎好待微溫灌入鼻中。其效如神。或心頭倒築。吐瀉欲死。亦效。（又方）黑豆。一茶鍾炒至烟起。再入連根蔥頭。五箇。同炒。隨入

好紹酒。一鍾。(或甜酒亦可。)水鍾半煎至一鍾。溫服出汗。卽愈。無論如何危急。莫不神效。

三〇 治產後腰痛法

(產後腰痛)其症隱隱作痛。用

(補腎地黄湯。)熟地。歸身。杜仲

(青鹽水炒去絲。)獨活。肉桂。續

斷各一錢。生薑三片。棗二枚。水

煎空心用。或照腰部腎虛腰痛各方治

之。又敗血流入腎經。帶脈。阻塞。

有腰疼者。其症脹痛如刺。時作時止

。手不可近。用加味(復元通氣散)

歸身。川芎。小茴炷。故紙炒搥碎。元胡索。牛膝。肉桂。丹皮各一錢。水煎。另用木香末。乳香末。沒藥末。各五分。調勻。空心服。有因產時起痰。挫閃腎氣及帶脈者。亦或腰痛用上(加味復元通氣散。)方服之。

三一 治產後風虛法

獨活。白蘚皮各三兩。水三碗。

煮一碗。分三服。耐酒者。入酒同飲

。(又方)產後驚風。遍身發腫。惡

露不行。糞坑內陳年磚一塊。活水洗

淨。真陳酒五斤。放鉢內。炭火將磚

燒透。浸酒內。提出復燒。如此三遍。其酒不過二斤候溫。令產母服一二杯。不飲酒。用天泉亦可。

三三二 治產後冒風法

乾蚱蟻數十個。瓦上焙存性。好酒調服。（又方）產後中風。口噤身直。面青。手足反張。飲竹瀝一二升。即甦。

三三三 治產後搐搦法

產後搐搦強直。乃風入于臟。與破傷風同。不可便作中風治。鰾膠一兩。以螺粉炒焦。去粉爲末。分三服。

煎蟬蛻湯下。

三四 治產後心痛法

（大岩密湯。）生地。歸身。獨活。吳茱萸炒。白芍甘炒。乾薑炒。小草。肉桂。甘草各一錢炙。細辛五分。水煎熱服。如不見效。即係瘀血。用（黑神散。）或（失笑散。）少服之。不效。則再服必愈。

三五 治逆產法

令產母正身仰臥。務要定心定神。不可驚懼。却求慣熟穩婆。剪去指甲。以香油潤手。將兒足輕輕送入。

又再推上。兒身必轉直。待身轉頭正。然後服此催生之藥。渴則飲以密水。飢則食以薄粥。然後扶掖起身。用力一送。兒卽生矣。此在穩婆之良。若粗率蠢人。斷不可用。更不可使鍼刺足心。兒痛上緊。母命難存。

三六 治一月經再行法

如性急多怒氣者。則其傷肝以動衝任之脈。用「四物」。加柴胡湯。歸身。川芎。白芍。生地。柴胡。黨參。條芩。生草。黃連煎服。更宜常服補陰丸。以瀉衝任之火。(補陰丸

。黃柏。知母(去皮毛炒。各等分。密爲丸。每服五十九。如曾服辛熱之藥者。用「四物」。加黃柏知母湯。及「三補丸」。如傷衝任之脈者。用「四物」。黨參知母麥冬湯。及「地黃丸」。

三七 治經期不准法

悉從虛治。用「加減八物湯」。台黨。白朮。茯苓。炙草。當歸。川芎。陳皮。丹參。香附製。丹皮各一錢。薑棗引。水煎服。「烏雞丸」。此丸尚治婦人脾胃虛弱。衝任損傷。

血氣不足。經候不調。以致無子者。服之屢驗。白毛烏骨雄雞。一隻。以糯米。喂養七日。勿令飲蟲蟻野物用繩吊死。去毛與腸雜。以一觔爲率。用生地。熟地。天冬。麥冬。各二兩。放雞肚內。甜美醱酒。十碗。入砂罐煮爛。取出。再用桑柴火上焙。去藥。更以餘酒淹盡。焙至焦枯。研細末。再加。杜仲二兩。(鹽水炒去絲。一)台黨。炙草。肉蓯蓉酒洗。固脂炒。小茴炒。砂仁各一錢。川芎。白朮。丹參。歸身。茯苓各二兩。香

附。四兩。(醋浸三日焙。)共研末。和上末。酒調麵糊爲丸。每服五十丸。空心溫酒下。或米湯下。「烏雞湯。」與上「烏雞丸。」同功。白毛烏骨雞。一隻。一切與上同。益母草一兩。小黑豆一茶杯。共放雞腹內。水酒各半。蒸熟。空心食雞與湯。食一二次。以後月經時刻不差。其效無比。

三八 治行經腹痛法

凡經水將行。腰脹腹痛者。此氣滯血實也。用「桃仁四物湯。」歸尾

。川芎。赤芍。丹皮。香附製。元胡
索各一錢。生地。紅花各五分。桃仁
二十五粒。水煎服。如瘦人。則其有
火。加黃連炒。黃芩炒。各一錢。肥
人則其有痰。加枳殼。蒼朮。各一
錢。

三九

治經來小便疼痛法

此血門不開。宜用牛膝三兩。乳
香一錢。麝香二分。水一碗半。煎
牛膝。至一碗。臨服磨乳香。入內。
空心服。一劑即愈。如係火症。用
「辰砂益元散。」（滑石。甘草。辰

砂也。」

四〇

治經後腹痛法

凡經水過後。腹中痛者。此虛中
有滯也。用「加減八物湯。」台黨。
白朮。香附醋炒。茯苓。歸身。川芎
。白芍。生地各一錢。炙草。木香各
五分。青皮七分。薑。棗。水煎服。
宜治塊為先。用「四物。」元胡
湯。當歸。川芎。白芍各八分。元胡
一錢。熟地一錢五分。薑三片。酒煎
。加沉香三分。磨兌。食後服。

四一

治經來背內塊痛法

四二 治室女經閉徧身浮腫

法

室女月水初行。不識保養。誤用冷水洗手。血見冷水則凝不出。面色青黃。徧身浮腫。作水腫治之不效。用「通經丸」。通血消腫即愈。「通經丸」。三稜。莪朮。赤芍。川芎。當歸。紫苑。劉寄奴各八分。穿山甲一片。凡為末。米糊為丸。酒送下。

四三 治月經不調法

熟地黃八兩。當歸二兩。黃連一兩。並酒浸一夜。焙研為末。煉蜜丸

梧子大。每服七十丸。米飲溫酒下。
（又方）阿膠一錢。蛤粉炒成珠。研末。熱酒沖服。即效。

四四 治經到潮熱不食法

此症經來。胃氣不開。不思飲食。須開胃。不宜別樣。只取雄雞頭頂上血。調酒飲。立效。（按）此法係辟穢偶法。非開胃正法也。開胃正法者何。因濕邪者治之平胃散。即蒼朮。厚朴。陳皮。甘草。因積食者。治之消積保和丸。即神麴。山楂。茯苓。半夏。陳皮。連翹。萊菔之。麥

芽也。

四五 治婦女疴疾經水不調

法

面色黃瘦。咳嗽。燒熱。症吐血或不吐血。不思飲食。精神疲倦。熟地。乾薑。當歸。蒲黃。赤芍。甘草各三錢。小黑豆五錢。共研細末。另用肉桂三錢去皮。研末。入藥拌勻。每用二錢。外加男子指甲七箇。瓦上焙黃。研細入藥內。臨睡時。用熱淡黃酒沖服。出汗。不要受風。每日服一劑。共服四劑其效如神。此四日只

要開水。紅糖。拌飯食。或食稀粥。千萬不可另吃別物。並忌受驚。氣惱。是所至要。

四六 治經如黃水法

此係虛症。不可用涼藥。須煖其經以和其血。次月血勝而愈。宜用「加味四物湯。」當歸。烏藥。川芎。元胡。小茴。白芍各八分。熟地一錢。薑棗引。水煎。空心服。

四七 治經來淡色法

色淡者虛也。台黨。白朮。茯苓。歸身。川芎。白芍。熟地。炙芪。香

附製各一錢。炙草五分。薑棗引水煎服。並常服地黃丸。

四八 治經來紫色法

色紫者熱也。用「四物。」加香附黃連湯。歸尾。川芎。赤芍。香附製。生地。黃連。甘草。丹皮各一錢。水煎服。

四九 治痛經不孕法

玉蘭花將開未足。每歲一朵。 (如二十歲用二十朵) 每日清晨。空心水煎服。有效。

五〇 治經如綠水法

此症全無血色。乃大虛大寒。不

可用涼藥。宜用「附子烏雞丸。」服之半月。非但病愈。又能懷孕。「附子烏雞丸。」附子三錢。鹿茸「無則用鹿膠一兩。」真山藥。茯苓。肉桂。蒲黃炒黑。當歸。黃肉各五錢。白芍一兩。熟地一兩五錢。淨烏雞肉去皮油酒蒸三兩。米糊爲丸。空心酒送下百丸。

五一 治經來食物即吐法

此症乃痰在胸膈。飲食不能下胃。先用「烏梅丸。」化去痰涎。後用

「九仙奪命丹。」「烏梅丸。」木香。雄黃各五錢。草葉一個。乳香。沒藥各一錢。烏梅。爲丸。如彈子大。每早口含化一九。「九仙奪命丹。」草葉一個。厚朴。茯苓各一錢。枳殼。木香。山查。陳皮。蒼朮各一錢。共爲末。薑湯下。

五二 治初生小兒月內臍風

法

初生小兒之發臍風者。其臍上定起有青線一條。自臍而上指心口。若此筋已至心。十難救一二矣。當此筋

未至心口時。宜用艾置青筋頭上灸之。則青筋即縮下寸許。再從縮下之筋上灸之。此筋即消而病愈。屢試屢驗。百不失一。但艾圓不過如赤豆之大。或如麥子大。

五三 治小兒不能飲乳法

小兒以乳爲天。傷舌即不能飲乳。最爲危險。宜以天南星粉。和醋塗於小兒之足底心上。塗處更貼以紙。即能飲乳。其效如神。唯既能飲乳之後。當以所塗之藥。連紙揭去。

五四 治小兒狂啼法

小兒啼哭。最傷氣分。其法列下。
。晝啼者。用烏藥一錢。用水煮服有
奇效。夜啼者。用硃砂磨新。汲水塗
於心窩。及平心五處。最效。在小兒
臍下書一田字。卽止。用鷄糞塗於臍
上。(男用雄鷄糞。女用雌鷄糞。)
有奇效。

五五 治小兒腎疳法

法用地骨皮一味。爲末。粗者用
熱湯洗。細者香油調搽。卽愈。

五六 治小兒慢驚法

淡吳萸四分。熟附片七分。小川

連五分。炙甘草五分。荷梗尺許。炒
白朮二錢。北沙參三錢。(土炒)。
炮姜炭六分。漂燕根一錢五分。(酒
炒)。廣木香八分。焦六韮三錢。雲
茯苓三錢。銀柴胡七分。麥門冬去心
一錢。車前子一錢。小兒久瀉傷脾。
漸成慢驚之症。右方不拘大小。可連
煎服。功能起死回生。閱者勿尋常視
之也。

五七 治小兒游瘋毒法

此症亦胎毒之一種。嬰孩染此疾
後。竄化極速。當腫勢初起。由足部

漸達腿腹。皮膚始現紫紅色。重則漸化薑黃色。比之赤油丹。危險更甚。况腫至小腹。則已施救無術。予家有秘方。便而靈驗。其法於初起時。可將胞中之水塗敷腫處。腫勢隨塗隨消。雖病極危。猶可獲救。倘胞水已乾。則用胞膜代之。敷貼患處。亦應驗如神。(胞膜即胞衣)

五八 治小兒熱癰法

小兒熱癰。乃熱毒所致。法以野菊花搗汁。調青黛末。(中國藥鋪中買)四五次。即愈。

五九 治小兒生下不啼法

凡難產或天寒之時。小兒生下不啼或已死者。急用衣綿包裹。再用香油紙搥。將臍帶慢慢燒斷。暖氣入臍。漸漸作聲而活。先若剪斷臍帶。必死無疑矣。

六〇 治小兒黃腫法

糯米半升。黃豆減半。以上二味炒焦研末。皂礬一錢。將皂礬同醋。放在碗內。安水鍋中盪滾。(皂礬不可生用。故以醋製過。)再用紅花一錢。當歸身五錢。京三稜二錢。莪朮

二錢。炒扁荳一兩。芡實米五錢。白茯苓二錢。焦白朮（東壁土炒）二錢。白蓮子一兩。以上九味。均不可入鍋。只可趁米豆起鍋正熱之時。放入米荳內拌勻。過石磨磨細。外用砂糖二兩。和艾水（用艾煎滾之水）同皂礬。醋調藥丸。如菜荳大。砂糖水酒。朝夕酌量服之。按黃腫病有數種。偏身腫脹者為水腫。宜加用牛伏蠶蟲。（即百烏不停蠶）赤小荳煮爛。同眼前方。有因色後受風而黃腫者。或因用力太過而黃腫者。或因滯食而黃

腫者。均服前方。無須加減。惟婦人產後。因瘀血未清。致或痞塊黃腫者。宜加芫蔚子三錢。煎服。若氣虛腫滿。腹外現青筋者。難治。若血臃腫脹。腹外亦現青筋者。更難治。

六一 治小兒螳螂子法

嬰孩誕生二三日內。不能哺乳。即是螳螂子症。必須割割兩腮。方可保命。然有體弱之孩。因割斃命者。亦不少觀。今有預防一法。甚為簡便。用當門子。（即麝香）硃砂。研末用水調和。塗小兒腮門。（即頭頂跳躍

處) 惟產後五小時內。即須塗用。

六一 治小兒癆症法

當見十一二歲以上之孩童。患有
一種癆症。俗呼爲童子癆。名醫束手
。鮮有療治之方。余家外祖。精於岐
黃。而於育嬰一道。尤多研究。今檢
得一方。靈效無比。若患此症。先將
病孩搬置於四面流通空氣之室。於早
起夜眠時。宜服溫淨鹽開水一茶杯。

並以溫濃鹽開水不時嗽口。再用龍鬚
草「此草在人家舊井內採取」四五莖
。連葉搗爛。以真硃砂一錢五分。拌

勻。在小孩腦後肩背部敷之。待乾自
落。三日一敷。重者約四五次即愈。
惟須將病兒之食用器具。一如筋匙碗
及衣服床帳被褥等件「每日在鍋內煮
沸。用冷水滌淨。至於食物。最忌豬
肉。宜用鮮雞蛋製成飯菜食之。且宜
常食。此係最有經驗之方。凡經依法
施治。無不奏效。

六三 治小兒夜啼法

取野豬窩中所生之草 竊置於席
之下。勿使其母或乳母知之。有奇効
。(又法)。取犬毛入於絳囊。懸於

小兒之背上。亦有神驗。(又法)取牛糞一塊。置於席之下。亦不可使其母或乳母知之。

六四 治小兒誤吞釘法

小兒誤吞鐵釘之時。宜剝新炭之皮。研爲細末調粥三碗。使小兒食之其釘自下。

六五 治小兒痧子法

法用前胡一錢五分。荆芥一錢五分。牛蒡三錢。桔梗七分。杏仁三錢。橘紅一錢。如舌苔白滑。脈至不揚。加蘇葉一錢。(二)痧子已現未多。

或便瀉目眵。用淺豆豉三錢。荆芥一錢五分。牛蒡三錢。赤苓三錢。舌苔絳赤。脈息洪大者。加桑葉銀花各一錢五分。西湖柳四錢。(三)痧子密佈。因受風寒復隱者。必氣悶痰喘。煩躁口渴。大便或瀉或閉。當用紫背浮萍七兩。紫菀八分。牛蒡三錢。杏仁三錢。荆芥通天草前胡各一錢五分。橘絡一錢。(如再不現。加麻黃三錢。炒淡豆豉三錢。)一面用香菜水常搗。(四)痧子齊後回淨。應投清血解毒潤肺化痰。當用桑皮一錢五分。銀

花三錢。青蒿一錢五分。生甘草五分。連翹三錢。蘆根四錢。滑石三錢。山梔一錢五分。如津涸熱盛。加鮮石斛鮮生地各三錢。天花粉丹皮等。酌爲加入。今春痧子。因早用清藥。而邪不能達。以至危殆者十常七八。小兒之病。當以天時人事。脈舌形色中。察而酌治。庶幾誤人稍少。可不慎之。

六六 治小兒疳積法

小兒患疳積之病。每至面黃肌瘦。腹硬如石。輕則難於發育。大則夭

殤。其害甚大。治法以飛廉一只。（杭人稱之曰蜣螂）去其翼足。置於鍋中。炒焦之。以食。兒則大瀉。一瀉之後。即愈。如非疳積。則小兒不受食。或用野茄顆內之蟲。焙乾。研爲細末。與米粉相和。食之亦效。

六七 治小兒夜不安眠法

取田鼠之頭骨。置於枕畔。即能安眠。有奇效。

六八 治小兒夜中遺尿法

法用鷄腸。煨灰存性。用開水服之。其靈驗如神。

六九 治小兒痰病法

凡小兒病時。有痰上升。用菜油一小杯。溫熱飲之。即愈。

七〇 治小兒瀉痢法

小兒患痢不能飲藥。可用外治一法。以香白芷一錢。乾薑一錢。共研細末。以蜜調為膏。先用酒洗臍。溫後。貼此膏。以布束住。再將鞋底烘熱。在膏上熨之。氣通即愈。

七一 治痲子法

當茲夏日。小兒往往感受暑熱。發生痲子。(亦稱痞子痲子)可用絲

瓜葉搗爛。搽之即消。予家每逢雪時。以整塊燥粉。和雪貯壘。俟沈澱。去水自乾。夏日用為撲粉。名為雪粉。功效頗良。

七二 治小兒黃水瘡法

小兒頂上生瘡。(俗呼黃水瘡)西醫多以凡士林擦之。然易污枕褥。不若於煮飯時。將沸於鍋蓋上之米法擦之。尤為神速清淨。嘴角生瘡。(俗呼剪口瘡)用之亦效。

七三 治稀痘法

橄欖核搗碎研磨如粉。雜入粉麵

中作糕餅。隨意與小兒食之。服之四兩以上者。出痘稀少。服至斤許者。永不出痘真奇方也。好善者盍廣爲傳播之。

七四 治乳生積核法

初起並不疼痛。日久恐成乳癰。宜用山茨菇一錢。胡桃肉三枚。共搗。黃酒送服。以散爲度。

七五 治小兒羊鬚疔法

法以舊棉絮燒灰。菜油調塗。三四次卽愈。

七六 治疳積虫法

小兒腹痛。往往因腹內有蛔蟲所致。如果蟲症。可先服葶麻油一兩半。(西藥房買每小瓶二角半)再將石榴根煎湯。分三次服下。卽能將蟲瀉出。此法屢試屢驗。

七七 治初生去毒開口法

小兒初離母體。口有液毒形如血塊。啼聲一出。隨卽嚙下。面毒伏於命門。他日發爲驚熱。瘡疾。惡痘。等症。須於未啼時。急用絲棉裹指。挖去口內穢濁。以清臟腑。(又方)熟軍。枳壳。歸尾。生甘草。各五

分。紅花三分。桃仁三分。此藥須早預備。兒初生時即以水一茶鍾。煎至半鍾。以新棉花一塊。放藥水內泡透。取出裹指上。納兒口中吮之。再泡再吮。不吮則已。過片時小兒解下黑糞。再與吮之。以糞色不黑爲止。此藥必於下地六箇時辰內服之。服後方可食乳。(又方)凡小兒落地時。燒橄欖核一枚。存性研末。硃砂。和勻。嚼生芝麻一口。津吐和藥。絹包如粟核大。安兒口中。待啞一時頃方可與乳。令兒少疾。出痘不稀少也。

七八

治初生兩腿生瘡脫皮

法

兩大腿近小腹處生瘡。皮脫開。漸延小腹。則不救。此名胎剝。宜用黃柏。炙焦。研末。和豬膽汁敷。或用伏龍肝。(卽心竈。)土口水調敷亦可。

七九

治初生小便不通法

用豬毛於陽物眼上刺去薄皮卽通。屢試屢驗。如陽物眼上並無薄皮。卽係胎熱。用大蔥頭一箇。切四片。用乳汁。半盞同蒸。分作四服卽通。

八〇 治痘後餘毒攻目法

痘後餘毒上攻。眼成內障。用蛇蛻一具。洗淨煑乾。又天花粉等分爲細末。以羊子肝破開。入藥在內。麻皮縛定。用泔水煑熟。切食之良愈。

八一 治小兒急慢驚風法

五月五日。午時。取白頸蚯蚓。不拘多少。去泥活搗爛。加辰砂等分和勻。爲丸如菜豆大。金箔爲衣。每服一丸。白湯送。取蚯蚓時。用竹刀截兩段。看其跳快者治急驚風。跳慢者治慢驚風。作二處條合極妙。一又

方一治小兒驚風。北杏仁七粒。桃仁七粒。枝子七粒。共爲末。加雞蛋白一個。麵粉一兩。黃酒調勻。煑成糊。敷之。男左女右。手足臍心。胸前。胸後。敷後第一日見藍黑色者。便是此症。再服「回生丹」三粒。立愈。

八二 治痘疔名綿繭法

出蛾蠶繭。白明礬搥碎。入繭內。以炭火瓦上燒之。令礬汁盡爲末。敷疔瘡患處。

八三 治痘後昏迷亂語法

當毒氣已散。元氣未復。精神疲

倦。故昏昏喜睡。即呼之不醒。亦自無妨。若連日不醒。口中喃喃自言自語。形如罪人。每多妄語者。此邪熱乘於心胞也。宜以「導赤解毒湯。」或以「安神丸。」主之。「導赤解毒湯。」木通。車前。生地。門冬。甘草。茯神。石菖蒲。梔子。人參。燈心湯下。「安神丸。」牛黃五分。黃連五錢。當歸。炒梔各二錢半。共爲末。入豬心和。和勻爲丸。硃砂爲衣。燈心湯下。無真牛黃。則加川貝。膽星琥珀。

八四 治痘後齒癢或出血水

此餘毒留於胃經。將成走馬牙疳也。若不急治。其後牙齦腐爛。日落一齒。滿口落盡而死。當發癢之時。急宜用連翹。牛蒡。慈菇。石膏。生地。銀花。紅花。甘草。煎水。時含口內。

八五 治麻發不起法

凡麻發不透。氣喘欲死。東用脂麻五合。以滾水泡之。趁熱薰頭面即發。起死回生之妙法也。(一)用水盆置帳中。兒坐其上薰之。庶無風邪襲

入。)(又方)小米。(即粟米。要紅殼。)煎水。不拘時服。看依平淡。功效異常。(又方)櫻桃。四五斤。入磁瓶內。密封埋土中。過兩三月。俱化爲水。遇此症危急者。取此汁一盃。略溫灌下。垂死回生。經驗無比。不可忽視。有志仁人多預製。以濟人。功德不小。

八六 白虎地黃湯

此方去實火。解邪熱。尚治小兒出痘。發熱不退。口渴喜冷。痘瘡黑陷。小便赤臊。大便閉結。口鼻氣熱

。等症。酌加大黃。以行爲度。若二便青白。不喜飲冷。身雖大熱。乃是虛火。仍宜溫補。所謂甘溫退大熱。不可妄投此藥。此乃備而不可輕用之方也。石膏三錢。生地二錢。當歸三錢。枳殼一錢。大黃錢半。木通二錢。生草一錢。澤瀉一錢。加燈心爲引。熱退身涼。即宜以「荆防地黃湯」調理之。

八七 治麻伏 症法

按麻症將見。因風轉伏。目張。鼻煽。抽掣。其勢危險。在頃刻。藥

之猶有不及。惟急用芫荽菜斤許。泡煎湯。盛以木盆。放兒身傍。熏之。用細巾賤湯絞乾。乘熱揩其頭。而胸背。手。脚。冷則再換。仍須避風。此方簡便而極效。經驗骨屢。萬勿輕視。

八八 治疳膨食積法

石燕二錢。(要雌雄者煨研細末。)
。一紫蛤蚧殼二錢。(醋煨研細末。)
穀精草五分。雞內軟硬肝一具。(不落水者。去內垢用乾布揩淨。)
。右藥加水同煎。待澄清均幾次服。輕者二

三服。雖重至脫髮者。亦不過數服即愈。愈後忌生冷。(又方)土木龜。(研淨去油。)
。一東丹。(飛淨。)
。一黃蠟。右各等分。鎔花爲丸。如芡實大。每用一丸。刮作薄片。調入鍋子內。燉熟食之。重者不過拾丸愈。

八九 治冒風隱沒法

疹發未透。冒風忽隱。腫脹氣促。命在頃刻者。用薰法治之。生葱頭一二觔。連鬚搗爛。放在盆內。盆置牀上帳中。盆面橫一板。將兒坐于板上。然後將滾水衝入盆內。以蔥氣薰

兒週身稍溫。卽抱起在帳內。勿受一線風吹。痧仍透出而安。(又方)豬糞炙灰。加砂糖兩文。滾水調服。仍透出而安。再用密炙麻黃五分。加入治疹藥中發之。

九〇 治穢猴疔法

真西黃一分五厘。真西珀一錢。(同燈草研無聲。)的乳石一錢。上廉珠五分。(同燈草研無聲)川貝母一錢。(去心。)明乳香五分。(去油同燈草研。)大梅片一分五厘。菜豆粉一錢。人中黃五分。燈草灰三分。

。右藥共研極細末。每服秤准一分。另用金銀花露。野薔薇露。各二兩。和勻。將藥末調化。徐徐送下。倘輕者服五六厘亦可。(又方)用穢猴糞炙研細末。併入前藥調和刷之。倘疔濕者卽將乾末藥一兩。撲之亦好。(又方)雄黃三錢。青黛三錢。寒水石七錢。加白鷄肺三個。打爛和藥。每服三錢。日三服。立效。

九一 治口疳吹藥法

人中白一兩。黃柏末一兩。青黛一錢。枯礬三錢。冰片少許。文蛤三

錢。紫蔗皮灰五錢。(炒過。)共爲細末。吹之立愈。

九二 治小兒牙疳出血法

乾葛一錢。升麻一錢。赤芍八分。防風八分。荆芥六分。桔梗六分。元參八分。花麻一錢。金銀花八分。大力子一錢。連翹一錢。甘草五分。水煎服。數則不愈。去桔梗加石膏水煎。一半兒服。一半乳母服。另用洗藥。荆芥。薄荷。花椒。各一錢。蔥頭三枚。煎湯。加入人中白二錢。洗舌上下及患處。洗時以清絹蘸湯。

九三 治臘梨頭法

白殼蝦白糖同搗爛。剃頭後刮去瘡蓋塗之。但極痒難忍。切不可搔。結硬不痒。虫在蓋內矣。再塗兩三次全愈。

九四 治脊疔法

用大蘆薈丸。治虫蝕脊脊。身體潮熱。甚至羸瘦。頻嚙指甲。蘆薈。蕪夷。木香。青黛。檳榔。黃連。各一兩。蟬肚二十個。麝香少許。胡黃連五錢。以上爲末。猪胆兩個。取汁浸糕糊丸。麻子大。米湯下二十九。

九五 治胎癩法

明礬。松香各五錢。葱白頭七枚。右三味。飯鍋上燉熟。待冷研細。再加赤丹三錢。冰片三分。用麻油調敷即愈。

九六 治腹中有虫法

小兒喜食茶葉石灰炭生米等類。皆屬腹中有蟲。宜用史君子六個。將三個灶內煨熟。生者三個一替服。逐日如此服。月餘可愈。或頻食楨子亦可。

九七 治小兒白喉法

法以有子香蕉。在火灶內燒黑。以軟爲度。取出剝皮。用小匙取蕉心內些少汁。滴在小兒口內。登時小菌全去。真無上之聖方也。此藥真有起死回生之效。幸勿輕視。但不可多用。如白菌已去。或有時再生者。只用白布溼些汁洗之。是要。

九八 治口生白點法

初生百日中。口內白點不計其數。拭之則去。少刻復有滿口。纏綿。內竄入喉。日夜啼哭。不乳。俗名雪口。又名鵝口疳。用甘草。黃連。等

分。煎湯。以綱裹指拭去。取桑皮中白汁。塗之立愈。或用陳墨。點之亦可。再以「辰砂益元散。」燈心湯調下。則不再發。

九九 治肚臍腫出法

小兒月內臍突。光腫如吹。捻動微響。赤腫可畏。由斷臍在前。洗浴在後。或束縛不緊。風溼入內所致。用牡蠣煨。大黃各五錢。朴稍一錢。爲末。多用由螺。浸水調一二錢。敷臍上。其水從小便而消。如啼哭不止。用台烏藥。煎水服卽止。(又方)茯

苓。車前子各一錢。甘草二分。陳皮。通草各二分。共煎湯灌之。一劑卽安。(又方)紅飯豆。淡豆豉。南星。(去皮臍。)白斂各一錢。共爲末。用芭蕉。自然汁。調敷臍四旁。卽愈。

一〇〇 治小兒瘡毒成管法

法以油虫珠。山甲。水石。梅片。木香。重量不拘多少均分。共爲細末。法用生葱。連根煎水成湯。洗淨患處。然後用藥粉捲於細薄棉花之中。捲成條形。錢短大小。照管口爲度。乃以藥條自管口插至管底爲要。否

則恐外實內空。雖久亦是不愈。按此方專治小兒初生股部。皮紅大如銀圓。日久發熱。皮破出膿。次出黃水。久不收口。百藥罔效。若用此方愈不再發。或瘡。或毒。日久不愈者。用此方最妙。(又方)治小兒胎毒各瘡。甘石二兩製。龍骨一兩煨。石脂一兩煨。琥珀一兩。三仙丹八分。輕粉八分。硃砂八分。乳有八分。水粉七分。兒茶五分。冰片三分。甘草粉六分。三黃末六分。真珠一分。共爲細末。和茶油調抹。甚效。

一〇一 治疔瀉法

香薷丸。治脾弱水瀉無度。間或瘡泄。形若鷄肋。黃連三錢。肉蔻。木香。訶子肉煨。砂仁。茯苓。各一錢。飯爲丸麻子大。米湯下五十丸。

一〇二 治腦疔法

龍胆丸。腦熱髮顛豎腫腮高。滿頭破爛。龍胆草升麻。苦練根皮。焙乾。防風赤。茯苓。蘆薈。油浸。青黛。黃連各五錢。以上爲末。豬胆汁浸糕和丸。麻子大。紫蘇薄荷湯下十丸。此方有奇效。

第三編 瘡毒部

西法治瘡毒，不外三法：一日敷貼，二日注射，三日開刀。我國醫術中之治瘡毒，大致亦與西法相同，不過所用之藥物，則大異也。

西法治瘡毒可用者，消毒水，去毒之類，我國治瘡毒藥物，則往往有出人意意外者，譬如治蛇頭疔法，有用生田鷄搗爛和以雄黃末敷之者，此中之田鷄，則為西醫所夢不到，而其靈效亦非西醫之施用刀釵所能相比。

國醫治瘡毒之藥方，靈效性特異，雖婦人孺子，偶得傳授，亦往往可以治人，其理全在經驗耳。本篇共列方六十則，足可為整部外科之用。

一 治對口瘡法

生後頸正中處。偏生者。名偏對口。夏秋間取茄子蒂。懸掛簷間。有

風處吹乾。遇生對口者。將大銅盤放杉木好炭。燒煙盡。將茄子蒂不拘多寡。於炭火內燒煙。令病人仰臥牀邊。

另放一椅。將頭擱住。露出瘡口。以銅盤位置緊對瘡口。任聽茄蒂煙氣薰之。良久。瘡口自開。卽有一線紅絲

血流下盤中。不可移動。恐其斷而不續。須俟紅絲流盡自斷。則瘡毒盡矣。用生甘草。金銀花。煎湯洗瘡口服調。補氣血藥。收功屢試甚驗。

二 治發背法

發背外症也。亦陰症也。一經潰爛。往往不治。今有一方。用陳海蜃皮。浸於米泔水內。少頃取出。照瘡口之大小。剪成圓塊。用銀針觸成多

孔。貼於瘡口之上。一候乾燥。掉換一塊。再貼於原處。照此試行。不數日瘡口卽能平復。

三 治背癰法

牛皮膠四兩。蒸化好酒兌服。不飲酒者。滾水沖服。初起服。此毒不內攻。不傳惡症。(又方)未成者。用活癩蝦蟆一箇。繫放瘡上。半日癩蝦蟆受毒必死。取於水中。吐出毒氣。復活。再換一箇。仍如前法。換至三四箇後。則毒散矣。屢試極效。若勢重者。以活癩蝦蟆一箇。或二三

箇。破開連肚乘熱。合瘡上。不久必
真不可聞。再換二三次即愈。並治
一切癰毒。屢試如神。終身戒食蝦
蟆。

四 治面疔法

常用斑蝥或蜘蛛等劑。吸引外出
。惟須起泡。恐不免痛。茲有一經驗
之方。述供一試。昔有醫士。於客中
猝患面疔。起於頰際。劇痛不可忍。
惟在輪船中。無從覓藥。因念蠅體頗
類蜘蛛。或可代用。乃於餐間中。捉
取飯蒼蠅數枚。去翅及足。搗爛敷之

。越宿竟愈。後以傳人。用飯蠅七枚
。加入頂上冰片二釐。敷於患處。並
圍其根。數日亦愈。予在處州時。亦
曾以此法施治數人。皆效。但仍宜內
服藥劑以清其毒。

五 治毒疔法

方以白菊花根。搗汁與飲。並敷
患處。立愈。予傳此方僅三年。鄉中
醫愈八人。他藥實無勝此者。（又方）
人之面部手部。若生疔。初起時。以
吸鐵石良久擦之。二三天即愈。

六 治疥瘡法

患此者常癢不可忍。切勿用爪搔傷。致生濃泡。癢發時可烟末擦之。既能止癢。不久而瘡亦愈。且不污衣服。家庭常識。載治疥瘡法多矣。未有若斯之簡便神效者也。

七 治肛門生瘡法

肛門主肺。肺熱卽肛塞。腫縮生瘡。好白蜜一斤。猪胆一枚。取汁和勻。微火煎乾。作條三寸長。候冷塗油納入肛門。臥下。少時必裏急後重。通泄而愈（又方）雞內金。（卽雞肫皮）燒存性爲末。乾敷其效如神。

（又方）枳壳。（炒）槐角各三錢。黃芩。生地各二錢。川連錢半。穿山甲。（炒）蒲黃。僵蠶各一錢。分作二帖煎服。

八 治膿水熱瘡法

夏日暑濕盛行。最易發生熱瘡。膿水橫流。蔓延尤速。小兒更甚。可將冬季常用之冬筍。將其根炙灰。研細。用麻油調敷。甚效。（冬筍根。硬老而不可食。人必棄之。若於冬間作饌時而收貯之。至夏可以濟人。亦廢物利用之一也。）

九 治白禿瘡法

頭生白禿瘡之時。宜以水煎紫草。塗之於頭即可收口。有奇效。

一〇 治坐板瘡法

臀部生瘡。俗呼爲坐板瘡。蓋由夏日橙曬久坐所致。凡患此症者。有一簡便醫法。於清晨起來。赤體坐在有露水之石頭上。連坐數晨。卽愈。法極驗。

一一 治漆瘡法

人每有因嗅漆氣而生瘡者。頭部腫大如五石瓠。雖無甚妨礙然可慎也。

。若用芥菜煎湯。（芥菜子亦可）洗之。卽愈。

一二 治療癰瘡法

此症初起時。貫串細核。形同佛珠。後竟潰爛。蔓延頸項。時發時愈。治法。於初起時用新鮮虎耳草。（卽金絲荷葉）搗碎取汁。用雞毛蘸汁敷患處。乾卽再敷。不令間斷。二三天卽愈。

一三 治陰頭生瘡法

蘆甘石一兩。（火煨醋淬再煨再淬五次）兒茶三錢。共研末。香油調

敷立愈。(又方)婦人月經布。(成灰候冷)麻油調敷。百發百中。或加頂上冰片少許更妙。(又方)先用甘草。銀花。蔥頭煎湯洗淨。用生橄欖核一箇。(無則用鹽橄欖核煮淨鹽味亦可)燒存性。頂上梅花冰片一分。共為細末。麻油調塗。雖臭爛不堪。敷之即愈。屢試如神。(又方)大訶子燒灰為末。入麝香少許。先用荊芥。黃柏。甘草。蔥白煎湯洗淨。然後敷之。雖爛至一二寸亦效。

一四 治葡萄疔法

治此之法。宜以大蒜煨灰。存性和於糊而塗之。有起死回生之效。除此藥之外。雖和緩復生。恐亦不可救治矣。

一五 治瘡中生管法

退管丸。廟宇內陳年舊琉璃底三錢。(麩皮拌炒透)辰砂。(水飛另研)人指甲。(麩皮拌炒)真象牙末各一錢。蟬蛻一錢五分。(炒)製乳香。製沒藥。(製法見藥物備要)枯礬各八分。各研細末。共和勻。用黃蠟三錢。溶化入藥。攪勻乘熱。作速

作丸。如菜豆大。初服十粒。逐日漸加一粒。加至十六粒。以後不必再加。酒送下。患上身者。加川芎六分。患下身者。加牛膝六分。遠年者。服一料全愈。近年者半料收功。雖患至二十年者。亦效。屢試如神。忌食葱。與有管之物。

一六 治諸物入瘡法

驢馬汗入瘡。(或毛或尾入瘡或聞驢馬汗氣而發者同治)急宜刺出紫血。以真烏梅嚼爛塗之。若腫悶發熱。則宜防毒入腹。以致不救。急用真

菜子油。或真麻油飲之。或用醕酒煎馬齒莧飲之。盡醉爲效。但莧性寬滑。凡瘡潰未合。氣血未復。而又受以汗毒必量人壯弱用。一兩或五錢。切勿太過。或用護心散。金蟾散治之。(又方)粟米根燒灰淋汁洗之。出盡白沫卽愈。極效。(又方)冬瓜皮曬乾研末敷。並熬湯洗之。

一七 治鵝掌風法

生手掌上。紫白斑點。疊起白皮。堅硬乾燥。甚則疊疊脫皮。血肉外露。或癢或痛。久則成癬。難愈。用

一大碗。以紙緊糊碗口。(紙上用針刺紙多孔)上鋪細米糠二三寸厚。手簍燃炭。放糠上緩緩燒之。燒至離紙三分光景。將炭與糠一井棄去。(不可將紙燒穿)取碗中糠油。時時搽之。數日斷根。屢試神效。(又方)真小磨麻油一兩。紅砒一兩。敲細入油。砒煎至枯煙盡爲度。去砒留油。冷透火氣。用火烘油擦三五次。十日即愈。血寒者最宜。(又方)鉛彈子二箇。(如核桃太)每日在手內搓弄。搓熱將彈子握緊。晝夜不歇。如此十

餘日即愈。愈後再搓一二月。則不復發。

一八 治贅疣法

肌肉如生贅疣。可以食鹽泡水。日日洗之。則贅物自消。或投布巾於濃礬水中。乘沸絞乾。取揩患處。亦驗。如不間斷。行之一月。贅疣必消滅於無形矣。

一九 治嘴角瘡法

法以湯罐底水。或鑊蓋頂蒸汽水。塗沫於口。三次即愈。奇効。

二〇 治癩風法

癩風最爲齷齪。無論男女。一生癩風。夫婦間受情必薄。宜取松脂煉之。置於冷水中。其後又煉之。及二十度。研爲粉末。以蜜爲丸。大如胡椒。每服二十九。空腹中用開水送下。忌食有鹽味之物。

一一一 治手足生瘡久不收口

法

取大路口多人撒尿木板。爛成白色者。炭火煨化研細末。加冰片少許。摻之卽愈。

一一二 治痔瘡立愈法

法以冬青樹葉煎成湯。薰洗之。可治內痔。以鱉甲五格子煎成湯薰洗之。可治外痔。治痔漏。則以山椒之實研成細末。而服之。以木槿根煎成水。而洗之。更以其花研成末。而敷之。均有効。

一一三 治懸癱法

又名騎馬癱。生在海底。初起細粒。漸大如桃李。俗呼偷糞老鼠。潰爛之後。一經房事走漏。卽成漏生管。體弱者。患之更危。諸漏易醫。獨此難治。治則。漏管過大難救。未成

膿時。用生甘草。熟大黃各三錢。酒煎空心服。一劑卽愈。如已成膿。服醒消丸卽愈。倘段色白者。服小金丹卽愈。(又方)用橫紋生甘草一兩。截數段。用水泡透。文火烘乾。再泡再烘。以中心水潤爲止。切細。加當歸一兩。用酒煎服。日服一次。半月後方能消盡。(又方)潰爛久不收口中。未生管者。用水仙膏敷之。百發百中。

二四 治下部患瘡法

法用青葉核數枚。燒成炭研極細

末。和麻油調。敷患處。卽破爛亦可治。數次卽愈。有奇効。

二五 治瘡養難忍法

金銀散。專治惡瘡癢極。硫磺一兩。入銅器內在燈火上熔化。(切忌放灶火及火爐上)加頂上銀朱五錢。攪勻離火。倒油紙上候冷研細。(如香灰細不細敷之作痛)好醋調敷。其癢立止。如破爛孔內癢極者。用白蜜調此藥敷之。神效。白花膠。專治惡瘡癢極見骨者。香油一斤。青槐枝一百枝。陸續入油熬極。枯黑去槐枝。

瀝盡渣。加黃蠟兩半。鉛粉兩半。離火微溫。再下製乳香。製沒藥。（製法見藥物備要門）白花蛇。（無則用烏梢蛇亦可）兒茶各三錢。潮腦一兩。真麝香一錢。（少用亦可）共研極細末。加入攪勻成膏。浸水中三日。拔去火氣。再効用如一時製藥不及。切忌手扯。用連鹽瘡頭簿簿敷之。已破者。用鹽敷於四圍。

二六 治年鬚瘡法

山羊鬚鬚。不拘多少。瓦上炙灰。收貯磁瓶。臨用研末。濕則乾敷。

乾則用蕪油調擦。立愈。苟此方不效者。以舊棉絮胎。扯少許燒灰。無論乾濕。均用蕪油調塗。必愈。

二七 治繡球風法

治繡球風。每次用建旗紅茶二兩。煎湯洗滌。約半小時。洗後拭乾水。潰。三四次即愈。有奇効。

二八 治喉癬法

體虛多鬱者患之。喉生苔癬。色暗不紅。不閉不腫。氣出如常。微微疼癢。有礙飲食者。即是。此係虛火淹纏難愈。忌刺畏。補用頭胎黃牛

屎。放新瓦上。並用瓦蓋。周圍用文武火。煨至煙盡存性。連瓦取下。用鉢蓋住。候冷研末。用筆管徐吹入。自愈。（又方）冰片。牛黃各一分。胆礬三山豆各二錢。真鈿砂。雄精。兒茶各八分。共研細末。另用鹽梅三箇。（去核）搗融入藥。和勻丸如龍眼大。臨臥啣在口內。過夜即愈。啣至十九斷根。

二九 治吃髮癬法

吃髮癬最爲可惡。一經發生。鬢髮必盡行脫落。治法購頂上高粱酒一

中碗。以鬧陽花（此花有毒切勿入口）二十一朵。毛薑十七厚片。浸入。用紙將碗口封固。置鍋上隔水蒸之。經七次後。炒以高粱酒塗於患處。日約五六次。一閱月後。即已鬢髮叢生矣。

三〇 治癬法

癬疥雖小疾。然極纏綿難愈。法用煮熟雞蛋黃數個。在銅鍋內儘燻。燻至油出。將此油和白蘚皮。瘡朮末。塗之可效。試之良然。

三一 治胸旁生瘡法

凡大人小兒。胸間兩旁各生紅白瘰泡。溼爛疼癢。每處直長一條。連生十餘箇不等。名曰簾珠倒掛。久則難治。諸藥不效。用端午日。人家簷口所挂菖蒲。連根葉切碎瓦上。焙枯研末。香油調搽。五六次即愈。屢試屢效。

三三一 治頭生瘡髮凝結法

凡頭部生瘡。瘡必凝結成推。欲梳洗無阻礙。浸竹籬之葉於水。以其水澤櫛而梳之。即應手而能。

三三二 拔毒法

功能生肌拔毒。專治癰疽創傷。

破爛不斂。皮疹。濕疹。凍瘡。火傷。燙傷等症。不論新久。連搽數日。必見奇效。方用西月石三兩。蘆甘石二兩。廣丹一兩。鉛粉五錢。輕粉三錢。共研極細末。貯入磁瓶或洋鉄罐中。再調入熟豬油五兩。加微熱。攪極勻。即成。

三三四 治瘡癰潰爛法

瘡癰腫毒。潰爛之後欲其收斂。以九一丹（藥店有賣）置膏藥（不論何種）。上貼患處。數日之後。即生

新肌。

三五 治凍瘡法

初起時。即取蘿蔔葉及枳皮。煎水洗之。使血脈溫和可免潰爛。洗二次即愈。

三六 治毒攻心法

凡患瘡毒心中難過。或欲嘔吐或神昏不話。此毒氣攻心也。急用護心散。時時服之。服至大半。嘔吐神清。再服醒消丸。以平其勢。護心散如不及。急服白砂糖三四兩亦可。(又方)癩蝦蟆破開。蓋心口上亦妙。無

癩蝦蟆。用雞亦可。然終不如蝦蟆之妙。

三七 治瘡中生蛆法

此方先用濃茶洗淨。再以麻油脚汁敷上。甚效。諸瘡因蒼蠅飛聚。而生蛆者。用寒水石。細末摻之。(如香灰細不細摻上作痛)如無蒼蠅而生蛆者。係陰溼所化也。用海參燒枯研極細末。摻之。或用皂礬飛過為末。摻之。其蛆即化為水。

三八 治肉瘤法

每夜將睡時。用新熟熱飯敷上。

冷則另換。每晚連敷三次。久而自愈。凡新起肉瘤如小彈子者。治之屢見功效。不可輕視。

三九 治血瘤法

甘草熬膏。用筆蘸圈瘤四圍。又用芫花。大戟。甘遂等分爲末。醋調。另用新筆蘸塗於甘草圈內。務須離甘草一圈。不可太近。蓋藥性相反。切勿悞相攪和。塗後。次日瘤當縮小。再加前法塗三四次即愈。愈後。須請名醫服藥消散。以免復發。

四〇 治粉瘤法

用蜘蛛網纏住瘤根。次日又換新蛛絲再纏。約換四五次則瘤自消。內有結實小白粉用手取去。不腫不痛。(又方)天花粉一兩。陳壁土五錢。穿山甲。川貝母各三錢。(去心)共爲末。和勻摻膏藥上。(不論何膏)貼之即穿出粉渣。而愈。

四一 治鼠瘻法

此症瘡口已合。旁邊有眼。出膿不止即是。又有頸項生之不已。復從脚底而生。俗謂鼠子打洞。其症尤惡。用老鼠一個。(去毛搗爛)亂髮一

團。用火腿把肉煎出油。入鼠髮二物。熬至消盡爲度。以一半敷瘡眼。一半沖酒服。神效之至。永遵戒食鼠鵝。兔。肉再無後患。（又方）蝦蟆散。敷之極效。

四二 治甲疽法

又名嵌甲。凡指甲邊。生一赤肉。突出時常舉發者。甲疽也。用狼毒一兩。黃耆二兩。醋浸一宿。入豬油五兩。微火上煎取二兩。絞去渣。退火氣敷之。日換三次。神效。（又方）乳。膽礬。研細。時時敷之。

此病須剔去甲。不藥亦愈。若已成瘡。久不愈者。此方甚効。（又方）皂礬五錢（火煨候冷研末）先以鹽湯洗瘡。拭乾以礬末敷之。舊袖裹定。一日一換。神效。或用枯礬亦可。惟敷之微覺疼痛。

四三 治石疽法

初起一核。漸大如拳。堅硬如石。急已陽和湯犀黃丸。每日早晚輪服可消。如遲至大如升斗者。仍如硬石不痛。日久現出紅筋。則不能治。若生斑片潰爛。卽潰後放血三日而死。

若現青筋。可治。內服陽和湯。外用活商。陸根搗爛。加食鹽些少敷之。數日作癢半月皺皮。日敷日軟。有膿袋下垂。以銀針穿破。用千金托裏散。加熟地。生耆各一兩。煎服十劑。後用陽和解凝膏貼上。空出針穿之。眼膏。外用布捆緊。務使皮膜相連。內服十全大補湯。或保元湯。參耆俱生用。服至收功爲止。如毒氣未盡。忌服補劑。

四四 治瘡法

消瘡膏治積年惡瘡。至重貼兩張

卽消。屢試神驗。密陀僧六兩。阿魏五錢。羌活。水紅花子各一兩。穿山甲三錢。香油一斤八兩。火候照常熬膏法。膏成時下麝香一錢。用布照瘡大小攤貼。凡患瘡癬處。肌膚定無毫毛。須看準以筆圈記用膏貼之。內用水紅花子。研末三錢。燒酒二斤泡之。時飲一杯。瘡消乃止。水紅花子。卽紅蓼花子。以自取爲真。藥店多假。用之不効。

四五 治脫骨疽法

此症生手足各指。(或云生手足

第四指者是。或生指頭。或生指節縫。初或白色。痛極。或如粟米起一黃泡。其皮或如煑熟紅棗。黑色不退。久則潰爛。節節脫落。延至手足背腐爛黑陷。痛不可忍。古方有截去指頭一法。斷不可用。宜用頂大甘草研極細末。用香麻油調敷。要極厚。一日一換。不可間斷。忌食發物。不出十日必愈。真神方也。再用金銀花。元參各三兩。當歸二兩。甘草一兩。水煎服。一連十劑。永無後患。藥味不可減少。減則不效。並忌抓。擦爲

要。

四六 治陰疽法

此疾初起之形寬大平塌。根盤散漫。不痛不腫。色不明亮。此陰疽最險之症。倘誤服寒涼。其色變如隔夜猪肝。毒攻內腑。神昏卽死。夫色之不明。而散漫者。乃氣血兩虛也。患之不痛。而平塌者。毒痰凝結也。治之法非麻黃不能開其腠裏。非肉桂炮薑不能解其凝結。此三味雖酷暑不能缺一也。腠裏一開凝結。一解氣血能行。行則凝結之毒隨消。乃一定而不

可移之法。後列陽和湯。陽和膏。犀黃丸。小金丹。諸方均爲陰疽要藥。照方治之。萬無一失。

四七 治疗瘡法

疔瘡發之最速。有朝發夕死。隨發隨死。有三日五日而不死。至一月半而終死者。其毒最烈。或發寒熱。或發麻木。或嘔吐或煩燥。或頭暈眼花。或舌硬口乾。或手足青黑。或心腹脹悶。或精神沉困。或言語顛倒。此皆生疔之痰。其形或大或小。或長或圓。其色或白或黃。或紅或紫。或

有紅絲。名色甚多。治法則一。倘辨別不清。以生黃豆令本人嚼之。如無豆腥之味。卽是疔瘡。疔瘡多生暗處。或痛或不痛。或癢或不癢。發時人多不覺。若不早治。最易誤事。有發寒熱數日而後生者。有當時生者。初起如粟米大。或大小不一。如發寒熱及麻癢嘔吐等症。卽於遍身留心尋認。凡鬚髮眼耳口鼻肩下兩腋手甲縫糞門陰戶等處。更宜細省。一日須看數次。有則照方醫治。若前心坎後背心有紅點者。卽照羊毛疔治之。如覓尋

瘡不見。取甌中氣垢少許納口中。必有一處痛甚。卽知疔瘡所在。須急宜刺出惡血。以見好血而止。諸瘡及刀鎌疔忌用刀鍼。餘疔不忌。如毒重者。卽服護心散。或菜子油一碗。（真麻油亦可。）以免毒氣攻心。若服菊花飲亦可。

四八

治癰疽潰爛法

石硫黃。以箸蘸。插入孔中。以瘡爲度。（又方）秦艽爲末摻之。（又方）北艾煎湯洗。後以白膠香熏之。（又方）烏麻炒黑搗敷之。（又

方）絲瓜搗汁頻抹之。（又方）絲瓜根熬水。掃之。大涼。卽愈。

四九

治反唇疔法

反唇疔。用生芋芳。搗爛取汁。內服外塗。立見功效。（又方）荔枝燒灰研末存性。麻油調塗。兼治諸毒。

五〇

治刀鎌疔法

疔形如韭菜。寬長一二寸肉色紫黑者是。忌用針刺。用前蔥簪散服之。並溘雞糞敷之。卽愈。遲則毒歸心臟。致命。

五一 治唇疔法

救唇湯。紫花地丁。金銀花各一兩。白菓二十個。桔梗。生甘草。知母各三錢。水煎服。至重三劑必愈。此方治頭面口角疔瘡俱効。唇疔更妙。(又方)一人唇口生疔七個。頭腫如斗。心悶神昏。百藥不効。後有人云。此名七星攢月。用蛔蟲搗爛敷之。頃刻瘡口出黃水。腫消神清。次日全愈。如無蛔蟲。以五穀蟲一錢。瓦上焙乾研末。白礬三分。蟬酥三分。以燒酒溶化。調勻敷疔上。少刻疔亦

破流毒水而愈矣。

五二 治紅絲疔法

紅絲疔甚危。生於足者。紅絲纔延至臍。生於手者。紅絲漸延至胸。生於面者。紅絲漸延至喉。卽不可治。急用針刺破其紅絲出血。以浮萍草嚼碎塗刺處。隨用白礬末三錢。川蔥頭七根。搗爛。和白礬末，加酒吞服。蓋被出汗。卽愈。(又方)鍋底煤少許。黑魚鱗一錢。焙燥研末。用麻油調塗。依紅絲用筆敷之。惟尖頭之處。用魚鱗一二張貼之。其紅絲疔瘡

自然內消。若鄉間不及用藥者。急用
茨菇葉搗汁。依紅絲敷之即愈。

五三 治蛇頭疔法

蛇頭疔。生於中指上。用小泥鰍
一條。搗爛敷之。立愈。(又方)雄
黃末一鈿。青田雞一隻。搗爛敷之。
亦愈。

五四 治瞎眼疔法

上高下深。顆顆纍垂如瞎眼。其
中帶青。頭上各露一舌者是也。用回
陽玉龍膏。真君妙貼散。敷之。必愈
。如仍不愈。用蝦蟆散。治之。或後陰

疽方更妙。

五五 治耳疔法

耳疔。將荔枝煨燥研末。用麻油
調敷極效。(又方)鮮紅菱柄。炙灰
存性。加月石冰片各少許。研末吹入
。亦効。

五六 治閉口疔法

此疔生人中。初起時頭重心熱。
一日終即死。急用生雞冠血點之立消
。或用公雞糞門啜疽頭。連換數隻。
即愈。(附方)治(面部惡瘡。疽。
疔。對口。等症。一)生馬齒莧(又名

老鼠耳。(一)白屎虫。(一)屎中白虫。(一)合搗。烏糖敷之。立愈。或用生沙蜆肉。舂黃糖敷之。立愈。或用德國新發明之。「亞魯令。」藥水搽之。有效。

五七 治鼻瘡法

鼻中生瘡。將薏米。冬瓜。煎湯。當茶飲。神效無比。(一)又方)密陀僧。白芷各二錢。共研末。蠟燭調搽。甚效(一)又方)杏仁。(一)去皮尖。(一)搗爛以人乳調和塗患處。亦效。(一)又方)用苦參。枯礬。各一兩。生地汁

三合。水二盅煎至三合。少少滴之。自愈。

五八 治軟癬法

軟癬。用代赭石。虢丹。牛皮膠。等分爲末。好酒一盃。冲之。澄清服。以渣敷。乾則易之。自效。(一)又方)露蜂房二枚。燒灰存性。以巴豆二十一粒。煎清油二三沸。去豆用油調敷。亦效。(一)又方)抱出雞卵壳。燒存性。研末。入輕粉少許。清油調塗。即愈。(一)又方)頭上軟癬。用野芋頭磨醋塗極效。

五九 治漏疾法

香菜油一觔。用三十歲婦人血餘二兩。入油內熬煎。去渣。每日用油一鍾。煎雞子三枚。將象牙細末三錢摻在內。淡喫。連喫三五日。或將元米粉摻象牙屑。攤餅喫亦可。象牙末喫至一二解。再無不效。此法不用刀針掛線。有管自然退出。屢試屢驗。象牙要真。更要新而雪白者鏽碎。再用乳鉢細研。

六〇 治癰疽不潰法

來勢腫惡。堅硬不潰。以利刀劃

成十字路。用麵水調稠。敷厚週圍瘡口外。高起五分許。如塘池樣。將梧桐淚填半滿。用好米醋滴淚上。須臾自沸。勿令滾出麵外。次日用金銀花煎湯洗淨。再如前用一次。只用醋洗。不痛。爛肉自去。(又方)白芷。紫荆皮。等分爲末。酒調服。外用紫荆皮。木蠟。赤芍藥等分爲末。酒調塗敷四週。神效無比。

第四編 花柳部

國醫之治花柳，其神妙處亦往往如治瘡毒。僅以用藥而言，每每垂危大病，愈於一輕細之丹方，此亦「藥不在多，能用則靈」之謂耳。

花柳毒易於入骨，故治花柳者須用根斷之方法，而染花柳者，亦要一劑毒決心。繼之，凡遇此種病症，醫者與病者，理當用大刀闊斧之手段，不可遷延時日，遺害終身。

本篇共列方二十五則。每方均為歷代名醫所秘藏者，其靈效與簡捷，誠出諸意料之外，幸讀者毋弗輕視之。

一 治橫痃法

此症大半由花柳中得來。由白濁之流入於絡而成。初發時宜早治。卽使腫痛。尚能治愈。切不可用針科。

將潰亦不可用刀刺破。以致不易取功。今有最便最靈之法。用皂角刺一兩。煎濃湯。去刺用湯。入糯米半茶杯。煮成粥。分數次淡食。食完卽愈。

此粥味頗清香。並不難食。

二 治魚口便毒法

無論男婦。下部左右潰爛。以及諸醫束手。若服此方。均堪救治。方用（夏枯草）五錢。（蒼耳子）三錢。煎水洗之。另用生荔枝核三錢。青菓核三錢。桃仁三錢。（均是核內之仁）將上藥醋浸一宿。搽之。然後用黃柏燒灰。同松花粉撲之。如是配三四劑。即愈矣。洗宜常洗。藥宜天天搽之。

三 治梅毒法

初起時用木瓜一枚。煨灰存性。研末蜜和爲丸。每日二次。用開水送服一錢。甚效。①用土茯苓一二斤。浸童便中。越宿取出曬乾。每日用四兩煎水。代茶飲之。（戒飲茶）日爲常。二月毒盡。（按土茯苓乃梅毒要藥猶菊花之於疔瘡。白芨之於吐血）②用金銀花。皂角刺。蟬退。僵蠶。各七錢。杏仁（去皮與尖）七粒。土茯苓一斤。水十四碗。煎存一半。限一日當茶服盡之。（戒茶）避風靜居。越一二日再服一劑。七劑全愈。永不

再發。

四 治便血法

法用猪大腸三寸。以黃連末灌滿之。煮熟搗爛爲丸。如梧桐子大小。用開水送下服之。重者三服可止。輕則一服卽愈。

五 治鼻爛穿法

用五倍子燒灰存性。研末。以黃臘與猪油和勻。敷之極效。如係梅毒徒用此法。恐難遏止。宜注射九一四等。

六 治梅毒斷根法

欲使梅毒斷根。宜次金銀花。皂角刺蟬退僵蠶。各七錢。杏仁去皮與尖七粒。土茯苓一斤。水若干。煎存一半。服一日當茶服盡之。戎茶。避風靜居。越一二日再服一劑。七劑全愈。永不再發。

七 治楊梅結毒法

法用珍珠二分。西牛黃一錢。土茯苓一片。煎湯服之。卽愈。（西牛黃用布包好入煎珍珠研末調和藥汁內）（又方）用黑豆生甘草節煎湯。先重後洗。更以鯉魚胆汁搽之。極

効。

八 治廣瘡結毒法

法用川芎。當歸。金銀花。花粉。防風。生半夏。(薑礬製。)川貝母。海螵蛸。(去皮水飛。)白芷各一兩。南星兩半。(薑汁製。)用土茯苓一觔。米泔浸竹刀去皮。搗爛。不犯鐵器。放沙鍋內。用水四碗。將竹箸量足深淺。再加水四碗。煎至四碗。將前末十兩五錢投入。再加水四碗。煎至四碗。濾去滓。一日內服盡。忌鹽與一切毒物發物。粥飯只可淡

喫輕者一料。重者兩料全愈。一方每日調入八寶丹一分二釐。

九 治頭面結毒法

法用蘄艾一兩。川椒八錢。麻黃去節三錢。川芎二錢。白茯苓二兩。豬頭天靈蓋骨。(火煨存性。)五錢。右研極細末。蒸餅丸如菜豆大。飯後白湯下三錢。三四日瘡口乾燥不臭。是其驗也。服至瘡平方止。

一〇 治楊梅下疳法

若因地氣卑溼由受溼熱。或觸臭氣生者。所受不過皮毛肌肉之間。生

於前陰。通腎囊筋上者多。或身上紫紅色暈癬。不在骨節穴道。用前下疳症下。米仁。木瓜。木通。銀花。防風。甘草。白蘚皮。皂角刺。土茯苓。煎服。若因淫毒傳染而生者。蓋此淫穢之毒氣。從精道乘虛直透命門。以貫衝脈。無處不到。發於頭頂。四肢骨節穴道之間。爲害最惡。若治失其宜。頭鼻爛穿者多矣。明哲之人。靜而思之。何苦貪瞬息之歡娛。輕則痛苦之災。毒於別病。重則終身殘疾。毒於子女。如此惡途。不寒心知避

者。其愚亦甚矣。

一一 治下疳瘡法

陰頭皮縐處。溼爛疼痛。生甘草瓦松煎湯。洗淨拭乾。用鳳凰衣。一卽出難離壳內衣炒黃色。一兒茶等分爲末。敷之。壁上蟪蛛錢。逐個在燈上燒存性。研細。加冰片少許。搽之立能止痛。初起卽服大黃一兩。皂莢二錢。水泛爲丸。照前每服二錢。瀉去其毒。日一服。

一二 治鷄瞪疳魚口下疳法

婦人陰戶臭爛。亦有此藥愈。熟

乳香。冰片。珍珠末。象牙末。兒茶各三分。搽面粉一兩。(入傾銀罐內。煨紅鵝黃色。)牆上白螺螄壳。(洗淨入傾銀罐內。煨過淨末。)一兩。右共研細末。磁瓶收固。若要上藥。先用米泔水煎滾。入雄黃三錢於湯內。淋洗患處。然後上藥。不拘男婦。三日後立效。

一三三 治下疳法

土牆上白螺螄壳灰一錢。五倍子灰二分。燈草灰五分。甘草灰五分。黃柏灰五分。輕粉四分。牛黃五厘。

兒茶五分。冰片五厘。右為細末。先用皮硝湯洗。次用土茯苓湯洗。後將藥搽患處。(又方)大紅絨一錢。冰片三分。鐵銹一分。鳳凰衣五分。(煨存性。)血竭一錢。右研極細末。敷患處效。(又方)用白鵝一隻。以白米養三日。後取鵝糞。以新瓦焙乾黃為止。每服一錢。和丹砂一分。冰片一分。共研極細。用米泔水洗淨其瘡。如瘡乾。用雄豬胆潤之。以藥敷之。如瘡溼。則不必用雄豬胆潤之矣。

一四 治氣淋法

小腹急。小便欲解不出。解後常有點滴者是。治法與勞淋相同。法用甘蔗上青草梢一兩。酒煮服。三日全愈。即效。

一五 治魚口法

生在左胯縫內。名魚口者。其瘡口潰大。身立則口必合。身屈則口必張。開合之形狀如魚口故名。此毒係忍精不洩。怒氣傷肝而成。五月五日。採樹上青核桃。筐內陰乾。時用火煨存性爲末。好酒空心服。少行一二

次。服三四次。未成者即消。已成者減輕。(又方)用槐米炒黃色二兩。好酒煎熟服。飲酒蓋被出汗。未成者即消。已成者減輕。

一六 治勞淋法

勞傷虛損。小便不出。小腹急痛。尿出白汁。一點一滴者是。「玉鎖丹。」最效。(又方)牛膝一兩。乳香一錢。酒煮溫服。(水煮不可。)諸藥不效。痛不可忍。服此數劑。其效如神。血淋。更效。如有夢遺失精之症。則不可服。(又方)核桃。

(連壳用。又名胡桃。)黃泥包裹。用小火將黃泥燒至黑色。取淨肉。(有油者不用。)研末。早晚用鹽開水。空心送下三錢。三日即愈。甚效。

一七 治血淋法

小便內有血點。或血條者是。淡豆豉五錢。煎服。雖痛不可忍者。無不奇效。或用勞淋。亦效。(又方)浮小麥。加童便。炒。研細末。以砂糖。調服五錢。一服即愈。(又方)頭髮。燒灰。生藕汁。調服二錢。三

日即愈。極效。或用生藕節。搗爛。酒沖服亦可。(又方)尖檳榔。煎濃汁。加白蜂蜜。沖服神效。

一八 治熱淋法

小便熱而赤。短而澀。臍下急痛者是。滑石六錢。甘草末一錢。水沖服。日服數次。三日即愈。又前小便不通門內。豬胆。田螺。蝸牛。蚯蚓。各方。均解熱毒。皆可服之。極有功效。

一九 治石淋法

又名沙淋。小腹急脹。莖內痛如

刀割。若楚萬狀。尿如沙石者是。瓦松。(即瓦上無根草。)煎濃湯。乘熱薰洗小腹。約兩時即通。(又方)銀銷。(入鍋內。隔紙炒。至紙焦爲度。)研細。用溫水沖化。每服二錢。再加滑石二錢。水調服。神效無比。此藥能化七十二種石塊。爲治五淋要藥。石淋尤效。(又方)核桃肉。(又名胡桃。)煮粥多食甚效。或服「七製故紙丸。」更妙。(又方)牛角。粉灰。酒服二錢。日服五次奇效。

二〇 治淋濁法

小便不利者曰淋。利而便前有漿者曰濁。白曰白濁。赤曰赤濁。其管痛則一也。用天芥菜。搗汁一杯。加蜂蜜一匙調服。小便漸爽。數日能愈。(又方)白果燉熟。連湯食之。日常代點心。半月必愈。(又方)葵花根置煎數沸。(不可久煮。)服之亦效。(又方)六一散。(藥店內有。)苳腐漿沖服亦效。(又方)冬瓜青水煮熟。日食三大碗。亦效。

二一 治赤白濁法

石菖蒲。萆薢。益智仁。烏藥各一兩。水煎。不拘分服。(又方)雞蛋一個。頂上敲損一孔。入生大黃末三分在內。紙糊煑熟。空心服四五朝。即愈(又方)新鮮薏苡仁根搗爛。絞汁一碗。或滾酒。或滾水沖。空心服(又方)生蘿蔔剝空。留蓋。入吳茱萸填滿。蓋定。籤住。糯米飯上蒸熟。取去茱萸。以蘿蔔焙研末。糊丸桐子大。每服五十丸。鹽湯下。日三服。

二二 治白濁法

婦女戴過夜之茉莉花。不拘多少。代茶飲之。良效。(又方)野芝麻炒黑。研末。以陳酒沖服。奇驗。(又方)蕎麥炒焦爲末。雞子白和丸。每服五十丸。鹽湯下。日三服。(又方)糯稻草煎濃汁。露一夜服之。

二三 治赤濁法

遠志。甘草。水煮八兩。茯神。益智仁各二兩。爲末。酒糊丸梧子大。空心棗湯下五十丸。(又方)菟絲子。麥門冬。等分爲末。蜜丸梧子

大。鹽湯下。每服七十九。神效。
（又方）乾紅蓮子連心衣六兩。炙甘草一兩。共研末。每一錢。燈心湯下。

二四 治橫痃法

橫痃雞子一個。開孔。入紅娘子六個。紙包煨熟。去紅娘子。食雞子。以酒下。若小便淋瀝出膿血。卽愈。
（又方）黃明膠。水溶化。塗之卽愈。
（又方）黃括萋一個。黃連五錢。水煎。連服卽效（又方）羌根搗水服。以渣敷之。得下卽散。（又方）

冬葵子。酒服二錢。（又方）鯽魚一尾。山藥五錢。同搗塗敷。（又方）貫衆。酒服二錢。甚良。

二五 治石沙淋法

（一切淋症屬虛者。並小便不通皆法。）白豆蔻。（連壳。）砂仁。（去壳。）白胡椒。真川椒。（不真不效。）以上四味。各等分。共研末。每用一二錢。入小布袋內。以好汾酒。（頂上燒酒亦可。）（熬極滾熱。）沖入布袋。套上陽頭。蓋衣熏之。藥冷再沖滾酒。再熏。一日數

次。三日必愈。熏後陽物及腎囊稍覺
辣疼。熱水洗淨自安。一人因騎馬受
熱。而得淋症。日久變成沙淋。痛不
可忍。九月不愈。後用此方。治之。
三日。斷根。屢試神驗。沙淋本係熱
症。初起不宜此藥。久則雖症亦虛。
非此不愈。

第五編 頭腦部

所謂頭腦部，則指人之前後腦而言。

腦髓乃人之生命樞紐，腦有刺激，則神經亂；腦若受傷，則生命亡。故腦之有病，實不容忽視也。

國醫治腦，內外兼施，此道西醫頗相酷肖。惟國醫之藥物，似較西醫爲溫和。世人有謂治腦國醫不如西醫，此亦偏見之談，須知醫者，明也，法也。能明其底蘊，能得其治法，固無所謂中西之別。今本篇共列祕方二十八則，每方均經歷朝醫士診治採用，其靈效卓著，固毋容贅述。百試百驗，盡在此中，幸病者醫者知所珍惜焉。

一 治偏正頭風法

兩。共爲末。每服二錢。薄荷七分。

偏正頭風。陰雨卽發。用桂心一

鹽梅一個。煎水臨睡調服。雖二十年

兩。酒調塗額上及頂上。卽愈。（又

頭風亦效。或用生南星生烏頭等分爲

方）生大烏頭。去皮四兩。南星泡一

末。葱汁調貼太陽穴亦可。（又方）

硫黃一錢。川椒。(取紅色者。去子為末三分。)二味拌勻。鎔成小餅。左疼塞左鼻。清涕從右鼻出。右疼塞右鼻。正疼左右俱塞。清涕流盡即愈。神驗。

二 治頭項強痛法

頭項強痛。用宣木瓜兩個。取蓋去瓢。沒藥二兩。乳香二錢半二味入木瓜內。縛定。飯上蒸三四次。爛研成膏。每用三錢。又入生地黃汁半盞。無衣酒兩盞。暖化溫服。

三 治頭頂腫痛法

法用荆芥穗錢半。青防風錢半。蜜炙麻黃一錢。草烏一錢。蘇薄荷一錢。川獨活一錢。北細辛一錢。皂刺錢半。甘草六分。用水碗半。一沸。(勿過煎。過煎反失其效。)溫服。蓋被取汗。出時務勿急去衣被至要。

四 治陽虛頭痛法

法用鷄一隻。洗淨。去內腹。用紙浸濕。包鷄皮在生鹽上。燻熟食數次。立愈。如欲即時止痛。向後倒行十分鐘立愈。治頭昏法用老鷹腦水。對水酒吃即愈。

五 治太陽出血法

有人兩太陽陡起紅瘡。用手抓破。出血如線不止。用瘦猪肉一厚片。貼之卽止。或者穿山甲（尾尖者佳。一炒研細末。敷亦止。內服元參地黃湯。卽愈。

六 治頭眩法

風陽上衝。頭目暈眩。或胸中不利。川芎。槐角子各一兩爲末每服三錢。用茶清調下。（又方）頭風旋暈。多汗惡風。胸膈痰飲。川芎一斤。天麻四兩爲末。煉蜜丸如彈子大。每

嚼一丸。茶清下。

七 治氣齁頭痛法

香附子炒四兩。川芎二兩爲末。每煨二錢。臘茶清調下。常服除根。

八 治氣攻頭痛法

胡蘆巴炒。三稜酒浸焙各半兩。乾薑炮二錢半。爲末。每服二錢。薑湯。或溫酒下。

九 治風陽頭痛法

川芎各三錢。爲細末。以黃牛腦子調二末。入瓷器內。加酒燉熟。乘熱食之。盡量一醉。醒則其病如失。

甚驗。

一〇 治氣厥頭痛法

天台烏藥。川芎等分爲末。每服二錢。臘茶清調下。

一一 治寒虛頭痛法

風寒頭痛。用當歸木通各等分。酒浸三晝夜。重湯煮熟。乘熱飲之。去枕臥。立愈。(又方)大附子。或大川。烏頭二枚去皮蒸過川芎。生薑。各一兩。焙研。茶湯調服一錢。或剉斤。每用五錢。水煎服。

一二 治血風頭痛法

女人患此者。至爲困苦。用草烏頭。梔子。等分爲末。自然葱汁。隨左右。調塗太陽。及額上。勿近眼。避風。

一三 治濕家頭痛法

瓜蒂末一枚。嚙入鼻中。口含冷水。取出黃水。愈。

一四 治太陽頭痛法

太陽頭痛。用羌活。防風。紅豆等分爲末。嚙鼻內。立愈。

一五 治腎氣上攻頭頂不能

動法

大熟附子二錢。川椒二十粒。
（用麩塞滿椒口內。）生姜七片。水煎。加鹽少許服。

一六 治頭痛法

清明時。將髮分開。用麝香五分。皂角末一錢薄紙裹置患處。以布包炒鹽於上熨之。冷則易。如此數次。更不再發。（又方）風氣頭痛不可忍者。乳香。蓖麻仁等分搗餅。隨右左貼太陽穴。解髮出氣。甚驗。

一七 治腎虧頭痛法

熟地一兩。山茱五兩。丹皮三

兩。川芎五兩澤瀉三兩。肉桂一兩。茯苓五兩。淮山五兩。水三碗。煎一碗臨睡服二劑頭痛輕十劑。可得全愈矣。後將原方去川芎。而加白芍五兩。當歸五兩。再服廿劑。不致再發十劑之後。改用丸藥亦可。

一八 治頭風目盲法

用野苧菜煎湯注壺內。塞住壺嘴。以雙目就壺薰之。漸明。

一九 治頭風睛痛法

香附子一兩。藿香葉。甘草各二錢。爲末。每服二錢。沸湯入鹽調

下。(又方)大香附子杵去毛。水煮一時。搗曬焙乾。研爲末。煉蜜丸彈子大。每服一丸。水一盞。煎八分服。女人醋湯煎之。此一品丸也。

二〇 治八般頭風法

半夏末入百草霜少許。作紙燃燒烟。就鼻內噴之。口中含水。有涎吐去。再含。八般頭風。二次見效。

二一 治頭痛如斧劈法

此血逆作祟也。用川烏三錢。川芎三錢。爲末燒烟薰碗內。刮下茶調

服。立愈。(又方)頭痛不止者。用細辛爲末。以少許噴鼻。取嚏卽愈。

二二 治厥風陰風上衝頭痛

法

肝脈弦者。是用消障效睛散。石蟹生。研細。連翹各一錢。羚羊角。草決明。防己。羌蔚子。白蒺藜。各一錢。龍胆草。酒炒。木賊草。各五分。甘菊八分。水二鍾。煎八分。食遠服。治之神效。肝脈不強者。不效。

二三 治頭痛起塊法

或頭中如雷鳴者是也。用川芎。白芷。防風。羌活。天麻。甘菊。薄荷。甘草等味治之。(又方)地龍炒研。薑汁半夏餅。赤茯苓。等分爲末。一分至半錢。生薑荆芥湯下。

二四 治頭腦鳴響法

甘菊花濃煎。頻服取效。(又方)女貞子。早蓮草。等分爲末。橄欖汁爲丸。桑葉湯下。(又方)桑葉。黑脂麻。丹皮。梔子。等分研末。蜜丸。陳細茶煎湯服。

二五 治頭腦作響法

法用天白蟻。以春茶子爲末。(別樣茶子亦可，惟打油之茶子則不用。一吹入鼻中取效。

二六 治頭腦昏暈法

暈眩雖然小症然而大病皆起於暈眩。眼目一時昏花。卒致猝倒而不可救者也。宜早治之。用台黨半夏各三錢。白朮。當歸。熟地。白芍各一兩。川芎。茱肉各五錢。天麻一錢。陳皮五分。水煎服。數劑見效。此方名防眩湯。專治氣血之虛。不治頭目之暈。蓋氣血足則陰陽和。陰陽和則邪

火散。自不致於暈眩。多服數劑。受益無窮。不可因一二劑不能收功。便棄而不用也。

二七 治腦漏法

腦漏（一名鼻淵。）白鷄鴿翎毛三錢。擦生漆絲棉一塊。如無絲棉。卽揩漆布亦可。三種係問漆匠鋪買。將二味放於瓦上。焙脆存性。共研細末。入冰片少許。令病人仰臥。用筆管吹入。不過三四次卽愈。此余患此症。覓得此仙方也。用之病愈。除根已三年矣。

二八 治腦後作痛法

此風入腎經所致。用熟地五錢。真山藥炒。雲苓。當歸各三錢。炒芍二錢。川芎。陳皮。炙艸各一錢。天麻錢半。麻黃三分。水煎服。

第六編 耳鼻咽喉部

耳司聽，鼻司嗅覺與呼吸，咽喉則主持營養之入口，三者在人體組織上，均不亞於腦也。

耳，鼻，咽喉之有病，初必輕細，漸始轉深。患者每誤以為此小病，可待其自然痊癒。殊不知此固非小病。何則？耳雖司聽，其神經與內腎相關最重，耳鳴則腎虧，腎虧則影響生育，其重要何似！鼻亦然，呼吸不順，則影響生機，此固人盡皆知之理也。至於咽喉之要，無須再述矣！

國醫之治耳，鼻，咽喉等科，其特妙處在「藥輕效大」。讀者可於下列六十九方見之，其治法簡便，雖婦孺亦能為之。

一 治耳聾法

耳為人身之聽管。一旦失聰。則聲音不能辨別。急宜醫治。法用生花

仁。（即本落花生仁須去紅衣）和黃糖煮之。（愈煮愈妙）日服數次。不日即愈。

二 治耳控傷法

金頭蜈蚣一條。瓦上焙存性。研末。吹入立效。（又方）青魚膽一箇。紅花一錢。元參。生地各二錢。蒸出濃汁。灌入耳內即愈。（又方）冰片。胭脂。（燒灰）牡蠣。（煨粉）共為末。用骨簪點香油蘸末入耳內。即愈。

三 治老人耳聾法

老人耳聾。用豬腎一對去膜切片。以粳米二合。薤白二根。薤白七枚。人參二分。防風一分。為末。同煮

粥食。

四 治耳聞螞蟻戰鬥聲法

此腎虧。極兼怒氣傷肝所致。用柴胡。梔子。白芥子各三錢。熟地。白芍。茱肉各三錢。麥冬一兩。水煎服。方中純是補腎平肝之聖藥。飲至數日。其聲漸息。服至一月全愈。

五 治腎虛耳聾法

烏雄雞一隻。洗淨。以無灰酒四斤。煮熟。乘熱食三五隻。極效。（又方）真磁石一塊。如豆大。穿山甲燒研二分。用棉包裹塞耳。口含生

鐵一塊。覺耳內有風雨之聲。須臾自通。(又方)鹿腎一對。去脂膜。切以豉汁入粳米二合。煮粥食。亦可作羹。

六 治耳鳴法

生地。黃截塞耳中。日易數次。或煨熟尤妙。(又方)用生地黃灰火煨。綿裹塞耳。數易之。以瘥爲度。

七 治青年耳聾法

青年耳聾。此亦腎氣不足也。第一日清晨服胡桃一枚。每日遞加。至第七日七枚爲度。至是逐日減一枚。

至第七日減至一枝爲度。先後十四日。依方循行。

八 法少壯病後耳聾法

南棗半斤。桂圓四兩。葱半斤。此味後下煮服。三五次自通。忌鹽數日。

九 治耳痛法

耳忽作痛。將經霜青箬。露在外。將朽者燒存性。爲末。敷入耳中。其痛卽止。(又方)菖蒲附子各一錢。爲末。和烏麻油煉。滴之立止。(又方)用北細辛次末。以醋爲丸。

塞耳。有奇效。(又方)鹽五斤。蒸熱。以耳枕之。次復更換。痛能漸止。
。(又方)木香末以葱黃染鵝脂。蘸末。深納入耳中。(又方)水楊酸二分半。乳糖二分半。分兩包。朝夕兩回。

一〇 治腎虛耳聾嚮若流水

法

真川椒用巴豆菖蒲同研細。以松香黃蠟爲丸塞耳。一日一換。初起者數日即通。神效。(又方)黃柏用人乳泡透。炒枯研細末。以黃酒打麵糊

丸梧子大。每服七八十九。開水下。

一一 治耳痔耳聾耳挺法

耳痔形如櫻桃。或如羊奶。耳聾形如初生菌子。頭大蒂小。耳挺形如棗核。細條而長。齧出耳外。俱由肝經怒火。腎經相火。胃經積火。凝結而成。微腫悶痛。色紅皮破。觸之痛引頭頂。用礪砂一錢。輕粉。雄黃各三錢。冰片五厘。研細末。水調濃。用谷草細梗咬毛蘸點患處。並用梔子。川芎。熟石膏。當歸。牛蒡子。柴胡。酒芍。甘草。丹皮各二錢。黃芩

。黃連各五分。水煎。食後服。自
愈。

一一一 治耳定法

耳内生粒。如棉花子大小。其痛
難熬。以人指甲。瓦煨存性。研細。
入冰片少許。吹入耳中。痛自止。

一一三 治耳內出膿法

法用胭脂。枯礬。釘鏽粉。右各等分
爲末。吹之立效。（又方）羊屎彈燒
灰一錢。枯礬。輕粉各五分。右爲末
。用棉花捲盡耳內膿。將葦管吹入立
效。

一四 治蚘蜒入耳法

生半夏末。麻油調塗耳門。蟲聞
香卽出。（又方）香油和雞冠血。滴
入卽出。或用水調綠礬灌入。蟲卽出
。（又方）白洋糟。（又名白沙糖。
）熟水調濃汁滴耳內。蚘蜒化爲水。
（又方）羊乳滴入。（亦化爲水卽愈
。）（又方）蚯蚓爲末。入葱內化水
。點入。則蚘蜒亦化爲水。奇效。

一五 治聾耳法

耳内生小瘰。或溼或乾者。名曰
聾耳用桃仁熟杵。以舊紅絹裹塞之日

易三次以瘥爲度。(又方)乾結不出者用白頸蚯蚓入葱管內化爲水。滴耳令滿數次卽易挑出。(又方)流出膿水不絕。用輕粉一錢。麝香一分爲末。摻之自愈。(又方)諸耳有蟲用鯉魚腦和桂末搗勻綿裏塞之。

一六 治耳內溼爛法

耳內溼爛。用白鯨或江魚腦骨。

(卽石首魚之首石。)燒灰存性。入冰片少許。吹入卽愈。(又方)海螵蛸炙末。加麝香少許。研細吹入。(又方)明礬龍骨各一錢。煨研末吹

入卽愈。(又方)青魚胆和冰片滴之。卽愈。(又方)蛇退燒灰。少許吹入極效。耳內如有蟲奔走。或流血水。或乾痛難忍。用之俱效。(又方)桑螵蛸一個燒存性。麝香一分。研末。摻入神效。有膿先絞淨。

一七 治諸虫入耳法

不可驚動。用手緊閉耳鼻。閉口不言。蟲入之耳不閉。少頃自出。或用好醋麻油韭汁葱汁姜汁。此數種隨便而灌耳中。其蟲自出。(又方)白雞冠血滴耳中。自出。(又方)川椒

末。浸醋良久。取汁灌耳中。行二十四步。虫自出。

一八 治耳後月蝕法

燒蚯蚓泥。豬脂和敷。(又方)旋覆花燒研。羊脂和塗之。(又方)五倍子末。冷水調塗。濕則乾摻之。

一九 治耳後銳毒法

患發耳後。又名耳後瘡。宜別陽實陰虛。治無一錯。患色白者。以陽和丸。與二陳湯同煎服。或以小金丹服消。色如紅者。醒消丸服消。諸書

不拘紅白。概以元參牛蒡等藥治之。卽紅色者。治之尚恐不消。倘色白者。更遭其害矣。南濠葉姓。耳下並患惡核。一被醫穿生管。一大如杯。以陽和小金輪服。未潰者全消。

二〇 治底耳法

耳內溼癢者。名曰底耳。用桑螵蛸一個。燒存性。麝香二分半同研。每川以分許摻入。有膿先捲淨。神效。(又方)黃箬燒過。綿裹塞之。或以筆管吹之。

二一 治凍耳成瘡法

生薑自然汁。熬膏塗耳上。神效

。(又方)白薇。黃蘗等分爲末。生油調搽。(又方)用柏葉三兩。微炙爲末。杏仁四十九粒。湯浸去皮。研成膏。亂髮兩雞子大。食鹽。乳香各半兩。細研。黃蠟一兩五錢。清油一斤。先煎油令沸。卽下亂髮。以消盡爲度。次下諸藥。煎令焦黃。濾去滓。更以綿重濾過。再以慢火煎之。後下乳香黃蠟等。攪令稀稠得所。磁器收盛。每用鵝矜。旋取塗之。(又方)橄欖燒灰。清油調敷。

二二二 治鼻内生虫法

法用金剛藤上疙瘩數箇。雞蛋一枚。煮熟將蛋去殼。再煮良久。先將藥罐向鼻薰之。再用蛋向鼻滾搽。其蟲自出。以盡爲度。極效。(又方)雞蛋一箇。(炒)猪肝四錢。(炒)豆豉七粒。搗融。新瓦焙乾。雞蛋白和勻作餅。放鼻孔邊。引蟲出盡。卽愈。忌婦人雞犬見。(又方)韭菜子燒煙向鼻薰之。引蟲出淨自愈。(又方)明雄研末。向鼻中時時嗅之。極效。

二二二 治鼻流臭水法

此症從腦頂一股酸氣。由鼻孔而下。臭不可聞。用真松花粉。時時嗅入鼻中。有人患此數年。百藥不效。以此方治之。半月斷根。(又方)乾葫蘆。(瓦上煨枯研末)時時嗅入鼻內。並用藥酒飲。或調粥服。神效。(又方)絲瓜藤。(又名水瓜又名線瓜)取近根下者一尺。(瓦上焙枯研末)嗅之。並沖酒服。極效。(又方)老刀豆。(焙枯研末)酒調服。三錢重者。三服即愈。

二二四 治鼻孔爛穿法

此名鼻疔用鹿角。(剉碎焙)枯礬各一兩。頭髮五錢。(燈心燒灰)共研為末。先用花椒水洗淨敷藥。或用牛牙散。白油膏更為神妙。(又方)杏仁。(去皮尖研細末)用紙壓去油。以成白粉為度。每杏仁粉二分。對真輕粉一錢。和勻吹入。(又方)五倍子燒灰存性。研末。以黃蠟與豬油和勻敷之。

二二五 治鼻衄法

麥冬五錢。生地五錢。水煎服立

止。(又方)萊豆粉一兩。細茶二錢。右爲末。涼水調服。(又方)梔子炒黑。百草霜。龍骨大煨。京墨。牡蠣大煨。血餘煨存性。右爲末。用茅花水蘸濕蘸藥。入鼻孔。如無茅花。將紙撚水蘸藥。入鼻孔卽止。(又方)大蒜頭一個搗爛。左鼻衄。將蒜塗左足心。右鼻衄。塗右足心。立止。一方左塗右。右塗左。(又方)用象牙屑吹入鼻中卽愈。(又方)胎髮燒灰。烏梅一個煨。共研吹鼻中立止。

二六 治鼻寒法

蓖麻子仁三百粒。大棗去皮一枚。搗勻。棉裹塞之。一日一易。三十日可聞香臭。(又方)通草。細辛。附子共爲末。蜜調。絲裹納鼻中。卽通。

二七 治鼻流黃涕法

鼻流黃涕者。名曰鼻淵。爲腦漏之見端。用黃實根及莖。煎濃汁盛茶壺內。以鼻接壺嘴薰之。覺熱悶難開。隨有濁物流出。卽愈。

二八 治鼻痔法

霜梅一個。葶麻仁七粒。生礬少許。右三味同打。將絲綿包裹塞鼻內。一日夜即愈。(又方)甜瓜蒂四錢。甘遂一錢。枯礬。螺壳灰。草烏灰各五分。爲末。麻油調作丸。如鼻孔大。每日以藥塞入一次。其痔化爲水。肉皆爛下。即愈。(又方)輕粉二錢。杏仁七粒。去油。白礬五錢。共爲細末。吹入鼻中。即化爲水。神效。

二九 治鼻流清涕法

鼻流清涕。用生花生四五斤。入

鍋內令本人親手炒之。數次即愈。(又方)用紙煤烟薰之。取嚏自愈。(又方)蒺藜苗一握。黃連二兩。水煮一碗。灌鼻中。少許。取嚏。不通。再試。(又方)華芨末吹之。有效。

三〇 治鼻瘻法

七月七日。收甜瓜蒂。陰乾。臨用一分。研末。再同白礬少許。綿裹塞鼻。(又方)瓜蒂五分。研末。麝香少許。含水口中。嗅味自落。(鼻中生毛晝夜可長一二尺漸溫如繩痛不

可忍。此食猪牛羊血過多所致。用礪砂乳香等分爲丸。服十粒。毛自落。〔又方〕猪毛焙存性。研末。吹入鼻中。卽愈。如食牛羊血過多者。或加牛羊毛。亦可。

三二 治鼻落法

並治耳落用人髮。入瓦罐。以鹽泥封固。煨過。爲末。急以所傷耳鼻。蘸藥安於舊處。再用老姜嚼融。四圍厚敷。用綢捆定自安。

三三 治赤鼻法

硫黃（入布袋內。用豆腐水煮三

次淨重二錢。）輕粉。蜜陀僧。白芷各一錢。白礬五分。共爲細末。以津唾搽之。晚則搽。日則洗去。

三三 治鼻梁室瘳法

此肺熱也。用知母。川貝母。水梨肉各二錢。水熬膏服。〔又方〕乾荷葉邊。連翹心。白芷。滑石各二錢。蔓荊子。苦丁茶各二錢。水煎服。數劑卽愈。

三四 治喉症法

凡患喉症者。無論近時遠年。腫痛腐爛均可用萬年青（花草店有售。

價頗廉。四季常青。一之根。搗爛漚汁。一（根少水分。故搗時宜多。）飲之。奇效立見。一（每次約以半酒盅為度。多則不過二三次即愈。）確有試無不驗之者。

三五 治喉瘋法

人指甲。白蟻窠。各等分。以藥每錢加麝香一分吹之。並治雙單鵝。（又方）如在船中陸路之際。遇此症者。身邊無藥。可將病人頭髮解開。看之。如有血泡。即是此症。用細料磁器打碎。將尖頭擦破。擠之血淨。

喉內即愈。有銀針銅刀更妙。切忌鉄器。

三六 以燕窩治喉法

如患喉症至滴水不進者。法用燕子窠泥二個。將清水十斤溶之。（須用棒搗之極碎）待其澄清。即用此水嗽口。（但萬不可嚥下）連嗽至二十口後。腫者自破而血出。再嗽至十餘口。血盡而根除矣。

三七 治喉痺喉癰法

法以鮮土牛膝四兩。（即名天精根。此草方梗對葉。紅芽白根。產於

荒郊野地。搗爛絞汁。用大半茶杯。一口飲下。逾半小時。得吐痰涎半盂。卽覺輕鬆。再以土牛膝二兩。搗爛煎湯。俟涼。時時嗽口。壅腫自消。應若桴鼓。且亦簡便。可以救急。孕婦忌之。

三八

治喉間痛爛不收口法

此名爛喉痧。用土茯苓煎湯。時時服之。忌茶數日卽愈。(又方)服櫻桃數十粒卽愈。如無新鮮者。卽蜜餞者亦可。(又方)用紅棗散吹入。過夜卽安。或用人中白散治之極效。

三九

喉症預防法

喉症皆因寒天寒氣鬱結。至春始發。須於初冬時。將蘿蔔菜攤在瓦上。任他日曬風吹。而霜雪打。不要收下。直到立春前一日收下。掛在無日光處陰乾。然後收起。切碎蒸熟食之。永無喉症之患。若患此症。將此菜煮湯服之。亦效。

四〇

治喉蛾腫痛法

喉蛾腫痛。吐咽不下。須於十二月初八日。取雄豬膽一個。裝入白礬末。陰乾研末。待次年。仍於是日。

取雄豬膽一個。將上年豬膽末裝入同瓶。如遇此症。卽取膽末三分。吹喉立愈。惟虛大喉症。切忌此方。須慎之。

四一 治鎖喉風症法

其症先一二日。胸膈氣緊。呼吸短促。忽然咽喉腫痛。手足厥冷。氣閉不通。危在頃刻者。急用巴豆七粒。三生四熟。生者去殼研。熟者去殼炒。去油存性。明雄黃五分。鬱金一個。共研末。每用末半茶匙。清茶調下。如口噤咽塞。用小竹筒吹藥。喉

中須臾吐利卽愈。

四二 治纏喉風法

惡寒惡痛名陰毒。內外無形氣短促。胸前紅腫足多寒。若見紅絲針貴刺。藥宜發表。吹藥先用已藥。如見紅絲卽刺斷。再用子藥。

四三 治白喉風法

以獨頭老蒜瓣。搗泥如豌豆大。敷經渠穴。(近手腕寸脈有窩處卽是)男左女右。用瓦楞子或相類之物。蓋上紮住。閱五六時。起一水泡。用銀針挑破。搯去毒水。卽愈。

四四 治啞喉風法

啞瘴喉症犯咽隔。口不言兮牙關塞。面紫唇青冷涕流。風疎痰降卽無厄。其症牙關緊閉。先用已藥。後用申藥。前後抹之。風痰去淨爲態。煎藥先發表。後清熱。

四五 治喉鵝法

人已氣絕。心頭微熱者。藥入口。聽有聲。能下最無不效。三九冬天。取老猪婆糞。放在屋上。日曬夜露七八日。取下在炭火上煨。至烟盡爲度。以水調如糊。徐徐灌之。

四六 治噎喉風法

此症謂之飛絲毒。口中發泡丑藥覆。燥極點痰熱在心。忽然噎食終非福。用針挑破血泡。後上丑藥。兼吹子藥。煎藥宜清熱祛痰。

四七 治脚根喉風法

此症從脚根發起。直至喉間。一年一發。或半年一發。其病一日行一穴。切忌熱物怒氣。初起宜用礞礮三分煨。真礞砂六分。元明粉五分。頂上梅花冰片一分。真麝香五厘。共研末。吹入少許。再用羌活。獨活。拈

梗。防風。黃芪。白芷。甘草。茯苓。
。陳皮。前胡。柴胡。白芍。元參。
牛蒡。煎服。如纏惡起泡者難治。

四八 治急鎖喉風法

其症先一二日。胸膈氣緊。呼吸
短促。忽然咽喉腫毒。手足厥冷。氣
閉不通。急用巴豆七粒。三粒生。四
粒熟。生者去殼研。熟者去殼炒。去
油存性。將明雄黃五分。鬱金一個。
共研末。每用末半茶匙。清葉調下。
如口噤咽塞。用小竹管吹藥喉中。須
臾吐利即愈。(又方)用生巴豆半粒

。川貝母一粒去心。共研爛。燈心湯
灌下即愈。

四九 治喉風法

木鼈一枚。用碗片刮去皮毛。取
仁切薄片。浸冷水內三時許。攪開病
人口。連水滴下。潤至喉間。立時見
效。(又方)人指甲。白蟻窠各等分
。以藥每錢。加麝香一分吹之。並治
雙單蛾。

五〇 治內纏喉風法

此症發時。惡寒惡熱。內外無形
。出氣短促。胸紅腫。兩足畏寒。仍

腎經有熱。水枯不能上潤故也。照前外纏風治法自愈。心前如有細絲。用針挑破爲要。喉關如雷響者。難治。

五一 治喉爛法

蘆葦菜。於初冬時攤於屋瓦上任其風吹日曬。雨洗霜凌。至立春前一日收下。懸挂簷下有風無日處。愈久愈佳。煎濃湯服。亦效。

五二 治咽喉急症法

凡遇咽喉急症用蚬蛭數十條。放入小口磁瓶內將梅花冰片五錢。傾於

上面。將瓶用黃蠟封固。弗令洩氣稍久化爲水。如用時。將此水滴入喉間。立刻見功。對於喉蛾。尤有神效。

五三 治喉痧法

又名爛痧喉。喉間作痛。爛不收口。服櫻桃數十粒。卽愈。如無新鮮者。服密餞者亦可。(又方)象牙屑。廉珠各三分。飛青黛六分。梅花冰片三釐。壁錢二十個。犀黃。人指甲各五釐。共研極細粉。吹患處。雖瀕死者可救。

五四 治肺熱喉痛法

甘草炒二兩。桔梗米泔水浸一夜一兩。每服五錢。水一杯半。入阿膠半斤。煎服。

五五 治老癆喉痛法

生雞蛋一個。去黃用白。糯稻根鬚五錢。洗淨。甜白沙參。石斛各一錢一分。麥冬三錢。炒生甘草三分。水煎服。效驗如神。

五六 治喉癬法

體虛多鬱者患之。喉生苔癬。色暗不紅。不閉不腫。氣出如常。微微

疼癢。有礙飲食者卽是。此係虛火淹纏難愈。忌刺畏補。用頭胎黃牛屎放新瓦上。並用瓦蓋。周圍文武火煨至烟盡存性。連瓦取下。用鉢蓋住。候冷研末。用筆管徐徐吹之自愈。

五七 治飛絲入喉生瘡法

凡喉中日久不愈。恐是露天飲食。有飛絲落下。食之以致咽喉生瘡。急用白礬。巴豆。燒炭吹入卽愈。或用後巴豆油薰鼻之法亦妙。

五八 治喉痛法

咽喉腫痛紅腐。真青黛一錢。龍

腦薄荷末五分。人中白一錢。粉口兒茶一錢。元明粉五分。馬屁勃五分。梅花冰片二分。研細摻之。病甚者。加犀黃三分。珍珠五分。效尤捷。

五九 治喉閉法

鵝血。山豆根煎湯服之。良效。如腫痛者。用巴豆一粒。不拘何物。巴塞鼻中。男左女右。(又方)以鴨嘴鰐磨研細。以醞醋調灌。藥下喉後。卽吐涎膠痰。其後方瘥。

六〇 治風火喉癰法

此症屢愈屢發。並無夜熱咳嗽吐

血等症。惟止喉痛紅赤。或似蝦蟆皮色。圈結喉中。用秋蝴蝶花根。(二兩。卽射干也。此花梗葉。與春蝴蝶花一樣。但春間開者花。是藕合色以秋間開黃花者。爲真不可誤取。)洗淨搗爛。甜酒煎汁啣口中。洗二五次。吐出再換再漱。可以除根。

六一 治喉中生珠法

丹溪云此非喉症。乃是鼻中生一條紅線如髮。懸一黑泡。大如櫻珠。垂挂到喉門而止。如用刀針卽死。急取活土牛膝根。獨條肥大者。(向生

草藥店中買之。搗汁。以好醋四五滴和勻。滴入鼻中二三次。線斷珠破。吐出瘀血立安。或用針刺手腕中紫筋。或刺少商穴。去其惡血。更爲神妙。

六二 治咽喉腫痛法

月石一錢。大生地二兩。搗爛和藥爲丸。桂圓核大。入口任其自化。薄荷。甘草各三分。小梅片西瓜霜各一分。吹之。

六三 治陰虛聲啞法

人之失音。由於色慾過度。元氣

耗喪。雖參茸無能爲力。惟有未破身十六七童男女。五更起早。未食物之前。不必漱口。爛嚼海南子檳榔一二個。與病者服之。換十人。嚼至十次。其病自愈。男病用童女嚼。女病用童男嚼。

六四 治諸骨骯喉法

白鳳仙子。研水一大杯。以竹筒灌入咽喉。其骨卽軟。但不可經牙。恐牙受傷。故用竹筒灌之。神效無匹。

六五 治楊梅喉癰法

（楊梅喉癬）楊梅結毒癬由生。
片白喉中穢氣聞。白色變黃纔可治。
酉隨子丑共追尋。和勻子丑二藥吹入。
。後用酉藥收功。煎藥宜解毒。

六六 治青金錠法

元胡索三錢。或一枚。或二枚。
牙皂十四條。去皮弦。研末。加青黛
六分。麝香五厘。用水丸。重五分。
遇症用新汲井水磨化。以棉紙條蘸藥
入鼻孔內。如病沉重者。研末吹之。
風及小兒驚風皆可用。

第七編 眼目部

雙眼也。雙目失明，其痛苦比殘廢更甚。蓋人生之幸福與享受，泰半來自

眼目之患病，豈可忽略，世人每以爲眼病變動遲緩，醫治不必急速。其實「肉腐可療，眼潰無醫」，其重要可知。

國醫治眼，並無刀割之方，但其所用藥物，功效殊不減於刀割。今本編所列二十七方，文字雖短，其靈驗與價值，則經千百名醫之證驗，知之行之者，足可稱值連城。

一 治偷針眼法

眼皮緣上生紅色小瘰粒。痛癢兼施。且妨視線。患者深以爲苦。法用白綿線。纏手之無名指盡處。（即附連掌骨處）男左女右。周繞七圈。作

結牢之。兩三日即消而愈。法簡易而效如神。

二 治鷄眼法

足指上之壘肉。俗呼爲鷄眼。以軟竹布塗松節油。（西藥名）貼患

處。日換二次。數日卽落。又法以葶
齊一枚搗爛。和蕎麥麵少許貼患處。
越一晝夜便落。二法極奇驗。

三 治點眼法

粉甘草六分。頂上梅花冰片四分。
共研細末。凡傷寒病起。一日至六
日。用此藥點眼內角。男左女右。點
之出汗而愈。如過七日。不論男女兩
眼並點神效。

四 治飛塵入目法

切不可用手指亂擦。恐烏睛被擦
傷而生翳。宜閉目靜坐。撮起上臉。

待淚流出。則塵埃隨淚而去。如不去
。可令旁人翻轉胞細臉看之。見塵埃
。卽用新棉花纏火柴桿拭去之。尖硬
塵埃。往往嵌入烏睛表面。尤宜注意
除去之。

五 治蛛絲入目法

蛛絲入目。其痛難忍。茲有一法
。用明礬末和入滾水。貯於盆內。將
首俯於盆上。頭上罩以布。以水內之
氣薰之。其絲卽落於水內。

六 治風眼下淚法

用臘月不落桑葉煎湯。日日盪洗

之。或加芒硝少許。(又方)木耳一兩。燒存性。木賊一兩。爲末每服二錢。以清米泔水煎服。

七 治紅眼法

明礬一小塊。入水洗之。使光滑無稜。濕口涎少許。日於眼角上輕輕磨擦數次。有效。(又方)瓦松搗爛。用紙攤放眼炮皮上。乾則換貼。自愈。

八 治肝熱目痛法

龍胆草一味。用瓦器熬成膏。點入眼內。瞽目俱能點去雲翳。不可以

平淡而忽之也。(又方)夏枯草二兩炒。香附二兩。(醋炒)生甘草四錢炒。共爲末。每服錢半。清茶調下。數日即愈。屢試如神。夜間痛甚者更效。

九 治火眼痛法

用小兒糞中蛔蟲一條。用水洗淨。挂陰處。下用磁盆。盛其滴下之水。入冰片五釐。再加人乳一茶匙。用熱水隔湯燉溫。以雞毛蘸眼上立愈。

一〇 治眼淚流濃法

法用龍胆。當歸。各一錢。爲末。溫酒下。(又方)將目閉住。用熱火薰敷。一日數次。數日即愈。

一一 治睡起目赤法

生地黄汁浸糯米半升。曬乾。三浸三曬。以米煮粥。日食一盞。數日即愈。

一二 治赤目失明法

玄精石火煨。石決明各一兩。薤仁。黃連各二兩。羊肝七個。用竹刀切晒爲末。粟米飯丸梧子大。臥時茶服二十九。一月見效。

一三 治目鷄視法

豬肝一具。細切。去皮膜。葱白一握。用豉汁作羹。待熟。下雞子三個食之。

一四 治目昏多淚法

生地。熟地。川椒。(去子閉口者不用。)各等分爲末。蜜丸梧子大。每服五十丸。鹽米湯空心下。兩月後。目如童子。

一五 治虛眼法

凡虛人目無病。到點燈時候。即不見物。或羞明。只用羊肝煮食。便

效。不必服他藥。

一六 治眼目昏花法

眼目昏花。用馬料豆一升。(即黑豆。)枸杞子四兩。同煮。曬乾爲丸。每晨。空腹服三錢。鹽湯送下。

一七 治遠年目障法

鵝兒不食草。川芎。青黛各等分。爲末。擤鼻取嚏。(又方)人指甲炮一分。穿山甲。蟬蛻各五厘。蛇蛻分半。哺退雞蛋殼白皮二分。人乳炒研。每用三厘。含水吹不患一邊鼻。

一八 治遠年攀睛翳膜法

名五退散。人退。(即指甲乳汁

炒爲末。)山甲炒。蟬退。(洗淨。

龍退。(即蛇壳炒。)鳳退。(即

雞子壳。內白膜炒。)右爲極細末。

每用三厘。令患者含水一口。患在左

眼。吹入右鼻。患在右眼。吹入左鼻

。再以錫作眼樣。合患眼上。如此三

吹。則翳膜或血絲俱落。

一九 治羞明怕日法

用石決明。甘菊花。甘草各一錢

。水煎。冷服。

二〇 治產後血產障日法

熟地三兩。山茨肉八分。淮山藥

八分。茯苓八分。丹皮八分。澤瀉六

分。知母六分。黃柏六分。蔓荊一兩

。覆花三錢。清水碗半。煎八分。

二二 治黑子遮眼法

黑子遮目。用雞蛋二枚。煮熟去

殼。同桑寄生四五錢。清水三碗。煎

至一碗。加冰糖適可。連食數次。功

效甚速。煨牙色梅花冰片。製乳香。

薄荷末各二分。共爲極細末。研至無

聲。放舌上無渣。方可用。用清水以

骨簪蘸藥少許點眼。治風火腫爛。一

切神效。

二二 治膜眼法

上蘇綠硃六分。上丹頭五分。上

川平砂二厘。老邊珀八厘。大梅片六

分。後下。共研細末。水飛過。以鴨

毛搽之。其膜自消且無形。

二三 治目疾紅痛日久法

蕤仁（選白淨者。去壳研細。去淨油

。不淨不效。）調白蜜。用骨簪點眼

角內。卽能退紅止痛。效驗之致。

二四 治赤眼痛法

赤眼痛。用生大黃三錢。煎濃汁

服之。可愈。如大便閉結。或三四日未下者。可加倍服之。其效如神。

二五 治目忽不見法

目忽不見。令人嚼母薑。用舌日舐六七次。以明爲度。(又方)黃土攪水。中澄清洗之。卽明。

二六 治明目去翳法

錦文大黃一兩。北細辛一兩。將二味用上高泉水一百二十兩。將藥入砂鍋煎至二十兩。以細絹濾去渣。用大銀碗一個。盛藥。碗下以磚三塊放定碗底下。將燈盞注麻油。用燈草七

根。燃燈薰碗底內。煎藥成膏。滴水成珠。每膏一兩。用野苧齋粉五錢。少些亦不妨。冰片三分。和勻作錠。如多年的厚翳。每兩加水飛過蟬蛻末五分。須要去頭足。揉碎。去泥沙。水洗。曬乾爲末。水飛三次用。又治飛絲入目。每兩加銀硃五分。研細末。水飛曬乾用。如風寒等翳。每兩加青黛五分。研細。水飛曬乾用。以上諸症。隨症加藥。入膏調勻貼之。最良。用頭生小兒乳蘸點。取苧齋粉法。如取萊豆粒藕粒同法。須水澄極

細。曬乾。再研。極細。須忌鐵器。

二七 治目生障翳法

目生障翳。臘月取鷄羊肝十餘枚。以白密裝滿紙套籠。掛簷下。待霜出。掃下點之。自愈。

第八編 雜治部

本篇共列一百五十方，內中包括一切輕重雜病，文字之長，足爲本書之冠。

前數篇早已言之，國醫治病，用藥多不可思議，然愈不可思議者，其效驗亦特異。本篇中之各方，例如第四方，第五方，第三十九方……等，其所用藥物，誠出一般人之理想以外，惟此種藥方，均非憑空憶造者，實經無限醫士之證驗，其理雖難索，但其效則有藥到病除之功。

一 治霍亂立愈法

治法。以炒鹽填臍內。用艾置鹽上燒之。痛止病醒爲度。已死而心頭微溫者。亦能治。有神效。又有一法。卽以樟木煎濃汁。飲之。亦能止吐

瀉而愈。又法。專治疫毒霍亂。用骨炭五兩。木炭三兩。公子三錢。肉桂二錢。混合研細。愈細愈妙。每服五分。清開水送下。惟須於事前胸脘不快。或餽雜似飢。或如食生蒜狀時。

卽須服之。若病已成者。用白芷四錢。藿香五錢。厚朴三錢。檳榔五錢。青蒿五錢。管仲四錢。各藥。用開水泡湯一大鉢。頻頻吃之。使腹中飽滿。則嘔吐自易。隨吐隨服。隨服隨吐。將胃中所有毒質。悉數嘔出。則自無弔筋嘔惡矣。愈後更請醫生診治之。

二 治瘧疾立愈法

法用斑蝥七隻。雄黃一錢二分。麻黃一錢二分。硃砂五分。混合之。

研成細末。另用淡膏藥一個。將細末

收入膏藥。貼於脊骨節第三節上。(自上數下)惟須在發作前三四時貼之。二次必有奇效。

三 立止咯血法

治法用黑豆二合。紫蘇莖葉二片。烏梅二個。先用水煎。入薑汁三匙。食後服之。三五次卽能見效。(此名豆蘇湯)(又法)用人參。大蒲黃。小薊。地黃。當歸。烏梅。川芎。各等分。水煎服(此名心勝散)

四 治吐血法

豬肺一個。(男人用雌肺。女人

用雄肺。不可經水。先用童便三大碗。灌入肺內。懸空掛乾。以竹刀割去肺心。乃置銅鍋內。以炭火文煎。先加好陳酒二大碗。煎至將乾。用生梨汁青皮甘蔗汁入乳。各一大碗。以次一一加入再煎。待其酥爛。將肺管去之。再加藕汁一大碗。卽能成膏。預備湘蓮肉粉一斤。（去心去皮）乾淨竹籩一只。將肺頭倒入籩內。以蓮肉粉逐漸拌乾。（其法如假圓子然）乃製成極小之丸藥。曬乾。藏入石灰甕內。（切不可霉）每日晨起。

（未食他物之前）用開水服下。日服五分。多至一二錢。不可間斷。吃完爲止。永遠斷根。（注意）此方切忌鐵器。凡切梨斷甘蔗。均不可用鉄刀。按治吐血之法甚多。奏效頗難。此法手續稍繁。然見效甚速。卽患之已久。百藥難治。服之亦無不靈驗如神。

五 治牙痛法

治法。初夏時。砍取嫩竹。斷開之。節爲一段。將食鹽納入其中。杵實。置炭火上。薰焦。俟冷。取出研

末貯瓷器中。每晨用以漱口。若不間斷則終身可免齒痛。誠不可思議之奇方也。(又法)以知柏八味丸四錢。玄參二片。煨石膏分許。臨睡時。泡湯候溫送下。痛可立止。(又法)南瓜蒂浸食鹽內。取出風乾。患齒痛時。取一小塊嵌齒間。立可止痛。試無不驗。此亦祕傳奇方也。

六 治夢遺法

法以熟地六兩。雲苓二兩。真山藥四兩。丹皮二兩。蓮鬚一兩。龍骨三錢。(生研水飛淨)芡實二兩。山

黃肉四兩。魚鱈(蛤粉炒成珠)四兩。共研末。蜜爲丸。清晨晚間。淡鹹湯送下。服三四錢。一料卽見功效。

七 治胃脘隱痛法

此症宜用。整荷葉一箇。(燒灰存性)生香附米一兩。(研末)九香蟲九枚。(甘草水製研)胡索三錢。(酒炒研)用大棗去核皮薑一兩。煮搗入上藥爲丸。日服一錢。開水送下。

八 治肝胃氣痛法

患之者婦女爲多。當發時。血滯

氣阻。危殆異常。茲得祕方。用生雞
蛋殼。置瓦上焙焦研末。以鮮佛手片
泡茶。（若無佛手開水亦可）送下。
最多服二次。即可斷根。

九 治傷風法

此症。治之至易。臨睡時以熱水
洗腿足。再將葱頭湯一大碗乘熱服下
。身上多蓋衣被等物。汗出即愈。如
一次不愈。隔日再用此法。另服瀉藥
及金鷄納霜二三釐。必能治愈。

一〇 治咳嗽痰血法

法用真青黛。括萋仁。（去油）

海石。（炒黑）山梔。（炒黑）訶子
肉等。分蜜爲丸。噙化嗽甚。加杏仁
。奏効（又方）款冬花。百合（蒸焙
）等。分爲末蜜。丸龍眼大。每臥時
嚼一丸薑湯下。（又方）大柿餅一箇
。（去子）真青黛一錢。綿紮緊。飯
上蒸熟。臨睡時食薄荷湯送下極效。

一一 治周身痛法

一人遍身作痛。或云中風。或云
中溼。或云脚氣。百藥不效。後此係
氣血凝滯。用延胡。當歸。肉桂等分
爲末。溫酒調服四錢。而愈。或加天

麻亦可。

一一一 治哮喘法

麥芽糖入高粱酒內浸化。(一斤酒斤糖)冬至起每日隨量飲之。(不可間亦不可取醉)盡九乃止。痊後每年九丸飲之。匪特不發舊恙。且能益人。

一一二 治小便過多法

此脬氣不足。用益智仁。(鹽

炒)烏藥各等分。爲末。酒煮山藥爲丸。如梧子大。每服七十丸。空心淡鹽湯下。名縮泉丸。或用益智仁二十

四粒。鹽水炒煎服亦效。(又方)夜間尿多懶於起動者。臨睡服核桃(又名胡桃)數箇。甚效。

一一四 治病後浮腫法

法用老鴨加真川厚朴二錢。蒸食連食三隻即愈。神效。體虛者勿服。(又方)蝦蟆(又名田雞水雞)五隻。(或用七隻男單女雙)去皮並去頭與腸肺。(不去肝)先入碗內。蒸熟再入瓦罐內。加水半小碗。煮融加黃酒一杯。再煮。先食湯。後食蝦蟆。不用鹽醬。連食數次。必消。永成食

蝦蟆。有人病後。腿膝皆腫。至夜更甚服此。而愈。

一五 治通身浮腫法

取活癩蝦蟆一隻。以巴豆七粒。用紙包好。納入口中。用繩弔在有風無日之處。陰乾剖開。去紙將頭足分爲五起。(肝腸亦分爲五起配勻)收入磁瓶。勿使洩氣。臨用取出焙枯研末。酒沖服。從頭吃起。病從頭消。從兩前足吃起。病從兩手消。從兩後足吃起。病從兩足消。或不必分開。亦可輕者一二日消盡。重者五日全

消。終身忌食蝦蟆。此治浮腫祕傳第一神方也。珍之寶之。忌鹽醬一百二十日。(各種鼓腫亦可治)

一六 治夜睡遺尿法

夜間遺尿於牀。不論大人小兒。用白紙一張。鋪席下。俟遺尿於上。取紙曬乾燒灰酒服。即愈。不愈如法再服一次。無不神效。(又方)大甘草頭煎湯。夜夜飲之。自愈。或用補骨脂鹽水泡。一夜曬乾研末。臨睡服五分。開水送下。甚效。

一七 治血鼓法

法以雄豬肚一箇。(去臟)茜草一兩。雄雞屎四兩。(炒)紫背浮萍一兩。老絲瓜筋五錢。各藥共裝肚內。用麻線縫好。照前水鼓煎法煮好。去藥將肚切片。仍入原湯。再加馬蝗。(燒枯存性)乾漆三錢。(焙令烟盡)炒蝨蟲。(查藥物備要便知)真花蓋石。(研)真血竭。各三錢。紅花。降香各五錢。甘遂。(麪包裏煨)綿大戟。(麪包煨)芫花(醋炒)各二錢。照前文武火煮好。去藥。食肚與湯。分作二三次服。服後以大便。下黑水

數次。為驗。其鼓自消。嚴禁鹽醬一百二十天。滿日開鹽。亦照前方服之。此治血鼓第一神方。方內馬蝗。必不可少。俟病愈後照服馬蝗法解之。

一八 治胃熱吞酸法

方用北沙參一錢五分。元胡索一錢。(酒炒)川芎六分。生薑二錢。川棟子一錢。橘紅衣一錢。(鹽水炒)梔皮一錢五分。(炒)麥冬二錢。苦桔梗七分。知母一錢。粉甘草五分。水煎溫服。有痰加竹茹。法夏各一錢。

一九 治肺虛咳嗽法

法用黃蠟溶滌極淨。用酸漿水煮過。八兩。入銅器內化溶。作一百二十九丸。蛤粉四兩。爲衣養藥。每服一丸。核桃半箇。細嚼溫水下。靜臥閉口不語。日服二丸。漸漸平愈。忌食雞半年。造酸漿水。法用清水入飯少許。浸四五日。卽酸。用隔一二日米泔水。代之亦可。

二〇 治心胃虫疾作痛法

或滴水入口卽吐。或口渴飲水不止。或吐清水者。皆是用葱白汁一

杯。飲下。隨飲真小磨麻油一杯。少頃卽愈。蟲當化水除根。雖痛至牙閉欲死者亦效。（又方）真川椒。真烏梅。生薑煎湯服卽愈。（又方）病發時用艾葉十張。揉碎在銅器內炒乾。（不住手用篲撥動）將鹽滷。（要豆腐店內不曾加水者）半小酒盃傾入。候焙乾倒出研末。用熱燒酒一盃送下。俟腹內作響。或降氣。或吐出清水卽愈。此藥須現製現服。隔夜卽不效。服後戒茶與葷腥。三日愈後。每逢初一十六日。用淡鹽湯吃一服。永不

再發。其效如神。

一一一 治胃寒嘔吐黃水法

法用暖胃膏。生薑一斤。搗取自然汁碗許。入牛皮膠。乳香末。沒藥末各五錢。同煎膠化。離火將藥作三四大膏藥。以一張貼胃脘痛處。用綢綁相。三個時辰。然後取週歲小孩所穿之鞋一隻。銅鑼上烘極熱。在膏上輪流熨之。熨至膏硬。換膏再貼再綁。三時再熨。至愈為止。止後用紫油厚朴三斤。（用老薑二斤切片同煮一時去薑不用）乾薑四兩。（用甘草二

兩同煮一時去甘草一用）將二味炒乾為細末。黑棗煮湯。（去皮核）為丸。每服二錢。開水送下。久服斷根。此方名暖胃丸。功能溫中降氣。暖胃消痰。大有奇效。

一一一 治心胃氣痛法

法用真沉香。木香。公子香。乳香。沒藥。靈脂。前胡。（以上各一錢）真麝香一分。共研為末。收入磁瓶。以蠟封口。不可洩氣。每服七分開水下。此方專治男女心胃。各種氣痛。有氣痛滴水入口。即吐者。有痛

極難忍。抓破衣物者。服之即愈。神效。

二二三 治膈食初愈法

凡膈食初愈。飲食不可驟進。須先以米湯飲二日。再以清稀粥服一二日。再以濃粥服一二日。每次只可一小碗。俟七日方可食乾飯。每日不過一小碗。日漸增加。切不可食飽。緣胃氣初復。驟然飽食。反致傷胃。則不可救矣。即病人要食生氣。亦須聽之愈後。忌鹽醬五十日。仍請名醫調理。

二二四 治寒症腹痛法

法用炒鹽熨之。或炒姜葱熨之。或用熱灰熨之。或用滾水一壺隔布熨之。均止痛妙法也。（又方）或飲胡椒湯加糖沖入。不可加鹽。或飲姜湯均妙。（又方）龍眼。連壳燒存性研末。兌酒服。屢試屢驗。（又方）白芍三錢。甘草。肉桂各一錢。水煎服。有效。

二二五 治血症法

衄血救急以馬蘭頭葉塞鼻為最靈。吐血急救。食烏鰂墨囊少許即止。

然無論何種血症。常取蘆粟。儘量食。病卽痊愈於無形。

二六 治各種痛症法

鷄蛋煮熟。用冷水激透。再入開水中窩熱。去壳。徧滾患處。冷則易之。如蛋白不破。仍可窩熱。再用。治偏正頭風。肝胃氣。喉痛。牙痛。各症。立能止痛。若內外痔。若小陽氣及外症初起時。如法連次治之。均有奇效。屢經試驗。幸勿輕視。鷄蛋滾過後。蛋黃堅硬。徧佈細粒。或尖或圓。隨症而異。將蛋白輕輕搗開。

驗之顯然。甚或蛋白上現有青紫筋紋。確有明證。

二七 治肝胃氣痛法

患之者婦女爲多。當發時血滯氣阻。危殆異常。茲得祕方。於痛時用雞蛋糕。（多少不拘可酌量用之）置瓦上焙焦。研末。以鮮佛手泡茶。（若無佛手開水亦可）送下。味既香甜適口。而服後痛可立止。若再於痛止後。連服一次。且能斷根。

二八 治紅痧症法

紅痧症初起時。身熱咳嗽。胸悶

難過。至第三日舌苔絳赤。口渴煩飲。四肢筋骨疼痛。面色虛浮。脈息狂大。咽喉紅腫。溲便短赤。大解不通。紅點隱現於皮膚間。恐邪入心胞。勢致昏閉。則不可救。忌用表劑。

二九 治胸滿腹脹法

此脾土衰弱。肝木氣旺。木來尅土故也。甚至身面黃腫。亦有不黃腫者。用蒼朮二觔。(淘米水泡一日兩夜燒存性)甜酒麴四兩。(燒存性)皂礬一觔。(醋泡曬乾入瓶內蝦存性)加平胃散共爲末。醋爲丸。如梧子

大。每服三四十九酒下。(米湯亦可)一日服兩次。神效。

三〇 治胸前生孔法

有人胸生一孔。如咳嗽則此孔相應。隨有膿血而出。此肺痿也。用黨參。生黃耆。當歸。金銀花各三錢。生甘草。連翹各錢半。官桂一錢。煎服數次。自愈。

三一 治肝厥法

肝厥時發。每遇暴怒之下。卽昏暈過去。治以蘿蔔汁一小盃。送下。卽清醒。再食以稀粥。惟發時痰塞咽

喉。命人扶住。切忌臥下。否則痰一上壅。卽有性命之慮。

三三一 治時症治

方用萊豆四兩。煮湯。俟豆化開爲度。微溫卽服。日二三次。每次以四兩爲度。屢試屢驗。

三三二 治風濕法

法用葦葢草半斤。(藥肆有賣)地梧桐半斤。葉梗俱可。(俗名臭梧桐。荒野之所最多。形似家梧桐而葉上有毛。)煎湯薰洗患處。並每日飲二三碗。立見痊可。敝處鮑煙司。以

此方治愈者夥矣。

三四 治頭頸直硬不能轉側

法

此肝腎二臟受風故也。用宣木瓜二箇。(取蓋去觚)沒藥二兩。乳香二錢五分。同入木瓜內。加蓋縛定。飯上蒸三四次研爛成膏。每用叁錢。入生地黃汁半盞。好熱酒二盞。化開溫服。(又方)黑豆一升。蒸融布包作枕。自愈。

三五 治哮喘法

夏季交伏後。取白鳳仙花全棵。

以冷開水洗淨泥污。連根帶葉搗爛。絞汁計準分量。加原高粱等分和勻。 (如汁重一兩。高粱亦用一兩)。向日曝之。候溫。以手蘸汁。輕拍膏肓穴。 (在背脊第三骨節上) 隨蘸隨拍。初覺微。旋熱旋辣。繼而微痛乃止。用巾揩乾。勿使受風。連行數日。至汁盡爲度。輕者即愈。重者連治三年。必能斷根。

三六 治盜汗法

五倍子。 (研末) 用人乳調蒸熟。丸如龍眼大。每用一丸。貼臍上。

外以核桃壳蓋之。用布捆定。一週時取下再換。貼至十日後即止。 (又方) 雞蛋五箇。將壳輕輕敲破。勿破內之白皮。浸童便內一晝夜。水冷。用漸漸細火煮熟。食之數日。即愈。

三七 治肺痿咳嗽法

法用。大瓜萋一箇。開一孔。內有子多少粒。用杏仁 (去皮尖) 照數配入。封好。外用黃泥包裹。燒紅。燒至無烟取用物蓋住。候冷去泥。又用川貝母 (照瓜萋子粒數配入) 共研

細末。臨臥時。每用二錢白蜜調勻。燈心煎水送下。

三八 治牙痛腿痛法

此症用清水膏。治之神效無比。

或用磁鋒刺破出血。此牛肉片貼之。

日換數次。甚驗。

三九 治耳後銳毒法

此症耳後。又名耳後瘡。法用南星。(燒灰存性)爲末。用醋調敷患處。三次即愈。神効。

四〇 治虫牙作痛法

明雄末二兩。真小磨麻油四兩。

調勻含口漱。片時吐出。再漱數次。

即愈。(又方)雄黃末和棗肉爲丸。

塞牙縫。日換數次極驗。(又方)五

倍子煎濃汁。含漱數次。其蟲立死。

其患永除。

四一 治腹脹面黃法

有人腹脹面黃。百藥不效。此係石蛻。極難醫治。取死人棺中枕。煮水與服。吐出蛻蟲。堅如石者。數升而愈。

四二 治口唇緊小法

此名繭唇。又名翻唇。初起口緊

不能飲食。若不急治難救。用新白布作捲如酒杯。火燒燃放刀口上。俟刀口汁出。取汁搽之。日搽十餘次。並此青布燒灰。沖酒服極效。(又方)五椀子。蜜陀僧。各二錢。甘草二分。共為末。另用黃柏二錢。將各藥水調敷。黃柏在火上烘乾。再敷再烘。藥盡為度。然後將黃柏冷透。作薄片貼上。連換數次。過夜即愈。(又方)五椀子。訶子肉等分。為末。香油調敷神效。

四三 治風火牙痛法

生地搗爛。加潮腦少許。(不可過外)捶勻貼患處。吐出涎水神效。(又方)陳鹽梅子含口內。吐出涎水數次。即愈。(又方)五椀子末冷水調敷腮頰。甚效。(又方)木患子。(又名洗手葉)三四箇。去核用生鹽塞滿。加雄黃少許。燒成炭研末。冷透火氣。如頂上牙。色梅花。冰片和勻。擦牙。吐出涎水。擦至吐盡自愈。極效。

四四 治舌脹滿口法

此症用皂礬不拘多少。放新瓦上

火煨紅色。攤冷研細。以磁調羹撥開牙關。或用鹽梅擦之。或用半夏擦之。自開將藥搽舌上。立效如神。再用鍋底烟四錢。(以燒草者為佳燒煤炭者忌用)冲酒送服。若舌腫而喉內有痰者。即是喉風。須查咽喉各方治之。(又方)醋調鍋底烟子。敷舌上下最效。多敷更妙。(又方)雄雞冠血擦舌上。嚥下即愈。

四五 治鼻血不止法

用燈火。(以燈心一莖點清油燒之)在少商穴燒一下立止。穴在兩手

大指內外。甲縫之中。不上不下。即是。左流燒左手。右流燒右手。雙流雙燒。有人鼻血三日不止。口內亦流。百藥不效。勢甚危急。用此立止。止後半刻。復流仍在原處。燒之而止。如原處起泡。將泡刺破燒之止後。照後艾柏飲服之方。免復發。

四六 治水鼓法

法

法以雄豬肚一箇(去淨內臟)老絲瓜筋半條。土狗子(又名螻蛄)十箇。小黑公牛糞一泡。紫背浮萍一兩。以上各藥共裝肚內。以蘆線縫好。

放新沙鍋內加水。內用桑柴火煮爛。去淨浮油。煮好去藥。將肚溫水洗淨。竹刀切片。仍入原湯中再加。赤茯苓皮。大腹皮。生薑皮。廣陳皮。生桑白皮各三錢。甘遂。(麵包煨)綿大戟。(麵包煨)芫花各二錢。(醋炒)用文武火再熬數滾。原汁約有一大菜碗。藥去淨。豬肚與汁。分作二次或三次服下。聽其自利。其水由大便出。其鼓立消。服此之日。務須依法。嚴忌鹽醬。一百二十天爲要。每日用真秋石。可代鹽。此治水鼓第

一神方。

四七 治斷舌法

凡人遇含刀在口。割斷舌頭。已垂落而未斷。用雞蛋內。白軟皮套住舌頭。另以天花粉三兩。赤芍二兩。姜黃。白芷各一兩爲末。蜜調塗舌根。以白蜜調白蠟。稀稠得宜。敷在雞蛋皮上。日敷數次。三日舌自接住。去鷄蛋皮。再用蜜蠟勤敷七日全愈。(又方)其跌撲穿斷舌心。血出不止。以鵝翎蘸米醋。頻刷斷處。其血卽止。或用瘦猪肉片。貼之更妙。仍用

蒲黃。杏仁。礪砂少許爲末。蜜調成膏。噙化而安。

四八 治癩狗毒蛇咬法

兼治痧症悶死。時疫傷寒。發癩不出等。用上號當門子（卽麝香）一錢。梅花冰片一錢。火硝三錢。上號腰面雄黃一錢。九製爐甘石一錢。上藥共研細末。男左女右。用竹耳挖點近鼻處大眼角。卽精舍光殿穴也。凡七次。隔一日。再點七次。雖重傷亦愈。若狗咬至二十日以外者不治。若用藥後誤食羊肉。或用藥再遲至二十

日外者。亦不治。宜忌發物四十九日。

四九 治魚骨入腹作痛法

魚骨最細。食魚時偶不經心。魚骨卽入腹中。其痛難忍。宜煎吳茱萸服之。則其骨柔軟而腹不痛。若一服無効時。可再三服之。又法。以縮沙與白糖。等分煎而服之。且此法兼治烏骨梗痛之事。

五〇 治鐵耙傷治

農家使用農具之際。偶誤踏於鐵耙之刺上。則血出不止。行動之難。

莫甚於此。可見鮮泥鯁。數尾。和白糖搗爛敷之。卽愈。

五一 治壁虎咬傷法

卽覓藥蜘蛛一隻。大者最好。將蜘蛛放於傷處。則蜘蛛卽在傷口伏而不動。(如非壁虎咬傷。其蜘蛛卽走。其痛隨止。而蜘蛛隨卽膨大。其毒氣卽吸入蜘蛛腹內。而患已愈。但蜘蛛亦宜救活。若任卽斃。亦所不忍。用冷水一碗。將蜘蛛放於冷水內。其先腹朝上。繼而連吹細泡。後卽翻身而活。

五二 治兩耳脫落法

法用人髮入瓦罐。以鹽泥封固。煨過爲末。急以所傷耳鼻蘸藥。安於舊處。再用老姜嚼融。四圍厚敷。用綢捆定自安。

五三 治大肚痞法

不拘何種膏藥二張。以一張揭開。用白信五分糝膏上。(小兒止用三分)再用一張。相對合粘。將背面貼患處。以布束緊。數日痞化爲水。或用阿魏膏貼之。亦効。

五四 治牙白蟲疾法

此症面色黃瘦。飲食少進。發時腹痛。口吐清水。用尖檳榔一箇。廣木香五錢。研極細末。大人每服五錢。小兒三錢開水調下。其蟲卽隨大便而出。先用煎炒香味。令病人聞之。然後服藥。無不神驗。服藥須在月初。病重者。二三服卽愈。(又方)連鬚老蔥頭。(搗汁)麻油調服。或炒蔥頭。能化蟲爲水。(又方)榧子七箇。日服二次。服至七日。蟲化爲水。

五五 治吸烟斷癮法

每遇吸煙時。預含食鹽少許。日久自能斷癮。雖數十年老癮，亦效。(此方將取物性相制之功)，(又方)煙灰。食鹽。甘草。白米飯四物等分。打丸。由漸減少。以盡爲度。此方過癮。制煙。解毒。養胃。色色周到。穩妥之至。

五六 治骨鯁法

橄欖尤驗。如爲魚刺鯁喉。則購柿餅囹囹吞之。刺卽隨之而上。更食橄欖。足以消化於無形。(又方)無論鷄鴨魚骨鯁喉中。除以古法施治

外。如無效時。急以威靈仙（藥鋪中買）和紅糖少許。煎濃服之。其骨即軟化而下。此法屢試屢驗。

五七 治濕氣法

春夏之交。足多濕氣。其最兇者。足指間出水不止。難於步行。如用草紙或大紅緞子。燒成灰後。置於足指間。每半小時更換一次。不數日即得全愈。

五八 治昏迷法

昏迷大致為腦邊少血。心力血壓驟減之故。治法。將患者仰面平臥。

頭部略低。遷入溫度較低之室。脫衣或解去鈕帶。或灌冷水於頭腦兩部。用白蘭地酒擦口內黏膜。令喚安母尼亞。或燒雞鴨毛之類使嗅。輕刷手掌足心。即愈。

五九 治吐紅法

吐紅之症不一。而患自肺熱者居多。若不早治。必至漸入癆瘵。良可慮也。方以白茅根。去心（四兩）馬蘭頭連根（四兩）湘蓮子。（四兩）紅棗。（四兩）先將白茅根。馬蘭頭。兩味洗淨。同入鍋內。濃煎二三次。

。濾去渣。再入湘蓮子。紅棗。入罐
。文火燉。令患者隨時取食。以食完
為度。所患自斷根不復發矣。屢試屢
驗。神效無比。

六〇 治辟煙瘴癘法

凡雲貴兩廣等省地方。忽有一股
香味撲鼻。卽是瘴氣。斷不可聞以免
生病。(又方)凡有瘴氣之處。飲食
不可過飽。每日須飲酒數杯。不飲酒
亦強勉飲之。可辟瘴氣。有三人早行
山霧中。一死。一病。一安然無恙。
後乃知死者過食飽。病者係空腹。無

恙者乃飲酒也。

六一 捉牙虫法

法令患者側臥。(左牙病則右臥
。右病則左臥。左右病則更迭臥。)
以粗麥粉和水。揉作扁平環。置耳上
。(大小視所用之酒杯。蓋恐傷耳。
所以籍也。)
炭熾於盆。用粗磁小酒
杯。(受強熱而不破裂者。)
內塗麻
油。覆炭上。炭中先置韭菜一把。正
當杯覆處。(使杯飽受韭菜子烟薰蒸
。)
杯熱甚。然後移此杯置患者耳門
下。藉麥粉環。正覆耳孔。俟杯冷。

可捫取下。視之。則橫七豎八之白細虫。宛轉麻油內。不啻若自其口出也。
（去蟲再薰。蟲盡乃止。）

六二 治大頭瘟法

此症頭面腫大。咽喉閉塞。急用延胡索錢半。皂角。川芎各一錢。蒸蘆五分。躑躅花二分半。共爲末。用紙撚蘸藥。推入鼻。取嚏。日三五次甚效。嚏出膿血者。更妙。無嚏者。難治。左右看病之人。用此取嚏。亦不傳染。（又方）蚯蚓（又名曲蟮）十餘條。以白糖拌入碗碟蓋好。半日

卽化爲水。（至遲一日必化）用鴨毛蘸水敷之。卽消。百發百中。此仙方也。如無白糖之處。用蚯蚓糞。井水調敷亦可。須戒殺生。

六三 治夢魔法

夢魔必因仰臥。以手壓胸所致。凡側臥將下手墊住。上手置背後。卽無此患。倦伏側臥。且不致遺精。頗有奇驗。

六四 治周身骨軟法

一人愛食燒。炙。炒。煎厚味。以致周身筋骨疼痛軟弱。漸至手足不

能舉動。經年不愈。後食冬瓜一二百觔。而愈。

六五 治脚甲腫爛疼痛法

或因割甲傷肉。或因甲長入肉腫爛不已。甚至五趾俱爛。延至脚背。臂泡四起。痛不可忍。先用陳皮煎水洗淨膿血。久洗甲自離肉。輕輕剪去。再用綠礬。(燒至汁盡研末冷透火氣)一厚敷爛處。用紬包好。每日一換。換二三次後。不用再換。如有膿泡之處。擦破敷之。敷時務必忍痛。十日即愈。屢試如神。

六六 治熱病法

外用吳萸末。熱醋調敷兩脚心。一週時一換。以愈為止。此法極妙。凡熱病有心胸煩悶者。有日久沉睡不言者。此火伏於內也。用萊豆。和建橘餅煎湯溫服。一面服以清涼之藥。一面以此湯飲之。自易奏效。再以好梨食之。更妙。

六七 治胸膈閉結不通法

法取生蚯蚓(又名曲蟥)四條。洗淨研如泥。入生薑汁。薄荷汁各一茶匙。蜂蜜半酒盃。井水調服。若熱

甚者。加真梅花冰片一二分。服再揉心下。片時汗生而愈。神效。

六八 治痧症法

刮痧法。擇一光滑細口磁碗。另用熱水一鍾。入香油一二匙。將碗口蘸油水。令其緩而且滑。兩手覆執其碗。於病人背心上。輕輕向下順刮。(切忌倒刮)以漸加重。碗乾則再蘸再刮。良久覺胸中脹滯下行。始能出聲頃之腹中大響大瀉。如注其痛。遂減睡後通身搔癢。或發出疙瘩偏身而愈。今有於頸臂刮痧者。亦能治病。

然五臟之系。咸附於背。向下刮之邪氣隨降。故毒深病重者。非刮背不可也。此為痧症起死回生。簡便良方。最靈最穩。

六九 治手足節骨疼痛法

熟地四兩。搗爛浸入頂好燒酒二觔。蒸熱用竹篲攪勻。放水三日取出。每日隨量飲。至愈為止。並取所泡熟地過酒甚效。

七〇 治陰陽易症法

方用褲襠近陰處剪下。燒灰以水和服方寸。七日三服。小便即利。陰

頭微腫。則愈。男病取女褲。女病取男褲。

七一 治爛腳法

爛腳為患。竄逐蔓延。往往經年累月。難於治愈。惟用自死龜板煨灰存性。研末摻上。一用麻油調敷亦可。一頗著奇效。惟其物難得耳。

七二 治腳底溼毒法

此因江南地居卑下。故患腳底溼毒極多。治法購蛇皮一條。撒以冰片少許。敷貼患處。不久毒液流盡。即愈。誠良方也。

七三 治肺癰法

予有友人。平居喜飲高粱及彩蛋等物。日久肺部漸損。醫生云此肺癰也。服藥終少效果。後以白芨切成薄片。置碗內。隔水蒸透。以米泔湯沖服即愈。

七四 治足繭法

足上老繭。在天氣陰霾將雨未雨之際。抽痛甚烈。寸步難移。雖時時洗足。挖去。終不能斷根。且遇剪刀等鐵器挖之。愈增其堅厚。治法用糯稻根。泡在沸水中。將老繭浸入其中。連

洗數月。漸漸軟薄。自能脫盡。且無痛苦。

七五 治久年下血法

以卷柏地榆。等分炙之。凡藥二錢。須入水一碗。煎至七八分而飲之。但大便前之下血。宜以石葦為粉。每服二錢。用茄樹之枝煎湯送下。大便後之下血。宜以五倍子為粉。每服一錢。用艾葉煎湯送下。又有多飲酒而下血者。常用酒煎煮鯽魚而食之。有奇效。

七六 治邪風歪嘴法

凡大風（俗名怪風）將嘴吹歪。用活鱔兩條。盛水盆內。以一條一手捉頭。一手捉尾。如嘴向何方歪。即由歪向正拖。如魚拖久。放入冷水盆內。再換再拖。拖正而止。有奇效。

七七 治腹蟲作痛法

凡人腹中。時常作痛。面青唇紅。口中常吐清水者。其腹中必有蟲。用水飛雄黃半斤。熬酒數斤。於朔後望前。時時和酒中雄黃飲之。常令微醉。瀉盡蟲。即愈。瀉出之蟲。須用火燒。免致傳染。

七八 治久痢及心頭久痛法

痢有經數年不愈者。於山上自掘白頭翁根（藥肆白頭翁花其力薄效用亦不同）煨豬大腸服之。立愈。若心頭痛歷十餘年者。以此煨豬胸肉服之亦可愈。

七九 治休息痢法

不外肝脾二經。以肝藏血。脾統血。肝脾不和。失於系統。故有此症。經常均以柱圓肉補脾。苦參子瀉肝。一補一瀉。確是妙法。然猶是治標之法。欲愈後而永不復發。當繼用炒

白朮二兩。煨木香六錢。炙柴胡三錢。赤白芍各一兩五錢。勻分七日服之。決無再發之慮。

八〇 治紫癩風法

法以硫黃。輕粉。密陀僧。斑蝥。（製存性）樟腦各等分。共研極細末。俟出汗時。用老薑蘸擦患處。兩三日洗去。即愈。或用密陀僧為末。黃瓜蒂擦之亦效。（又方）陀僧。乾葛。硫黃。海螵蛸。川椒共研細末。先用老薑切片擦患處。後以藥擦之永不復發。再用浮小麥煎水洗滌一次。

更妙。

八一 治瘋顛法

無論遠年初起。用猪肚一個。內放起碼金葉子十張。(尋漆匠貼金用。每張數十文之數。)肚子口用線縫好。煮熟。水不要多。約兩湯碗之數。連肚用湯。設法使病者服盡。瘋顛霍然而愈。此方係得諸某名醫。余親手用此法醫好者計十餘人。查金葉本可鎮驚安魄。惟於肚子與瘋顛何關。殊百思不得其故也。

八二 治哮喘法

病發先一時。用鳳仙花(又名指

甲花)連根帶葉。熬出濃汁。乘熱蘸汁在背心上。用力擦洗。冷則隨換。以擦至極熱為止。(無則用生薑擦之)再用白芥子三兩。輕粉。白芷各三錢。共研為末。蜂蜜調勻作餅。火上烘熱。貼背心第三節骨上。貼過熱痛難受。正是拔動病根。務必極力忍耐。切勿輕易揭去。冷則將藥餅啓下。烘熱再貼。一餅可貼二三日。無論病愈未愈。多備藥餅換貼。不可間斷。輕則貼一二日。重則貼三四日。或五

六日。永不再發。

八三 治狐臭法

狐臭最惹人厭。治法用石膏五分。三仙丹三分。紫丁香二分。共研細末成粉。貯瓷瓶中。用時撒少許於腋下。其臭立止。此係祖傳驗方。頗效。

八四 止咳法

芫荽冰糖沖服三服即愈。(又方)雪梨一個挖去心核。(須留穴蓋)灌以貝母杏仁末少許。再加冰糖。連蓋用篋或線封固。置於豆腐漿鍋內。

煮熟。清晨全食。二梨即痊。

八五 治瘋狗咬傷法

瘋狗之狀態。與普通狗稍異。耳落尾拖。頸硬而頭直。向前行時。不能反身後顧。人既遇瘋狗。無論已被咬。或未咬而啣衣。則其毒氣已接觸。若自昧不覺。未經早治。或雖治之而未得其法。急則七日。緩則四十九日。至緩百日。必仍復發。發後已不及救藥。三四小時即斃命。其死時之慘狀。更非楮墨可能形容也。若欲驗中毒與否。試將芭蕉扇向被毒者重

扇。見風卽身縮不安。試以鑼聲。驚
惕欲遁者。卽中瘋狗之毒矣。急用大
劑人參敗毒散。加生地榆一兩。紫竹
根一大握。濃煎。如病人牙關已閉。
急用竹篾撬開門牙。徐徐灌之。第一
劑可以清其神色。第二劑。則其毒盡
除。其病若失。若初咬時。卽知其瘋
狗者。先服一劑。閱七日後。嚼生黃
豆試驗。有無留毒。如口中作生豆氣
。惡心欲嘔者。毒已盡。不必再服。
如口中不覺有生豆氣者。則其毒未盡
。急再服一劑。服至三劑。則留毒必

盡。永保無患。方列如下。真紋黨。
姜活。前胡。紅紫胡。各三錢。枳壳
二錢炒。枯梗二錢。茯苓。甘草。
生薑。獨活各三錢。撫芎二錢。生地
榆一兩。紫竹根一大握。濃煎溫服
之。

八六 治糲餅梗塞咽喉法

法用竹削成細籤。軟如綿。使能
卷曲。以綿球附於一端。徐徐插入喉
中覺有物接觸。卽用力送入。則糲餅
卽下咽。或飲以蔬油。力叩其背。亦
有效。

八七 治咳嗽法

用落花生半斤。生剝去其衣。臼中搗碎。放瓦罐內。加清水煮之。沸後。面有浮油一層。用瓢舀除。酌加冰糖少許。再煮。至汁同人乳形。分一半於臨睡時服下。餘一半。於翌晨溫熱服下。五六次即愈。

八八 治痢疾法

用米泔水浸蒼朮陳壁土炒焦三兩。杏仁（去皮尖）二兩。炒姜活二兩。炒甘草一兩五錢。川烏（生皮麵包煨透）一兩半。生炒大黃一兩。熟炒

大黃一兩。右藥須向藥肆預定。共研細末。每服四分。小兒減半。孕婦忌服。赤痢用燈草三十寸。煎濃湯送下。白痢用生薑三片。煎湯送下。赤白痢用。燈草三十寸生薑三片。共煎湯送下。清水瀉用飯米湯送下。

八九 治鬱悶法

天氣炎熱之時。或出門旅行輪船之上人數過多。濁氣蒸人。往往因之發痧者。倘身畔又不攜帶痧藥。此時援救無法。呼籲無門。誠有無可奈何之勢。今有一最簡便之法。如遇發痧

時。即將其人扶持出艙口。有海風之處。對海風吹之。須臾卽能神志爽豁。霍然而愈。

九〇 治魚骨梗喉法

咽喉爲人生第一命門。食魚不慎。魚骨往往橫梗咽喉。卽飲食不能下咽。宜取乾柿或甜干柿。(與柿餅相似)儘一口之量。切而吞之不可細嚼。務使連核一氣下嚥。則魚骨卽隨之而下。

九一 治瘟疫法

薑糖飲。黃沙糖一杯。生薑自然

汁一杯。用白滾水一大杯。調勻乘熱急服。蓋被出汗卽愈。四時瘟疫皆治。(又方)白粳米三合。連鬚蔥頭十根。煮成稠粥。加好醋一酒鍾。再煮一二滾。食一碗。熱服取汗。自己出汗者不用。

九二 治消痰法

人無痰而不生。人無痰而不死。欲求安全。必覓消痰之藥。法以生梨汁生薑汁燒酒。各三茶杯。白蜜一杯半。以銅鍋煎之。使成稀薄之膏。然後再入三種之末藥而收膏。卽以人參

一錢半。白朮一錢半。貝母三錢。所研之粉末。此膏用開水沖服。有消痰止咳之效。屢試屢驗。

九三 防童子癆法

童子無癆。曷爲而有勞。予徧觀醫書。始悉致癆之由。非無因也。夫婦交樂之際。小兒在旁啼哭。欲求兒之不哭。乃令母以乳塞兒嘴。而父則仍盡情追歡。不知飲乳時卽種病根矣。豫防之法。當夫婦交樂時。先以糕餌代之。事畢後。擠去乳汁少許。再令食之。卽無此害。

九四 驗病法

以手指按大指一邊之手腕上。凡初生之兒。一分鐘脈跳一百四十跳者無病。幼稚之童。一分鐘脈跳一百二十跳者無病。壯年之人。一分鐘脈跳六十五至七十五之間者無病。(普通次數爲七十二)凡脈跳逾上列之次數。則病矣。

九五 戒烟法

法以炒米粉八錢。烟膏一錢。生鹽一錢。配製。初時癮三錢者。服此藥亦三錢。一月後。可將烟膏減盡。

此戒烟方有四善焉。鹽米隨處皆有。一也。病時可服二也。鹽米本平常日用之物。決無氣體不合之弊。三也。價既便宜。無論貧富皆可立辦。四也。余以此藥之便當如此。謹為烟界諸君介紹。並願閱者抄傳。幸勿漠焉視之。

九六 治白癜風法

(又名曰駁風多生頭面白如雲片者是。)用白鳧魚油搽之。無則取白鳧魚晒乾煎枯。取油搽之。即愈。

九七 治虱癩法

此癩其癢徹骨。破開有虱無數。內有極大一虱。用鍼挑盡。外貼玉紅膏。自愈。

九八 治蟹背瘡法

此瘡生於手背脚背中間者。故名蟹背瘡。方用山蟹花。瓦上煨灰成性。以蘆油調搽。靈驗如神。按山蟹產於荒山流水中。形似菊花。天晴時捲脚如棉花在樹。天雨時則脚撐。開似八脚蟲草欲取用者按樣可也。

九九 治腸癰法

腸癰有生於腸內者。腹內脹急。

大小便牽痛如淋。轉側搖之如水聲。潰後則膿從大便出。有生腸外者肚臍腫痛。作脹。或一足彎曲。口有臭氣。或膿自臍出。甚則腸穿。有蟲自臍中出。勢難為計。初起。宜用「牡丹皮散」以消之。潰爛。則用參芪。內託之劑。「牡丹皮散」丹皮五錢。苡仁一兩。瓜萋仁去油二錢。桃仁去皮尖研二十粒。水煎服。

一〇〇 法鼓脹辨症法

（凡患鼓脹隔食。愈後必戒殺放生。方免復發。至要至要。）手指按

之下陷不起者。水鼓也。隨手即起者。氣鼓也。週身老黑色。皮內有紫黑斑點者。血鼓也。身大熱如火者。難治。

一〇一 治疣瘰法

（又名瘰子拔之則絲長三四寸。薑汁和好醋時時擦之。有人生瘰病。屢治屢發。照此治之。則三日斷根。

一〇二 治爛腳法

東丹。松香。二味等分。入於龍爪蔥內。放磁器盆中。在飯鑊上蒸一

次。露七夜。曬七日。連葱打糊。加冰片少許。先用冷茶洗足。然後塗患處即愈。此方加入燭窩油花椒同搗。兼治肥瘡亦效。

一〇三 治疔瘡初起法

疔瘡初起。見小白泡。根盤如盤。用木通。滑石。甘草。煎服。並治一切毒瘡。服之止痛消腫。如在冬季。加麻黃少許。服後如出汗。最妙。

一〇四 治蟲疾腹痛法

蟲痛如有塊硬起者。用手在硬處。久久揉擦。揉至一日。其蟲即死。

從大便而出。

一〇五 治熱症腹痛法

服六一散。最妙。或用銅鉄冷物熨之。或服痧藥亦可。若痛甚或嘔或瀉者。照霍亂痧症各方治之。

一〇六 治脹敷臍法

治一切脹。肚飽發虛。大田螺一個。雄黃一錢。甘遂末一錢。麝香一分。先將藥末用田螺搗如泥。以麝香置臍。放藥臍上。以物覆之束好。待小便大通去之。重者用此相兼。小便大通。病即解矣。

一〇七 治腋下癭法

此癭須用長靛葫蘆燒枯。研末。加油調敷。以消爲度。一人腋下生癭如長葫蘆樣。久而破爛。用此敷之。毒水消盡而愈。

一〇八 治天泡瘡法

形如水泡者。是用蓮蓬（卽蓮房）燒枯研末。并泥調敷神效。或用荷花瓣貼之。或照黃水瘡各方。及癰毒諸方門。松香散雞腰膏治之。更妙。

一〇九 治氣臌法

將大蝦蟆一隻破開。用大砂仁填滿腹中。黃泥封固炭火煨紅。冷定去泥研末。陳皮湯調敷。放屁卽愈。

一一〇 治臌脹法

鄉農春末夏初。受盡濕熱。漸成胸悶。腹大如鼓。名曰臌脹。大麥稈二兩。烏缸豆二合。茅齊四兩。煮食。七日愈。

一一一 治五臌神法

蘿蔔子四兩。（用巴豆十六粒同炒。）牙皂一兩五錢。（煨去弦。）沉香五錢。枳殼四兩。（火酒煮切片）

炒。一 大黃一兩。酒焙。琥珀一兩。
右共爲末。每服一錢。隨病輕重加減。
雞鳴時熱酒送下。薑皮湯亦可。後
服金匱腎氣丸。調理收功。

一一二 治心胃氣痛法

真沉香。木香。公丁香。乳香。
沒藥。靈脂。前胡以上各一錢。真麝
香一分。共研爲末。收入磁瓶。以蠟
封口。不可洩氣。每服七分。開水下
。如不見效。卽是蟲痛。照蟲積各方
治之。

一一三 治陰症腹痛法

男女交合之後。或外受風寒。或
內食生冷等物。以致肚腹疼痛。腎囊
。(俗謂卵胞)內縮。亦有不縮者。
手足彎屈紫黑。重則牙緊氣絕。謂之
陰症傷寒。治肚臍痛陰寒法用雞蛋煮
熟。對切去黃。再用銀針擦入蛋白。
合在肚臍眼上。合久卽愈。

一一四 治肚痛法

赤茯苓二兩。川朴四兩。渣肉二兩
。扁豆四兩。薄荷四兩。枳殼二兩。
蘇葉二兩。大腹皮四兩。蒼朮三兩。
葛根四兩。法夏二兩。藿香二兩。神

菊二兩。蓮葉四兩。木香二兩。酒苓二兩。陳皮二兩。香附四兩。甘草二兩。麥芽四兩。春砂仁四兩。共爲細末。清菜送下。大人每服一錢。小兒五分。服後六點鐘不可食物是要。

一一五 治肚腹畏寒法

肚腹受寒。疼痛不已。真陽不足

。命門火弱故也。附子五錢。乾姜一

錢。上肉桂五分。(研末。兌服。無

上桂不用亦可。)水煎。連服十餘劑

。雖天寒肚腹亦不畏冷。再加補中補

氣等藥。調理全愈。

一一六 治水腫臃脹法

兼治肚腹臃脹實症。沉香一兩。

牙皂一兩。木香三錢。檳榔三兩。共

爲細末。燒酒爲丸。每服三錢。五更

時溫酒送下。不飲酒者。滾湯送下。

水腫水臃從小便出。氣臃頻得。矢氣

從大便出。若水腫甚者。用葶蘆三錢

。酒煎送下。七日見效。

一一七 治胃熱吐酸法

惡心吐酸。固屬脾胃虛冷。而吐

酸心辣又當別論。如服前方不應。其

爲胞絡霸火乘胃虛而上僭明矣。方用

北沙參一錢五分。元胡索一錢酒炒。
川芎六分。生薑二錢。川棟子一錢。
橘紅衣一錢鹽水炒。梔皮一錢五分炒。
。麥冬二錢。苦桔梗七分。知母一錢。
。粉甘草五分。水煎溫服。有痰。如
竹茹。法夏。各一錢

一一八 治胃脘隱痛法

胃脘一點隱痛。喜按。多年不愈。
。用快氣。溫胃。殺蟲。諸治不效者。
。仍肝鬱不伸。胃上受尅。久易延為
噎膈之症。宜用整荷葉一個。燒灰存
性。生香附米一兩研。九香蟲九枚。

甘草水製。研。胡索三錢。酒炒研。
用大棗。去核皮。薑一兩。煮搗。入
上藥為丸。日服一錢。開水送下。

一一九 治溫瘧疾法

但熱不寒而痰甚者。用當歸一兩
。水煎。日一服。頗佳。

一二〇 治瘧疾寒熱法

黃丹。百草霜。等分為末。發日
。空心米飲下三錢。不過二服愈。或
糊丸。或蒜丸。皆效。

一二一 治老人中風法

牛蒡根一升。去皮曬乾。杵為

麵。白米四合。淘淨。和作饅飪。豉汁中煮。加葱椒五味。空心食之。極效。

一一三 治痺瘧法

方用。苦杏仁去皮尖三錢。淡竹葉二錢。花粉二錢。肥知母一錢五分。麥冬二錢。生甘草一錢。川貝母去心一錢。滑石三錢。橘紅一錢。頭痛煩躁。加淡豆豉三錢。熱盛汗多。加石膏三錢。舌苔白膩。加法夏一錢三分。嘔吐。加白蔻三分。便堅咽痛。加元參二錢。梨皮五錢。

一一三 治牡瘧法

蜀漆錢半。甘草一錢。麻黃。牡蠣粉各二錢。水二鍾。先煎麻黃。蜀漆。去沫。入藥。水煎至一鍾。未發前溫服。得吐。即止。

一一四 治中風麻木法

卒然手足不舉。用穿山甲。炮熟大川烏頭。炮熟紅海蛤。如棋子大者。各二兩。為末。每用半兩。搗葱白汁。和成厚餅。徑寸許。隨左右貼脚心。縛定。密室安坐。以脚浸熱湯盆中。彼身麻汗出。急去藥。宜避風。

自然手足可舉。半月再行一次。除根。忌口避色爲要。

一二五 治脾瘧法

不蛀草烏頭。削去皮。沸湯泡二十度。蓋蓋良久。切焙研。稀糊丸梧子大。每服三十九。薑十片。棗十枚。葱三根。煎湯。清早服。以裏壓之。如人行十里許。再一服。絕好飲酒。便不發也。兼治寒瘧厥瘧。

一二六 治久瘧長寒發冷法

常山六兩。烏梅三兩。陳皮一兩。檳榔二兩。製首烏二兩。當歸二兩。

。法夏一兩。桂枝一兩。丁香十只。生姜二片。紅棗五粒。煎濃。在臨發之前服之。或吐或瀉自愈。如不瘥再半劑。可以斷根矣。

一二七 治陰黃法

陰黃。身面雖黃小便色如故大解不實。此寒濕疸也。不可誤用寒涼藥。以半夏四錢。生薑六錢。水煎分三服。

一二八 治黃疸吐血法

凡人病後身面俱黃。吐血成盆。諸藥不效。用田螺十個。水漂去泥。

搗爛。露一宿。五更取清汁服。二三
次血止黃退即愈。黃如不退。仍照前
滿天星治之最妙。

一二九 治中風不語法

用生銅綠二兩。乳細。水化去石
。慢火熬乾。再研入麝香一分。糯米
粉糊和。丸彈子大。陰乾卒中者。每
丸作二服。薄荷酒研下。餘風硃砂
酒化下。吐出青碧涎。瀉下惡物大
效。

一三〇 治久瘧成痞法

(胸脅高起者是。又名瘧母。)

毛脚芹菜。大蒜。銀硃同搗爛塗患處
。以油紙蓋上。紮住半日。皮上疼痛
。口中有蒜氣出。其塊自消。

一三一 治黃疽取黃法

扛連紙一張。裁為四條。筆管卷
如炮竹。或口上糊粘固。外用黃蠟一
兩。鉄杓將紙筒四圍澆勻。不可使蠟
入內。患人仰臥。筒套臍上。外以麵
作圈護定勿倒。頭上點火。燒至麵所
剪斷。另換新筒。看臍中有黃水如雞
子餅者。取出。輕者四五根。重者六
七根。取盡黃為度。

一三三一 治多年痢疾法

凡痢症腹不作痛。惟下膿血。兼流黃漿。日久不愈。此係平素愛食生冷酒水所致。取活鱔魚。一。去腸雜切段。一。放瓦上。焙枯成灰。研粉。每服三錢。黃糖拌。熱陳酒送下。數服全愈。不拘老幼。無不神效。忌食生冷。水酒。海參。海蜆。等物。

一三三二 治噤口痢疾法

生大附子一個。切片貼無根火上。俟熱貼病人臍上。冷則再換立愈。取無根火法。用新石灰一團。冷水淋

下。自有熱氣出。

一三四 治赤白痢法

腹中不痛者。桂圓七個。粟壳七個。荔枝七個。建蓮七粒去心。水二碗。煎八分。空心服。朝服可以一日。晚服可以一夜不痢。經驗良方。

一三五 治久瘧疾法

人參五錢。生薑五錢。水二碗。煎一碗。露一宿。次日五更溫服。當日即止。無力用參者。以白朮一兩。生薑一兩。如前煎服。二服即止。或用平瘧養脾丸。亦效。

一三六 治筋骨疼痛法

不拘風病氣滯。或楊梅瘡毒。或婦女月經諸病。先用此藥止痛。然後調理。乾馬齒莧一觔。(又名瓜子菜。一)生馬齒莧二觔。真五加皮半觔。茅山蒼朮四兩。共舂碎。煎湯洗之。洗後急用葱頭。生薑。搗爛。沖滾開水服三碗。避風睡臥取汗。立時止痛。

一三七 治風濕疼痛法

生紫蘇一把。(如無鮮者。即乾亦可。一)葱頭連鬚一把。生老薑一大

塊。陳皮二錢。共搗爛。用菜子油。一茶盃。放鍋內煎過。再加灰麵。攪勻作成一餅。乘熱敷上。冷則解下。再用菜子油。少許。放鍋內。將舊藥餅溫熱。再敷。冷則隨換。日夜不斷。其風即散而愈矣。有人手痛不能擡起。十年不愈。敷至數日全安。不用菜子油。用頂好燒酒亦可。

一三八 治寒濕氣法

真白芥子研爛。陳醋調攤厚雙皮紙上。做夾紙膏。以針密密刺孔。先將新棉花薄薄鋪一層。放在患處。

然後將夾膏貼在棉花上。片時卽似火燃。熱過卽揭去。棉花以薄爲妙。此膏不可預製。須不臨時調合。攤就卽貼。

一三九 治癩狂法

法用桐子一粒。(係榨取桐油之原質)去殼存仁。研細末。投入餅內。與食。如不食者當設法灌之。服後有頃。必大吐痰涎。初次吐後。其神態必能清醒。再如前用一粒桐子。仍入餅內與食。如病體壯旺。仍然再吐。否則由大便瀉出。從此心臟頑痰已

清。而癩狂之病亦頓失矣。精神恢復後。須用鎮心安神方劑。多服數帖。以善其後。庶無再發矣。此方屬痰迷者相宜。

一四〇 治風寒溫痺法

通身麻木。或疼痛。生川烏末四錢。薏苡仁末二錢。入米粥內。再熬。下薑汁一匙。蜜三匙。日三服。

一四一 治箭風法

俗名鬼箭風。或頭項手足筋骨疼痛。半身不遂等疾。照方一服。卽愈。真神仙方也。山甲一錢。炒研。白

薇二錢。澤蘭三錢。照分量好酒煎服。

一四二 治足疾痛法

葳靈仙。牛膝各等分。右二味共爲細末。蜜丸空心服。或酒或滾水送下。此方有奇驗。凡腫痛拘攣皆可愈。久服有走及奔馬之效。獨忌茶。如犯之不復有效。當收槐芽皂角芽之極嫩者。如造茶法貯之。以代茗飲。

一四三 治風濕癱瘓法

頑痺不仁。筋骨攣縮。六月內。取河沙。烈日暴令極熱。伏坐其中。

冷卽易之。取熱徹通汗之意。頗有效也。

一四四 治中風法

凡人覺大指次指麻木。或眉稜骨痛。三年之內。定有風疾。此方用。薯蕷草三觔。一製法列後。一製首烏。當歸。熟地黄。各八兩。牛膝。續斷。秦芫。川芎。赤芍。五加皮。各四兩。俱爲細末。煉蜜丸桐子大。空心淡酒下三錢。

一四五 治鷄脚風法

手足及指。拳攣如鷄脚狀。疼痛

不時發者。當從鬼眼灸之。左右膝骨蓋下兩邊各有小窩。共四穴。謂之鬼眼。各將蘄艾炙三次。卽愈。或謂以驅寒濕。雷火針針四穴。亦效。

一四六 治手足筋骨疼痛法

熟地四兩。搗爛浸入頂好燒酒二觔。蒸熱。用竹篥攪勻。放水中三日。取出。每日隨量飲至愈爲止。並取所泡熟地。過酒甚效。

一四七 治周身疼痛法

一人遍身作痛。或云中風。或云中濕。或云脚氣。百藥不效。後一醫

生云是氣血凝滯。用延胡。當歸。肉桂。等分。爲末。溫酒調服四錢而愈。或加天麻亦可。

一四八 治中風口喎法

灸法最妙。聽會穴。(耳珠前陷中開口有空)頰車穴(目下八分曲頰陷中)用麥大艾丸灸三次。卽效。如不效。再灸。

一四九 治痔下血法

蜒蚰一條。(用鹽泥裹煨通紅去泥用。)礪砂。硃砂。雄黃。冰片。共爲極細末。入龍骨少許更妙。大便

時乘其脫出。以細草紙盛藥少許。託之使入。大效。

一五〇 治痔漏法

名長明酒。用積年舊硫磺燈。洗淨油膩。火煨研細。以紅酒服四錢。不過七日。其管自去。

第九編 怪疾部

病之附於人體，可謂不幸矣。然而染病者，其所患爲怪疾，則雖有黃物白，奈羣醫皆束手；此種不幸中之不幸，殊有過於任何痛苦也。

治怪病之醫方與藥物，每極平凡，但平凡之中，須不失其靈效，方有價值。我國歷朝醫案中，摭錄此種治怪疾之良方，爲數頗鉅。試檢視其中所用之藥，大都無甚驚奇，然其靈効，則可謂奇而驗矣。本篇茲擇選其中有著驗者，共三十一方，併列於此，以爲醫者研究。

一 治陽毒發狂法

陽毒溫毒。熱極發狂發斑。大渴倍常。用小麥奴。梁上塵。釜底煤。竈突墨。同黃芩。蘆黃。硝黃等分。

爲末。密丸彈子大。名黑奴丸。水化服一丸。汁出或微利卽愈。

二 治卒然舌腫法

咽喉閉塞。卽時氣絕。最危之

症。用皂礬不拘多少。瓦煨紅色放地上。令冷研爲末。鐵鉗拗開牙關。以藥搽舌卽活。

三 治痘中有疔法

或紫黑而大。或黑壞而臭。或中有黑線。此症十死八九。用豌豆十九粒。燒存性。頭髮灰三分。真珠十四粒。炒研爲末。以油胭脂。同样成膏。先以簪挑疔破。啞去惡血。以少許點之。卽時變紅活色。名四聖丹。

四 治笑不休法

此症爲神有餘。笑不休。神心火也。火得風。則炤笑之象也。用滄鹽一撮。煨研。河水煎沸。啜之探吐。熱痰數升。卽愈。

五 治遍身發癢法

以錐刺之始快。少頃又癢。刀割流血知痛。此孽病也。急速用人參一兩。當歸三兩。荆芥三錢。水煎服。設無參。以黃芪二兩代之。服三劑必效。

六 治腹似坐胎法

腹中高。宛似坐胎。形容憔悴。

悴。此鬼胎也。用紅花半斤。大黃五錢。雷丸三錢。水煎服。頃瀉出血塊如雞肝者。數百斤而愈。後用六君子湯。調治自然復原。

七 治心悶面赤法

不能飲食。此食腥有蟲在腹也。用人參。半夏。甘草各三錢。黃連。陳皮各一錢。瓜蒂七箇。服之吐蟲數升。皆赤頭魚尾。必須戒酒斷腥。乃愈。否則三年後必死。

八 治疫癘發腫法

大黑豆二合。(炒炙)甘草一錢

。水一盞。煎汁時時飲之。

九 治腹脅間忽長鱗甲法

婦女多患此症。男子亦間有之。蓋孽龍化人形。與婦人交即成此症。男子與龍合亦然。治稍遲。人將變爲龍矣法宜用。

一〇 治指縫流血法

其中有小蟲如蜉蝣鑽出。少頃飛去。此濕熱帶風邪而生蟲也。用黃芪。薏仁。熟地各五錢。當歸。白芍。茯苓。白朮。甘草各三錢。人參。柴胡。荆芥。川芎各一錢。水煎服四

劑。指甲完好如初。

一一 治心窩外生瘡法

變成數口。能作人聲。此憂鬱不舒而崇憑之也。用金銀花。生甘草各三兩。人參五錢。茯神。白礬各三錢。水煎服。三四劑即愈。

一二 治米瘰嗜米法

好食生米。久則成瘰。不得米則吐清水。得米亦不化。用白米三合。雞菌一升。同炒焦為末。水一升。頓服。少刻吐出瘰如米汁。乃愈。

一三 治灸瘡飛蝶法

因艾灸火。瘡痂退落。瘡內鮮肉片子。飛如蝶狀。騰空飛去。痛不可言。是血肉俱熱。怪病也。用朴硝。大黃末各五錢。水調下。微利自愈。

一四 治筋肉化蟲法

有蟲如蟹。走於皮下作聲。如小兒啼。為筋肉之化。用雷丸。雄黃各一兩。為末。灑猪肉上火炙食。自愈。

一五 治蛟龍瘰法

蛟龍子。生於芹菜中。食之入腹。變成龍子。用錫糖。粳米。杏仁。

乳餅。煮粥食三升。日三服。吐出蛟龍子。有兩頭可驗。

一六 治小便溺五色石法

溺前痛甚。溺後稍快。此石淋也。用熟地。山萸。肉澤瀉各三兩。茯苓。薏仁。麥冬。車前子各五兩。芡實八兩。青鹽一兩。肉桂三錢。共爲末。蜜丸。早晚湯下各一兩。十日必愈。

一七 治麻藥法

患癰疽及無名腫毒。敷此藥。任用刀鍼不痛。以川烏。草烏。生半

夏。生南星各五錢。蟾酥四錢。胡椒一兩。一方加華菝五錢。一方加細辛一兩。研末。燒酒調敷。備錄聽用。

一八 治疔虱成癥法

山野人好疔虱。誤入腹生長爲癥。覓敗梳。篦各一枚。各分作兩股。以一股燒研。一股用水五升。煮取一升。和服下卽出。

一九 治脚板色紅如火法

不能着地。經年不愈。此乃過用房術火聚脚心。法當內消。作外症

治。必辣脚板。宜用。熟地三兩。麥冬。元參。釵斛各一兩。山萸。肉蓯蓉。甘菊花合五錢。丹皮。牛膝。車前子。澤瀉各三錢。草薢二錢。水煎服十劑即消。二十劑。全愈。切須戒房事三月。犯者必復發而死。

二〇 治手足皆脫不死法

此乃患傷寒症。過飲涼水。遂四肢受病。宜用薏仁三兩。白朮一兩。茯苓二兩。車前子五錢。肉桂一錢。水煎服。一連十劑。小便大利即救。

一一 治唇瘡生牙法

唇上生瘡。久則瘡口中生牙。此七情憂鬱火動也。用生地。當歸。白芍。柴胡各三錢。天花粉三錢。黃連。黃芩。黃芩各一錢。白菓十枚。煎服再用冰片。真僵蠶各一分。黃柏炒三錢。研末。

一二 治食生米病法

因食生熟物。溜滯腸胃。遂至生蟲。久則好食生米。否乃終日憔悴。不思飲食。引蒼朮。米泔水浸一宿。焙末。蒸餅。丸如梧大。每服五十九米飲下。日三服。

二二三 治魚臍疔法

瓠瓜葉。連鬚葱。白韭菜等分。同入石鉢內研煉。取汁以熱酒和服。以渣貼腋下。病在左手貼左腋。在右手貼右腋。在左足貼左胯。在右足貼右胯。在中貼心臍。用帛縛住。候肉下紅線處皆白。則散矣。如有潮熱。亦用此法。却令人抱住。恐其顛倒則難救矣。

二二四 治麻骨法

有自頂麻至心而死者。有自足心麻至膝而死者。別無治法。惟用人齒

燒灰。豆腐漿調服。卽效。

二二五 治破傷風法

剪他人指甲。不拘長短十指。俱剪下用新瓦焙存性。乳鉢研成。麪洒牀上。令病人臥下。以指甲麪沖熱酒鍾許。至晚服之。卽覆被睡。取微汗。酒量大者。服二鍾不可見風。

二二六 治毛竅出血法

遍身毛竅。節次血出。若不出。皮膨脹如鼓狀。須臾。眼。鼻。口。被氣脹合。名脈溢。飲生薑汁一盞。卽愈。

二七 治腋下癰癭法

一老嫗。右腋下生瘤。漸長至尺許。其狀如長瓠。久而潰爛。用長柄茶壺。盧燒存性研末。搽之。水出盡而愈。

二八 治驚癆治

平時嗜酒。血入於酒則為酒驚。

平時多氣血凝於氣。則為氣驚。虛勞鋼冷敗血。雜痰則為血驚。搖頭掉尾如蟲之行。上侵人咽。下食人肛。或附脊背。或隱胸腹。大則如驚。小則如錢。治法惟用蕪荑炒煎服之。兼用

煖胃。益血理中之類。乃可殺之。若徒事雷丸錫灰之類。無益也。

二九 治玉莖強中法

精滑無歇。時時如鍼刺。捏之則脆。各腎漏。用破故紙。韭子各一兩。為末。每用三錢水。二醃煎六分。日三服乃愈。

三〇 治化生鰕魚法

口鼻腥臭。流水以簣盛之。有鐵色鰕魚。如粳米大。走躍不住。以手捉之。即化為水。此肉壞也。以鷄肉任意常食。自愈。

三二 治鴨瘕法

宋元祐中。有人食鴨成瘕。以糝米研末。水調服。須臾煩燥。吐出一鴨雛。而愈。

第十編 戰時急救法

本書所列舉各方，均係舊法醫學，今本篇所列者，則新舊參半，然所用藥，亦皆常見之國藥也。

戰時急救法，何以附於臨診秘典之中乎？曰：際此非常時期，抗戰正急之際，戰之事實，已佈滿全國中矣。為醫者，值此國家動員之時，豈可忽略於戰時醫學？

本篇所附，共十九方，醫治技術與用藥，均易而輕便者，蓋本書非專供研究戰時醫學者，不過具備此普通常識，亦聊勝於無而已。

下列各方，雖婦孺亦能為之，希於戰時發生之地，廣為傳播，利國利民，最為幸慶。

一 治流彈擦傷法

流彈擦傷皮膚。破口處有火毒。

宜用青茶煮水。連洗傷口數十次。搽

乾。用牙粉撲上。包紮之。

二 治輕受毒氣

用布蘸水。輕擦全身。口鼻外並

敷以包裹冰片之薄棉。抬至風涼處安息。

三 治流血不止法

如傷在動脈。則用巾絞緊傷口上部。如傷在靜脈。則用巾絞緊傷口下部。頭部身軀不能巾絞。可用石塊一片按在傷口旁邊之血管上紮緊。血可自止。但須急送醫院救治。

四 洗刺刀傷法

刺刀刺傷。傷口必流血潰爛。法用白飯一團。搗爛。裹去血污。再敷以白礬水。自止。

五 輕傷止血法

用濃白礬水洗滌傷口。因礬有收斂性。血遇礬則斂。惟須立送醫院救治。

六 折肢止血法

炸彈落下。炸去四肢。並不一定傷生。可速用布帶絞緊折斷之肢。保存體內血液。急送醫院。尚可救治。

七 火烟悶死救治法

火烟悶死。急抬至空氣充足處。施以人工呼吸。並用薑汁半匙羹。灌之使吞下。又在太陽穴上貼以薑片。

自能甦醒。如無薑汁。可用烈酒代替。

八 救地穴中悶死法

法因避炸彈。逃入地穴中。如地穴出口中彈塞閉。人悶死其中。急抬出。放在風涼處。四肢用巾醮高粱酒。遍擦之。並急施行人工呼吸。可得救治。

九 急防毒氣法

如遇毒氣襲來。醫士可囑人用毛巾醮尿緊掩口鼻。並登極高風大之處。可避免。

一〇 治戰地餓死奇方

難民在戰地內。不敢逃奔。久餓將死。千萬勿灌飲過飽。宜用淡鹽水。煮粥湯。去米楂。徐徐灌下半碗。並飲以強酒（高粱。白蘭地）半杯。自能復活。但須在二日以內戒飲豬油。

一一 折骨急救法

肢骨跌折。可用木條夾住。紮緊。自能生好。但千萬不可移動。如移動則不治。

一二 碰傷救治法

逃難時碰傷。或彈片炸傷。不見

血。肉青腫高起。可用青茶將傷處洗淨。再用薄荷葉艾葉。搗爛。包紮之。

一三 骨傷治法

體內或四肢之骨被擊傷。可用艾草及菖蒲搗爛。和入高粱酒包紮之。一日一換。骨傷則能發出皮表而自愈。

一四 炮聲嚇死急救法

小兒被炮聲嚇死。乃假死也。急張開其口。灌入高粱酒數滴。並移動其四肢。自醒。如仍不醒。須急行人

工呼吸法。

一五 中草毒死急救法

逃避炮火。誤入毒草叢中。中毒而死。可急抬至風涼處。燒艾葉燻之。並灌入高粱酒半杯。自能復活。

一六 火藥傷目救急法

火藥炸裂。火花入目。切不能用雙手揉之。法用雞子清蘸棉。張開眼皮。徐徐拭抹眼珠。自能復明。

一七 炮聲震聾醫治法

被炮聲震聾。急用桑葉並田螺搗爛。滴入耳中。並令患者輕輕按兩耳

下近頰骨後之部份。自能復聽。

一八 高處跌斃急救法

如跳樓或山崖跌下。腦殼未破而死者。可急抬至平靜處。用酒和薑汁遍擦全身。蓋以棉被。外燻雄黃艾葉。

一九 治燃燒彈火灼傷法

被彈火灼傷。可用冰片和隔夜茶水。徐徐洗之。至焦黑處全去爲止。再用海飄膏和大梅片撲傷口多次。自能痊癒。

